

**Johannis Meursii de puerperio syntagma cum historia monstrosae partium genitalium conformatio[n]is in adulescente ... / edidit J.G.F. Franzius.**

### **Contributors**

Meurs, Johannes van, 1579-1639.  
Franz, Johann Georg Friedrich, 1737-1789.

### **Publication/Creation**

Leipzig : Widow of J.G. Bueschel, 1785.

### **Persistent URL**

<https://wellcomecollection.org/works/m8fgec4z>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



J XXXIII

17/m.

20480  
9/11/81

100  
11/12



IOHANNIS MEVRSII  
DE  
PVERPERIO  
SYNTAGMA  
CVM  
HISTORIA MONSTROSAE PAR-  
TIVM GENITALIVM CONFORMATIONIS  
IN ADVLESCENTE  
ANIMADVERSIONIBVS ILLVSTRATA  
EDIDIT  
IOH. GEORG. FRID. FRANZIVS.



---

LIPSIAE  
SVMTV IOH. GABR. BVESCHELII VIDVAE



СИБИРЬ  
САМОСТЫХУ  
-ЯН ПРИЧИНОВЛЯЕЩИХ  
СИБИРСКОМУ ГОРОДУ  
И АДВИСЕНІЕ  
СИБИРСКОГО ГОРОДУ

VIRO EXPERIENTISSIMO  
AMPLISSIMO ATQVE DOCTISSIMO  
**CAROLO LVDOVICO**  
**CAVERO**

ARTIS MEDICAE DOCTORI CELEBERRIMO

SVAM ARTEM DRESDAE

CVM LAVDE EXERCENTI

PATRONO ET FAVTORI  
MAXIMOPERE COLENDO;

СИЛА СИЛЫ СИЛЫ  
СИЛА СИЛЫ СИЛЫ  
**СИЛА СИЛЫ СИЛЫ**  
**СИЛА СИЛЫ СИЛЫ**

СИЛА СИЛЫ СИЛЫ  
СИЛА СИЛЫ СИЛЫ  
СИЛА СИЛЫ СИЛЫ  
СИЛА СИЛЫ СИЛЫ

СИЛА СИЛЫ СИЛЫ  
СИЛА СИЛЫ СИЛЫ  
СИЛА СИЛЫ СИЛЫ

VIR EXPERIENTISSIME, AMPLISSI-  
ME ATQVE DOCTISSIME,  
PATRONE AC FAVTOR MAXIMO-  
PERE COLENDE,

Parentibus id praeprimis curae cor-  
dique est, vt absoluto puerperio, et in  
lucem edito infante, cogitent atque stu-  
deant, ad quosnam potissimum partes spon-  
forum susceptorumque deferre et a qui-  
bus humanissime velint precari, vt huic  
officio libenter defungantur. Sic et ego,

coelibatus quidem amicus perpetuus ac de-  
fensor strenuus, manus obstetricias puer-  
perio Meursii adhibens, ingenii simul  
mei fetum, omni prorsus elegantia de-  
stitutum, atque adeo monstrose for-  
matum, prodire iussi; sic enim nominare  
placet historiam monstrosae conformatio-  
nis partium genitalium in adulescente,  
mea cura editam, atque animaduersioni-  
bus meis qualibuscumque illustratam.  
Cognoui autem atque perspexi illud mihi  
officium esse iniunctum atque impositum,  
vt disquiram, cuius curae illum committe-  
re atque commendare possum, eo prae-  
cipue consilio, vt eum suscipiat, et fo-  
ueat, atque caueat, ne sortem fetuum ex-  
positorum experiatur. Spem autem

concepi certissimam Tibi nequaquam  
fore prorsus ingratum, si abs Te preci-  
bus meis humanissimis id efflagitare at-  
que impetrare studeam, vt eum non sui  
causa, nam est neque venustus neque  
comitus, potius deformis atque rudis,  
sed propter comitem, videlicet puerpe-  
ram Meursii, politam, lotam, atque or-  
namentis maximis ornatam, recipere in  
tuam velis tutelam, ipsique bene cupere.  
Fauor ille prorsus singularis, quo me  
complexus es, et cuius nuper luculenta  
existare voluisti documenta, quum mei  
causa susciperes molestias, me certiorum  
reddunt, Te et hunc libellum, quem Tuο  
Nomini inscribere sustinui, hilari fronte  
esse accepturum, et quum omni sit desti-

tutus gratia, tamen ob animum Tibi  
deditissimum, quo Tibi offertur, huma-  
nissime, esse lecturum. Ceterum ad me  
quod attinet Tibi persuadeas velim, mihi  
nihil carius iucundiusue accidere posse,  
quam, vt in posterum mihi Tuo fauore,  
quo nullo vnquam excidere cupio tem-  
pore, frui liceat. Vale atque fauere perge

TVO NOMINI

Lipsiae Kal. Iunii.

---

CCCLXXXV.

deditissimo  
IOH. GE. FR. FRANZIO.

PRAE-



## PRAEFATIO.

Plures sunt causae, quibus excitati sumus ad recudendum egregium Meursii de puerperio libellum, qui, quamquam mole exiguus est, tamen rerum atque doctrinae copia quam maxime refertus, et prodesse et oblectare mirifice potest; principes tamen nominasse sufficiet. Raritas huius libelli aequa ac praestantia primum obtinet locum, quae a nobis pluribus non est commemoranda, quum Gronouii testimonium, qui eum Thesau-ro suo Antiquitatum Graecarum <sup>a)</sup> inserendum curauit, omni laude maius sit censendum, et quum seorsim haud facile comparare illum nobis queamus: primum enim cum libro de funere prodit, quem

in Bibliothecis multis instructissimis fru-  
stra quaeres. Alteram causam, eamque  
aeque grauissimam, merita eius in rem lit-  
terariam vniuersam atque philologiam no-  
bis suppeditarunt, vltro enim subscribimus  
Imperiali b) praecclare de eo sententiam  
hanc ferenti: *Vnus hic verendus antiqui-  
tatis arbiter ac delitescentium eius scriptorum  
indagator et heluo, plura ex Graecis reuoca-  
vit in lucem Latineque reddidit, quam alii  
centenis retro annis praestitisse dicantur.*  
Complura hac de re eius testantur scri-  
pta, quae quidem non vacat iam recense-  
re vberius; hoc tantum addere iuuat,  
quamplurimos viros doctos c) optasse, vt  
scripta eius ob praestantiam prorsus sin-  
gularem, eximiam utilitatem, doctrinae  
copiam, et rerum vbertatem, ac dictionis  
elegantiam de nouo recudantur, et in cer-  
tos tomos distribuantur. Neque poste-  
ritas

b) Vide Imperialis in Museo, pag. 204.

c) Cf. G. Matth. Koenigii Bibliothecam p. 538.  
et laudatos ibi auctores.

ritas ingrata erga tanti eruditii hominis  
merita in rem litterariam vniuersam, at-  
que exquisitae doctrinae illius diuitias fuit;  
non solum enim multae coimmentationes  
Thesauris Antiquitatum Gronouii atque  
Graevii insertae sunt; sed adeo ante ali-  
quot annos omnia ipsius opera Florentiae  
nitidis characteribus in forma maiori im-  
pressa prodierunt. Praeterea eius libri  
nostris quoque temporibus, quibus a  
multis antiqua alto despiciuntur superci-  
lio, suos amicos atque admiratores, in-  
uenerunt, a multisque iisdem litterarum  
ductibus atque apicibus multa loca fue-  
runt descripta atque suppresso veri aucto-  
ris nomine edita, ac tanti a quibusdam  
aestimata, ut talia scripta floribus ex  
Meursio fertisque decerptis atque furtim  
surreptis, magnis laudibus ornarent at-  
que ad caelum extollerent. Possem hic  
multos nominare, qui depromptas ex  
Meursii thesauris opes pro suis venditare  
non erubuerint, atque suam egestatem

sub diuitiis tanti viri occultare studuerint:  
verum transeant atque quiescant in pa-  
ce. Ad alia enim veniendum est. In li-  
bello nostro, quem prodire iussimus, lacu-  
nam quamdam a nobis minime explen-  
dam inuenimus, cui medicas lubenter ad-  
hibuissemus manus, si modo fieri potuif-  
set atque licuiffet. Capite etenim primo  
in fine pauca deesse videntur, quorum  
tamen in argumento huic capiti praefixo  
fecerat Auctor mentionem, videlicet  
*de studio mulierum celandi grauiditatem,*  
quae non nisi ex prima editione, qua po-  
tiri non potuimus, aut ex Florentina,  
cuius quoque inspiciendae nobis non fuit  
facultas, sunt restituenda. Gronouius enim  
in Thesauro ea omisit, ex quo recuden-  
dum illud syntagma curauimus, et suspi-  
camur merito, exemplum, quo vſus est  
Gronouius, ea vel non habuisse, vel  
ipsa ab operariis et correctoribus ex ne-  
gligentia esse praetermissa. Nostrae con-  
iecturae fauet potissimum id, quod inter-  
dum

dum in Graeuii et Gronouii Thesauris animaduertimus, non semper tantam accurationem, quanta necessaria fuisse, in libris quibusdam thesauris illis inserendis fuisse adhibitam, et multos libellos truncatos esse atque mutilatos; et sic quoque penes nostrum res se habere potest. Interim tamen Meursio ipsi in hoc syntagma conscribendo ille locus ex animo fortasse excidit, quod admodum facile fieri potuit, homines siquidem sumus, neque sine causa memoria lapsum esse Meursium credo, quum Th. Bartholinus <sup>d)</sup> qui haud dubie prima vſus est editione, eius enim temporibus illa fuit neque rara, neque, quod sciam, plures tunc existere; nullam quoque mentionem de grauiditate studiose celata faciat, qui tamen vestigia Meursii sequutus est, de sua scribens synopsi: *Quid autem exspectare debeas ex synopsi hac perspicies, cuius singula*

*la*

<sup>d)</sup> Vide Antiquitatum veteris puerperii synopsin in praef. versus finem.

*la capita exiguum Cl. Meursii de puerperio  
Graecorum opusculum exaequant.* Rebus  
sic comparatis nos veniam penes lectores  
nostros esse impetraturos et excusatione  
dignos iudicaturos speramus, si omissa  
ex ingenio nostro non tentauimus resti-  
tuere, atque audaci adiicere manu, quum  
religio nobis fuerit, aliena et forte spuria  
genuinis atque propriis auctoris addere  
verbis.

Verum neque incongruum, neque  
inconueniens esse existimauimus huic de  
puerperio syntagmati historiam monstro-  
sae conformatioonis partium genitalium in  
adulescente conspicuae subnectere, mul-  
tis de causis iisque grauissimis quam  
maxime commendatam. Raritas enim  
ipsius conformatioonis non solum omni  
attentione et consideratione digna est  
censenda; sed etiam propriae circum-  
stantiae cum illa arctissime coniunctae  
me ad illius descriptionem plenariam im-

pulerunt, praesertim quum intelligerem  
atque perspicerem, hanc historiam esse  
aptam ac accommodatam ad disquisitio-  
nes paulo abstrusiores et quam maxime  
reconditas. Monstrorum enim aequae ac  
monstrosae partium singularum confor-  
mationes etiamnum in clariori illa luce,  
qua omnia fere doctrinarum genera no-  
stris felicissimis collustrantur temporibus,  
magnis spississimisque tenebris obuelata  
rectaque sunt, ut cuilibet, ingenio per-  
spicaci atque acuto praedito, multa re-  
licta esse videantur, in quibus declaran-  
dis vberius atque commemorandis ac-  
curatius, disquirendisque plenius haud  
inutili studio versari queat. Itaque nos  
de hoc argumento cogitantes nostrarum  
partium esse duximus, quaedam hac  
opportunitate nobis oblata, delibare at-  
que in chartas leui coniicere manu, ce-  
tera autem grauioraque aliis relinquere,  
qui meliora atque lima politiora redditia  
proferre solent argumenta dilucidationes-

que

que optimas. Nobis sufficit ea tantum attigisse atque commemorasse, quae primo obtutu inter alios labores, sese nobis sponte obtulerunt. Me quidem non latet animaduersiones multo plures historiae illi addi potuisse, quae et utiles fuissent et animos eiusmodi rerum cupidos mirum in modum reficere atque recreare potuissent; at quum reputarem in nimiam mollem excreturum esse libellum, atque animaduersiones comparatae cum historia proposita maximam partem chartae replerent, magis manum retinere malui, quam ut immane monstrum continere atque exaequare videantur. Nihil amplius addo, quam ut probi eiusmodi rerum arbitri hanc meam qualecumque operam huic libello dicatam boni aequique consulant, atque meum laborem non prorsus irritum iudicent superuacuumque.

I.

IOHANNIS MEVRSII  
DE  
PVERPERIO  
SYNTAGMA.

A

Л  
І Г Я У М З І И А Н О  
ЗА  
ОІ Я З П Я З У П  
А М О А Т И Ч Е

NOBILISSIMO AMPLISSIMOQVE VIRO  
CORNELIO VAN DER MYLE

ILLVSTRISSIMO PRINCIPI MAVRL-  
TIO A CONSILIIS  
IOHANNES MEVRSIUS

S. D.

Hoc syntagma quum ederem, V. N.  
et A. inscribere tuo nomini decretum  
fuit. Caussae mihi non diu quaerendae,  
quae in promtu. Coniunctio animorum,  
et blanda conspiratio Genii vtriusque  
nostrum. Amauimus enim inter nos  
constanter a teneris vsque vnguiculis,  
in eodem ludo, sub iisdem praceptoribus

bus creuimus, eadem studia habuimus  
in eadem Academia; donec exteris na-  
tiones videndi desiderium, quod te  
capiebat, disiunxit. Sed redux postea  
de amore et affectu erga me nihil re-  
misisti. Et ne nunc quidem honoribus  
auctus, qui mutare mores solent, vete-  
rem amicum dedignaris, etsi infra te  
collocatum. Idem es, qui fuisti; et  
nihil in te iuris habere Fortunam osten-  
dis. Macte ista virtute; et animum  
mihi porro illum tam beneuolum, tam  
addictum serua: ego tibi cultum,  
quem debo. Eius pignus hoc *De*  
*Puerperio* accipe, cum voto, ut semper  
id felix sit tuae Iunoni. Vale Vir Nob.  
et Ampl. Hægæ - Comitis Postridie.  
Id. Iul. C.I.C.I.C.IV.

# INDEX CAPITVM.

**Cap. I.** Vota parentum pro liberorum susceptione. Noua nupta insidebat Mutini fascino. Sacra eidem a mulieribus facta. Dii praestites concubitus. Mulieres steriles se Lupercis verberandas offerebant. Amiculum Junonis. Praegnantes in Graecia ante quadragesimum diem fanum non ingrediebantur: et Palilia diem festum habebant. Quae formae studiosae vterum celabant.

**Cap. II.** Deorum benevolentiae, et pudicitiae maternae signa habebantur, gemellos parere, et sine dolore, item similes. Puerperae dii custodes tres.

**Cap. III.** Omina futurae magnitudinis unde capi solita.

**Cap. IV.** Infantes nati Genii et Iunonis tutela tradebantur. In terra statuebantur, captaque auspicia an Vitales forent, et sternebantur lectus Pilumno ac Picumno. Suetonius illustratus. Referebantur in aeta: quod neglegatum iterum excitauit M. Aurelius.

**Cap. V.** Clypei et vanni pro cunis: et cuius rei  
id auspicum. Infantes vesperi lauari soliti.  
Lacaenae in clypeis pariebant. Dii infantum  
curatores. Fabii.

**Cap. VI.** Puerperae Zonas Dianaee consecrabant, et  
vestimenta. Χιτῶνη. ἀμφιδρόμια. δεκάτην θύειν. Ἑπιά-  
σαι. Lustricus dies. Dea nundina. Munera  
Puerperae mitti solita.

**Cap. VII.** Virga populea depangi solita. Palma  
a parturientibus taeta. Coronae in foribus  
suspensae. Brassica Puerperis data. Earum  
aedes intrare superstitiones nolebant. Dio-  
genes Laertius emendatus. Iustum Puerpe-  
rii tempus, et eo exacto festum τεσσαροχορίν.

JOHANNIS MEVRSII  
DE  
PVERPERIO  
SYNTAGMA,  
CAP. I.

*Vota parentum pro liberorum susceptione.  
Noua nupta insidebat Mutini fascino. Sacra  
eidem a mulieribus facta. Dii praestites  
concubitus. Mulieres steriles se Lupercis  
verberandas offerebant. Amiculum Iunonis.  
Praegnantes in Graecia ante quadragesimam  
diem fanum non ingrediebantur: et  
Palilia diem festum habebant. Quae for-  
mae studiose uterum celabant.*

**I**uno Lucina faue, ad Puerperium vocaris,  
etsi non a puerpera: puerperium, quod  
tibi mulier nulla conabitur, sed illae, vt Au-  
sonius appellat, Cadmi nigellae filiae; neque

in terra partus statuetur, sed nunc chartae solo. Qualemque vero futurum est, alienum a tua ope non erit, quippe quam omni passim Puerperio praefecit maritus et frater ille tuus:

Ζεὺς ὑψιβρεμέτης ὃς ὑπέρτατα δῶματα νάλει.

**Adesto itaque ad munus propitia.** Non alte repetam principia, aut causas, e Medicorum aut Mathematicorum libris, quo quid temporis perficiatur, et quodnam cuiusque planetarum opus sit: hoc enim esset a Leda ouo ordiri bellum Troianum. Ab ipso mihi Puerperio initium erit, et puncto temporis, quo in communem hanc lucem proruptura est noua proles. Paucula tamen, quae non ab re, praemittam, veluti clamores suos mulier dum parturit. Summum omnino parentibus votum erat liberorum, itaque noua nupta, ne sterile coniugium haberet, in Mutini, siue Priapi, fascino sedere solebat. Augustinus a) Sed quid hoc dicam, quum et ibi sit Priapus nimis masculus, super cuius immanissimum et turpissimum fascinum sedere noua nupta iubebatur more honestissimo et religiosissimo matronarum? Arnobius b): Etiamne Mutinus cuius immanibus pudendis horrentique fascino inequitare matronas et auspicable

a) de ciuitate Dei Lib. VI. c. 9.

b) aduers. gentes, Lib. IV.

bile ducitis, et optatis? Idem quoque legere est apud Lactantium c). Hic Tetinus quoque dicebatur, quippe cui tendendi nerui cura esset, mulieresque ei in Veliis sacrificabant velatae togis praetextis. Festus d): *Mutini Tetini facellum fuit Romae, cui mulieres velatae togis praetextis solebant sacrificare.* Hinc quoque Dii culti plurimi, ipsius coitus praefides, Subigus, Prema, Pertunda, Perfica. Saturnus, ut semen conferret: Liber, et Libera, ut semen emitterent, hic viris, illa feminis: Ianus, ut semini in Matricem commeanti ianuam aperiret: Iuno, et Mena, ut fluores menstruos regerent ad foetus concepti incrementum: Vitunus, ut vitam donaret: Sentinus, ut sensum. Sed maxime omnium culta Iuno, et quasi familiam haec ducebat. Arnobius e): *Parturiunt, pariunt, ut difficiles puerperiorum tricas Iuno mulceat, corripiatque Lucina.* Deinde: *Puerperiis Iuno praeposita est, et auxiliatur genetricibus foetis.* Hinc illi cognomina Februlis, Fluonia, Opigena, Lucina. Itaque fiebant ei sacra mense Februario, eiusque feriae erant Lupercalia, et steriles quae essent Lupercis februantibus ver-

A 5 be-

c) Diuin. Institut. Lib. I. c. 20.

d) de verbis signif.

e) Lib. cit. L. III.

berandas sese praebebant. Discimus ex Iu-  
venali f):

*Interea tormentum ingens nubentibus hae-  
ret,*

*Quod nequeunt parere, et partu retinere  
maritos.*

*Sed melius, quod nil animis in corpora  
iuris*

*Natura indulget: steriles moriuntur, et  
illis*

*Turgida non prodest condita pyxide Lyde,  
Nec prodest agili palmas praebere Lu-  
perco.*

Interpres vetus g). *Steriles mulieres februauan-  
tibus Lupercis se offerebant, et ferula verbe-  
rabantur.* Erat autem ista ferula ex pelle ca-  
prina, et *Amiculum Iunonis* dicebatur. Festus h) docet: *Mulieres februabantur a Lupercis amiculo Iunonis, id est, pelle caprina.* Praegnantes autem Parilia colebant, dicas cau-  
sa in lecto cubantes. Festus i): *Parilia festa  
sibi obseruanda iudicant priuatim ipsae quoque  
puerperae domi in stratis, ut in pariendo ab  
eis quasi stabilitantur.* At haec Romae; trans-  
eamus in Graeciam. Ibi similiter sollicita  
vota pro liberis, et sacra facta Iunoni, Vene-  
ri,

f) Sat. III.

g) ad loc. laud.

h) L. c.

i) L. c.

ri, Gratiis. Etymologici auctor k): Φασὶ γαμηλίαν θυσίαν, ἣν ἐθυον τοῖς δημόταις, οἱ εἰς τοὺς ἑφῆβους ἐγγραφόμενοι, καὶ οἱ μέλλοντες γαμεῖν. Ἐγίνετο δὲ ἡ θυσία τῇ Ἡρᾳ, καὶ Ἀφεδίτῃ, καὶ Χάρισι. Et has *Gamelias virgines* intelligit Festus l), quum inquit: *Gameliis virginibus, supplicare nupturae solitae erant.* Neque turbare aliquem debet, quod Iuno et Venus virgines appellantur, nam Virgo Latinis, ut παρθένος Graecis, commune etiam nuptarum vocabulum est. Athenienses enim Cotto, Gygi, et Briareo, quos τριτοπάτορες dicebant, sacrificabant. Phanodemus m) apud Suidam: Μόνοι οἱ Ἀθηναῖοι θύουσι τε καὶ εὐχούται αὐτοῖς (τοῖς τριτοπάτορσιν) ὑπὲρ γενέσεως παιδῶν. Praegnantes autem factae ante quadragesimum diem fanum non intrabant. Censorinus n): *In Graecia dies habent quadragesimos insignes, namque praegnans ante diem quadragesimum non prodit in fanum.* Illud vero paene me fugerat monere, fuisse etiam Nixios deos apud Romanos; quorum signa genibus nixa in Capitolio ante cellam Mineruae colebantur, quae M. Acilius Glabrio, superato Syriae rege Antiocho, Populo Romano attulit.

Festus

k) voce γαμηλίῳ

l) L. c.

m) Lib. VI.

n) de die natali, c. II.

Festus o): *Nixii dii appellantur in Capitolio tria signa ante cellam Mineruae, genibus nixa, velut praesidentes parientium nixibus.* Supplicabant quoque Prosa et Postuortae, ne infans in pedes conuersus prodiret ex vtero matris, quum ille partus periculosissimus haberetur. Varro apud Agellum p): *Quandoque pueri contra naturam forte conuersi in pedes, brachiis plerumque diductis retineri solent: aegriusque tunc mulieres enituntur: huius periculi deprecandi gratia arae statutae sunt Romae duabus Carmentibus: quarum una Postuorta nominata est, Prosa altera; a recti peruersaque partus potestate, et nomine.* Macrobius q) Prosam nominat Anteuertam, sed hoc *ισαδυνωμεῖ*, itaque exercere nihil nos debet: aliud vero etiam illis munus assignat. Remedia autem etiam quaesita, ut facilis esset partus. Aliquis tectum parturientis transmittebat lapide vel missili, quo homo, aper, vrsa, singulis ictibus essent interfecti: vel hasta quoque velitari, euulsa ex hominis corpore, quae terram non tetigisset: vel ipse quoque maritus cinctu suo soluto, illam cingebat, et iterum soluebat, adiecta precatione se vinxisse eam, et soluturum quoque r).

Ne-

o) de verb. sign.

p) Noct. Attic. Lib. XVI, c. 16.

q) Saturnal. Lib. I. c. 7.

r) Vide Plin. Hist. Nat. L. XXVIII. c. 4.

Nefas quoque parturienti assidere poplite in alterum genu imposito, vel digitis pectinatim inter se plexis s).

## CAP. II.

*Deorum benevolentiae, et pudicitiae maternae, signa habebantur, gemellas parere, et sine dolore, item similes. Puerperae dii custodes tres.*

**V**idimus quae pro partu, ante partum: nunc ad ea quae in partu, et ab illis fieri solita; veniamus. Signum habebatur et benevolentiae deorum, et pietatis pudicitiaeque puerperae, si gemellos peperisset. Ab unde id docuerit vel vñus Plauti t) locus:

— BRO. ego faciam, tu idem aliter praedices,

*Amphitruo, piam et pudicam esse uxorem tuam ut scias.*

*De ea re signa atque argumenta paucis verbis eloquar*  
*Omnium primo Alcumena geminos peperit filios.*

AMPH. *Ain'tu, geminos?* BRO. *geminos.*

AMPH. *dii me seruant.* BRO. *sine me dicere.*

*Ut scias tibi tuaeque uxori deos esse omnes propitios.*

Quid

s) Vide eundem libro cit. c. 6.

t) in Amphtr. Act. 5. v. 33. sqq.

Quid poteris clarior? fides. Tacitus u): Soror Germanici Liuia, nupta Druso, duos virilis sexus simul enixa est, quod rarum laetumque etiam modicis penatibus. Erat et aliud iudicium: puta, si sine dolore, et facilis partus esset. Ideoque sequitur apud Plautum x):

— — uxorem tuam  
Neque gementem neque plorantem nostrum  
quisquam audiuimus  
Ita profecto sine dolore peperit. —

Apud Callimachum y) quoque est:

— nec pariens uteri nec pondera gestans  
Indoluit mater, nulloque enixa dolore est.

Idem apud Theocritum z), in nativitate Ptolemaei regis:

Adstitit haec illi facilis, sensumque doloris  
Omnibus exemit membris. —

Et luculentum quoque exemplum est in Plutarchi a) Cicerone: Ferunt quoque Ciceronem sine dolore vito ac labore enixam esse matrem. In similitudine vultus magnum pudicitiae esse argumentum existimabatur. Horatius b):

Laudantur simili prole puerperae.

Quin-

u) Annal. L. XI.

x) loc. cit. v. 46. sq.

y) In Hymno in Dianam;

z) Idyll. XVII.

a) ipso statim principio.

b) Lib. IV. Od. 5. v. 23.

Quintilianus c): *Quae pudicitiae prima fiducia est, edidit partum, quem maritus agnosceret: non timuit ne supra furtiuosque concubitus paruuli vultus, aut crescentis infantiae similitudo detegeret.* Nam parentibus dissimiles illegitimi censebantur. Phocylides d):

*Non similes natos lectus dicit adulter.*

Huc facit iocus Liuiae Augusti filiae, quae consciis flagitorum mirantibus, quomodo similes Agrippae filios pareret, quum tam vulgo potestatem sui corporis saceret, dixit: *Non nisi plena nauis tollo vectorem.* Et qui gratiam alicuius captabant, adspexit liberis, dicebant esse patri similimos. Sic ille apud Theophrastum e): *Et ad coenam vocatus, convivii dominum iubebit vocare liberos suos, ingressosque magis similes patri dicit, atque focus sicui.* Tres autem puerperae dii addebantur custodes aduersus Siluanum. Hierant, Intercidona, Pilumnus, Deuerra. Atque eius rei significandae causa constituebantur tres viri, qui noctu aedes circumirent, quorum primus securi limen feriebat, secundus pilo, tertius scopis deuerreret. Augustinus f): *Mulieri foetae post partus tres deos custodes commemorat adbiberi,* ne

Sil-

c) Declamat. XVIII.

d) Sentent. v. 165.

e) Charact. c. 5.

f) de ciuit. Dei, L. VI. c. 9.

*Siluanus deus per noctem ingrediatur et vexet,  
eorumque custodum significandorum causa tres  
homines noctu circumire limina domus, et pri-  
mo limen securi ferire, postea pilo, tertio de-  
verrere scopis: ut bis datis culturae signis deus  
Siluanus prohibeatur intrare.*

### CAP. III.

*Omina futurae magnitudinis unde capi solita.*

**O**mina vero futurae magnitudinis etiam capi solita e corporis statura, atque magnitudine et robore membrorum. Itaque placebat supra modum, si magni essent infantes nati. Liquet ex Plauto g):

BRO. *Postquam peperit, pueros lauare iussit, nos occepimus.*

*Sed puer ille, quem ego laui, ut magnus est, et multum valet?*

Et profecto non inane omen isthoc fuit, nam Hercules postea maximus existit. Huc pertinent ista e Truculento eiusdem Comici h):

AS. *Peperit puerum nimium lepidum. ST. ec- quid mihi simili'st. AS. rogas*

*Quin' ubi natus esset iam machaeram et cly- peum poscebat sibi.*

ST. *Meus est, scio iam de argumentis; ni- mium quidem simili'st. papae!*

*Iamne magnus est? jamne lectat legiones.  
quas spoliare velit?*

g) Vide Amphitr. A&t. 5. v. 50.

h) Vide A&t. 2. Sc. 6. v. 40. sqq.

## CAP. IV.

*Infantes nati Genii et Iunonis tutelae tradebantur. In terra statuebantur, captaque auspicia an Vitales forent, et sternebatur lectus Pilumno ac Picumno. Suetonius illustratus. Referebantur in alta: quod negligendum excitauit iterum M. Aurelius.*

**N**ato infante, si masculus erat, Genio in tutelam tradebatur: si de sequiore sexu, Iunoni. De Genio apparet ex isto loco Arnobii i): *Toga sternitis lectulos, et maritorum Genios aduocatis.* Item ex isto Iuuenalis k):

— *vetus est alienum Posthume lectum  
Concutere, atque sacri Genium contemnere  
fulcri.*

De Iunone clarum faciet Tibullus l):

*Haec per sancta tuae Iunonis numina juro  
Et alibi m):*

*Etsi perque suos fallax iurauit ocellos,  
Iunonemque suam. —*

Apud

i) Lib. II.

k) Sat. VI.

l) Lib. II.

m) Lib. III. Eleg. 12.

Apud Petronium n): Quartilla: *Iunone mēam iratam habeam.* Item ab obstetricice in terra statuebatur, auspicabaturque an rectus ac vitalis foret, et lectus sternebatur Pilumno ac Picumno. Varro o): *Natus si erat sublatus ab obstetricice statuebatur in terra, ut auspicaretur vitalis ac rectus esse; diis coniugalibus Pilumno et Picumno in aedibus lectus sternebatur.* Hanc Domesticam religionem appellat Suetonius p): *Natalemque geniti nepotis silentio, ac tantum domestica religione, transēgit.* Pater autem natos sibi liberos profitebatur apud praefectos aerarii, qui in acta referebant. Apuleius q): *Pater natum sibi filium caeterorum more professus est.* Scaeuolam r): *Mulier grauida repudiata, absente marito filium enixa, ut spurium in actis professa est.* Iuuenalis s).

Nullum ergo meritum est ingrate, ac per  
fide nullum,  
Quod tibi filiolus, vel filia nascitur ex me?  
Tollis enim, et libris actorum inspargere  
gaudes

Argumenta viri — — —

Po-

n) In Satyrico.

o) de vita populi Rom. Lib. XI.

p) in Claudio, c. 12.

q) Apolog. p. 541.

r) Lib. XXVIII. de probatione.

s) Sat. XI.

Postea neglectius hoc fieri coepit, sed excitauit M. Aurelius Imperator, iussitque intra trigesimum diem facere. *Capitolinus t): Liberales causas ita muniuit, ut primus iuberet apud praefectos aerarii Saturni unumquemque ciuium natos liberos profiteri intra tricesimum diem, nomine imposito.*

## CAP. V.

*Clypei et vanni pro cunis: et cuius rei id auspicium. Infantes vesperi lauari soliti. La- caenae in clypeis pariebant. Dii infantum curatores. Fabii.*

**P**orro in clypeo infantem, aut in vanno deponebant: hi enim apud Veteres loco cunarum erant. De clypeo est fragmentum Ennii apud Nonium u):

*Nam ubi introducta est, puerumque ut lauerant, locant  
In clypeo. — — —*

Et apud Theocritum x) est insignis locus:

*Vtrumque ablutum, etiam plenum lactis  
alieno  
Depositum clypeo — — —*

B 2

Ex

t) in vita Aurelii.

u) de propriet. lat. serm.

x) Idyll. XXIV.

Ex quibus locis duobus liquet etiam, ablui solitos pueros vesperi, antequam dormituri in cunas reponerentur. De vanno legitur apud Callimachum y):

— *Nemesis sopiuit in aureo  
Te vanno.* — — —

Etymologici auctor z): *Veteres in vannis liberos suos dormire faciebant. Qui in ventilabris collocabant, in auspicium futurarum divitiarum id faciebant, ut docet Scholiastes vetus a) Callimachi. In ventilabris olim infantes dormituros collocabant, in futurarum divitiarum et affluentiae auspicium. Qui in clypeo; illis fortitudinis id auspicium erat. Itaque Hercules in clypeo positus legitur, qui postea fortitudine omnes antecelluit. Quia et Lacaenae in clypeo pariebant, teste Nonno b):*

— *Λακαινίδες οἵα γυναῖκες  
‘Ιέας ὠδινουσιν ἐπ’ εὐκυκλοῦ βοέις*

Quo autem id voto? nisi hoc ipso, quod dixi. Et vero nota est eorum hominum virtus bellica, et symbolum quoque incisum scutis: ἡ τὰν, ἡ ἐπὶ τάν. In cunis vero cubantes tutabatur Dea Cunina; quae eo nomine cele.

y) Hymn. in Iouem,

z) sub hac voce.

a) loc. cit.

b) Dionys. XLI.

celebrabatur, ut testatur Lactantius c), et Augustinus d). Sed et alii dii culti. Vaticanus vagientibus praeerat; Rumina fugentibus, Statilinus, siue Statanus, stare incipientibus, Cu'ba cubantibus, Edulia edentibus, Potina h' entibus. Quae omnia reperiuntur apud Agellium, Augustinum, Donatum Terentii interpretem, Lactantium, Nonium Marcellum, Tertullianum. Fabulino quoque sacra fiebant pro accepta iam voce: nam pueri, ut, quum loqui nondum possent, *Infantes* dicebantur: ita, quum inciperent loqui, *Fabii*: atque inde huic Deo nomen. Prius est videre apud Varronem e): *Quum primo fari incipiebant, sacrificabant diu Fabulino.* Posterins ex Glossario liquet, in quo legitur *Fabia*, παρδίσκη.

## CAP. VI.

*Puerperae Zonas Dianaee consecrabant, et vestimenta. Χιτώνη, Ἀμφιδρόμια, δεκάτην θύειν, εἵποισσαι. Lustricus dies. Dea Nundina. Munera Puerperae mitti solita.*

**A**bieram paululum ad partum, nunc ad ipsus puerperas reuertar. Hae a primo partu Zonas suas Dianaee suspendebant, quae

B 3

et

c) Instit. diu. L. I.

d) de ciuit. Dei Lib. IV.

e) de liberis educandis.

et Λυσίων ea ex re cognominata. Apollo-nii Scholia f): *Soluunt Zonas primum pa-rientes, et consecrant Diana; Vnde et Lysizo-nae templum Arbenis.* Suidas aliquique auctores sunt, ante coitum id fieri consueuisse. Est et Agathiae epigramma huc pertinens, quod nos alibi citauimus. Vestimenta quoque illi dedicabant. Callimachi Scholastes g) docet: *Natis infantibus consecrant vestimenta Dia-nae.* Et ab hac re illa χιτώνη nominata. Inde est in Inscriptione antiqua:

VIRGIN. CHITONE. SACRVM.

Quintus dies a partu αὐφιδρόμια dicebatur, et tum infans circa aram curriculo gestabatur, et purgabant manus suas obstetrices. Docent id nos Grammatici Graeci. Et sacra quoque faciebant Iunoni εἰλειθύιν Graeci, Lucinae Romani. Plautus h):

Quia diis sacrificare hodie pro puero  
volo,

Quinto die, quod fieri oportet. —

Illudque sacrificium pluribus describit Scena sequente sub finem. Ephippus i):

Oὐ κυίσσας κρούει γένος ὑπερόχας  
ἄκρας  
·Αὐφιδρομίων ὄντων. —

De-

f) ad Argonaut.

g) Hymno I.

h) In Truculento.

i) In Geryone.

Decimo die amicos conuocabant, sacrificabant iterum, deinde nomen infanti dabant, postremo conuiuum agitabant. Videmus apud Polyaenum k). Ac de conuocatione quidem amicorum, in istis verbis: *Et filio sibi aliquando nato, quum nomen impositum esset, conuocatis in Graecia optimatibus, aduocauit etiam fratrem, ut susceptioni adficeret.* De sacrificio et conuiuio in sequentibus l): *Festinus ad coensem rediit, et fratri libationem incipere, ac puero imponere nomen permisit.* Suidas m) plenissime: *Mos est Atheniensibus, natis liberis, decima a nativitate nocte conuocare agnatos et cognatos, ac sanguine proximos; iisque praesentibus et nomina dare infantibus, et sacrificare diis, postremoque conuiuum agitare.* Conuiuum legimus etiam apud Capitolinum n): *Hora conuiii, quod celebri tati pueri deputabantur, quum ei fierent nomina, septem aquilae paruulae de nido allatae sunt.* Apponi vero illic apud Graecos quidem solita frusta casei Chersonitae assi, brassica item in oleo cocta, columbae, turdi, car dueles, saepiolae, loligines ac polypi, bibe banturque calices meraciores o). Sacrificium

B 4

vero

k) Stratag. Lib. VI.

l) Ibid.

m) in Lex.

n) In Albino.

o) Vide Ephippi versus apud Athen. L. II. et IX.

vero illud, ut et conuiuum δεκάτη appellatur, et parentes, conuiuum quum exhiberent δεκάτην ἐσιαῖς, quum sacrificarent, δεκάτην θύειν dicebantur. Aristophanes p):

Oὐκ ἄρτι θύω τὴν δεκάτην ταύτην ἐγώ;  
Καὶ τὸνομένῳ ὥσπερ παιδίῳ νῦν δὴ θέμην.

Constat quoque ex Harpocrate, Hesychio, Suida, Auctore Proverbiorum, Aristophanis Scholiaste, et aliis. Nec decimo tantum die semper nomina inposita, sed etiam septimo aliquando. Harpocrate q): Τοῖς αποτεχθεῖσι παιδίοις τὰς ἐβδομάδας, καὶ τὰς δεκάτας ἡγον, καὶ τάγε ὀνόματα ἐτιθεντο αὐτοῖς οἱ μὲν τῇ ἐβδόμῃ, ὡς καὶ ὁ ἡταρ λέγει· οἱ δὲ τῇ δεκάτῃ. De septimo rationem reddit Aristoteles r). Porro quinto munera quoque puerperae mittebant consanguinei. Auctor Proverbiorum s): Et munera mittunt consanguinei ut plurimum polypos ac sepias. Scilicet, quia horum usus in isto conuiuio, ut jam ex Ephippo docui. Plautus t):

PH. Quia dies sacrificare hodie pro puero  
volo,

Quinto die quod fieri oportet. DI. Censeo

PH. Non audes aliquod mihi dare munusculum.

Aeschylus

p) Auibus.

q) in Lex.

r) de animalibus, Lib. IX.

s) in descriptione Amphitromiorum.

t) Trutulento.

Aeschylus u) quoque primis Eumenidibus γενέθλιον δόσιν nominat. Et est clarus apud Terentium x):

— porro autem *Geta* feriens  
Alio munere, ubi *hera* pepererit.

Nominis autem dies apud Romanos *Lustricus* appellabatur; Tertullianus vocat *Nominalia*. Atque is maribus nonus, feminis octauus statuebatur, testibus Festo, Macrobio, Plutarcho y). Et huic praeerat Dea Nundina, teste Macrobio z).

## CAP. VII.

*Virga populea depangi solita. Palma a parturientibus tanta. Coronae in foribus suspensae. Brassica puerperis data. Earum aedes intrare superstitiones nolebant. Diogenes Laertius emendatus. Iustum puerperii tempus, et eo exacto festum τεσσαροκοσόν.*

**M**oris erat in Italia populeam virgam defigere in solo. Donatus a): *Virga populea more regionis in puerperiis eodem statim loco depacta ita breui coaluit, ut multo ante*

B 5

fatas

u) primis Eumenidibus.

x) Phorm. A&T. I. Sc. I.

y) Tertullian. de idolol. c. 16.

z) Saturnal. L. I. c. 16.

a) In vita Virgilii.

Censorinus<sup>1)</sup>: *In Graecia dies habent quadragesimos insignes: namque praegnans ante diem quadragesimum non prodit in fanum, et post partum quadraginta diebus pleraeque foetae grauiores sunt, nec sanguinem interdum continent: et paruuli ferme per hos dies morbidi sine risu nec sine periculo sunt: ob quam causam, quum is dies praeterierit, diem festum solent agitare, quod tempus appellant ΤΕΣΤΑΓΑΝΟΣ·*

1) de die natali, c. II.

II.

HISTORIA  
MONSTROSAE PARTIVM GENITALIVM  
CONFORMATI<sup>N</sup>IS  
IN ADVLESCENTE  
ANIMADVERSIONIBVS ILLVSTRATA

AB

IOH. GEORGIO FRIDERICO FRANZIO.

1922  
PRINTED IN U.S.A. BY COMERON  
AT THE W.H. MORSE PRESS,  
PHILADELPHIA,  
AT THE W.H. MORSE PRESS,  
PHILADELPHIA,  
BY COMERON.

I.

HISTORIA MONSTROSAE CONFOR-  
MATIONIS PARTIVM GENITALIVM  
IN ADVLESCENTE.

**S**uperiore anno mense Augusto exeunte ac-  
cessit ad nos adulescens, decimum et  
quartum aetatis agens annum, robusti, et  
vti videbatur, sani et integri corporis, natus  
Coloniae Agrippinae, patre spirituum ibi ar-  
dentium coctore, educatus vero ab auia Am-  
stelodami, et commendatus a C. F. SCHV-  
BERTO, V. Cl. et artis salutaris doctore, qui  
Penigii summa cum laude artem suam exer-  
cit, ad Experientissimum atque Celeberrimum  
nostrum C. C. KRAVSIVM, M. D. et P. P. qui  
pro sua, qua pollet prorsus singulari humanitate,  
non solum hunc beneuole exceptit adulescen-  
tem, sed etiam aliis medicis et artis salutaris  
studiosis eius videndi copiam fecit, vt con-  
formationem illam rariorem videant et disqui-  
fitioni exactae ac examini submittant paulo  
curationi. Ego quoque facultate illius viden-  
di mihi concessa, ante omnia ab illo scisci-  
taui, an historia huius admirandae conforma-  
tio-

tionis a quodam viro docto sit litteris man-  
 data atque prelo submissa? Se habere quidem  
**talem** descriptionem a docto medico consi-  
 gnatam litteris, aliis enim in vrbibus atque  
 academiis erat quoque commoratus, dixit;  
 verum illam sibi non esse ad manus, trans-  
 missuram vero ipsam ab amico sibi esse prope-  
 diem, et se esse curaturum, ut etiam exem-  
 plum perueniat ad manus meas. Verum  
 enim vero non stetit ille promissis, et ambi-  
 guum me reddidit de historia typis exscripta,  
 quum neque mihi aliunde innotuerit, neque  
 ab aliis sit visa. Quum autem hanc historiam  
 additis animaduersionibus cum eruditis com-  
 municare viris mihi sumserim, e re mea po-  
 tius esse arbitratus sum proferre ea, quae  
 sentiam, non quae alii dixerint. Sed missis  
 omnibus ambagibus commemoranda sunt,  
 quae ipse vidimus. Itaque primum abdomen  
 perlustrauimus omni prorsus destitutum vim-  
 bilico, ne signum quidem exiguum ibi ap-  
 paruit, ex quo ipsum vere adfuisse colligere  
 nobis liceret. In regione hypogastrica, per-  
 quarentibus nobis externam eius conditio-  
 nem, sese primum obtulit excrescentia carno-  
 sa atque fungosa, farciminis formam tosti et  
 vi ignis disrupti prae se ferens, rubicundi co-  
 loris et communibus integumentis orbati, cui  
 gallinacei magnitudinem paene aequans. In  
 unoquoque huius excrescentiae latere, versus  
 inguina, duo parua foramina erant conspicua,

ex quibus guttulae vrinae perpetuo exstilla-  
bant in vasculum ex aurichalco confectum,  
quod munditiae causa, ne indusia madefie-  
rent, atque putrescerent, et teturum sparge-  
rent odorem, filis largioribus appensum in  
braccis gestare solebat. Haec foramina ibi  
erant, vbi in statu naturali vesica vrinaria est.  
In illa regione, vbi penis protenditur, cor-  
pusculum emergebat erectum penis forma mi-  
nuta praeditum, vnius et dimidii pollicis trans-  
versi longum, in superiore parte glandem prae-  
putio non teclam, et foramine pro emittenda  
vrina plane destitutam, habens; scrotum ipsum  
legitimam habere videbatur magnitudinem,  
erat tamen pendulum; et quoties illud vidi,  
toties ita comparatum esse deprehendi, ut  
ex eo colligam nullam ibi fieri adstrictionem.  
Caeterae partes nihil mihi conspiciendum  
praebuere, quod a legibus naturae recessit.

## II.

## ANIMADVERSIONES.

RECENSIO CAVSARVM EIVSMODI  
MONSTROSAE CONFORMATIONIS.

**A**ntequam causas principes huius monstro-  
sae conformatioonis commemoremus, no-  
strarum partium esse ducimus rationem red-  
dere, quamnam ob causam hanc conforma-

tionem appellare monstrosam nobis libuerit, sunt enim qui dicant, illam potius ad lusus naturae, quam ad monstra esse referendam. Ex his difficultatum tricis atque dubitationum labyrintho facile nos expedire poterimus, si inquiramus in veram monstri in vniuersum naturam, missis omnibus illis subtilitatibus ac tricis a male sedulis hominibus ingeniose excogitatis, differentiam siquidem intercedere existimantibus inter monstra, prodigia, ostenta atque portenta, quae, nisi egregie fallimur, sub communi notione monstrorum simul comprehensa esse, res ipsa loquitur. Neque ab iis dissentio penitus, qui cum T. GVINDANTIO a) statuunt monstra quam maxime conuenire cum vegetabilibus, in quibus deprehendantur varietatum species, atque eundem ferme in modum in genere humano varias esse species atque proprias varietates: si modo in eo conueniamus, res plane confecta esse videtur, quid per monstra intelligamus; si enim ea corpora in regno animali monstrosa appellamus, quae ex aberrante natura a legibus atque regulis naturae eiusque ordine producta sunt, et in quibus

prae-

- a) In Exposition des variations de la nature dans l'espèce humaine, où l'on demande, si posées les loix naturelles les plus générales sur lesquelles portent l'ordre et l'harmonie du corps humain, la nature peut quelquefois s'en écarter, à Paris, 1771. p. 5. sqq.

praeter naturam partes b) aliam habent conformatio-  
nem, situmque, aut in quibus ex-  
cessus partium peccat, aut defectus, earum-  
que transpositio, tantummodo in verbis diffe-  
rentia, in re ipsa conuenientia esse maxima vi-  
detur. Attamen monstrorum conformatio-  
nis causae omnibus temporibus mirum in mo-  
dum phyiologorum exercuerunt ingenia, at-  
que multas easque discordes peperunt senten-  
tias, quarum haud paucæ non quidem e ce-  
rebro Jouis vti Minerua profiliere, sed tam-  
quam monstra ex hac animi sede exclusa sunt.  
Omnes illas opiniones et coniecturas comme-  
morare a nostro consilio nimis alienum, atque  
longissime remotum esse ducimus; eas tantum  
proferre placet, quæ veritati proxime ac-  
cedunt, et rei nostræ illustrandæ inseruire  
quodammodo possunt. In uniuersum autem  
hae causae ad duo possunt referri genera,  
quorum alterum complectitur causam *primige-  
niam*, alterum causas ex casu fortuito pro-  
fectas, quas GVALT. VAN DOEVEREN c)  
ac-

d) Vide Considerations sur les corps organisés,  
ou l'on traite de leur origine, de leur deve-  
loppement, de leur reproduction etc. et où  
l'on a rassemblé tout ce, que l'histoire natu-  
relle offre de plus certain et de plus interes-  
sant sur ce sujet par C. Bonnet, Amsterd.  
1762. Tom. II. p. 286. sq.

c) Vide specimen obseruationum academica-  
rum, ad monstrorum historiam, anatomen,

*accidentales* appellat. Primigeniam causam, quam tanquam veram ac evidenter probat, omnibusque praefert reliquis causis ALB. v. HALLER d), eamque egregiis ex anatomica eorum disquisitione de promtis argumentis firmat atque illustrat, in fabrica, ab ordine naturae recedente et plane aliena, et in prima partium delineatione esse collocandam libenter concedimus, atque existimamus, monstrorum germen in ouulo iam existere, quod augetur sese magis magisque euoluendo, novis partibus nutritione et circulatione adiectis e), et stimulo a liquore spermatico producto, quippe qui intrans in germen, atque dilatans organa circulationis, illam auget; germen autem nascitur post fecundationem gelatinosam indolem et singularem partium solidarum naturam hucusque non iatis cognitam, quibus monstrosa conformatio fingitur et successiue increaserit. Verum etiam seminalis liquor aliquid ad monstruosam conformatiōnem conferre, ideoque pro causa haberri potest, quippe cuius particulae nutrientes quum diuersae esse deprehendantur,

etiam

pathologiam et artem obstetriciam praecipue spectantium, p. 49. sqq.

d) Vide Eius operum anatomici argumenti Tom. III. in libris duobus de monstribus, statim ab initio.

e) Vide Bonnet Lib. cit. p. 22. sqq.

etiam diuersimode germen ipsum afficiunt f), quod ex simili effectu colligitur, siquidem venerea lue infectum semen etiam inficit ger- men atque prauam efficit conformatiōnēm. Casu porro fortuito mechanica quaedam causa, et violenta, compressio, coalitus, vel simile quid monstris procreandis fauere solet, quod vberius declarauit aduersus Wins- lowium GAVTIERIVS g): quibus accedit suc- ci nutritii in hanc illamue partem largius vel parcius affluentis abundantia, vnde et in de- fectu aberrat natura a regula ordineque legi- bus constituto aequa ac in excessu. Neque dispositio fibrarum est omittenda, quae ma- gis flecti in quodam loco possunt, in alio esse solet rigidiores, ideoque succi nutritii appo- sitioni magis vel minus fauent h); quamquam et multum ex quorumdam sententia imagi- nationi matris sit tribuendum, quae; etsi im- pugnata sit a quamplurimus, nondum penitus subuersa esse intelligitur. Innumerae his ad- di possent causae i) generandis monstris aptae atque

f) Idem Libr. laud. p. 71. sqq.

g) In obseruations sur l'histoire naturelle, sur la physique, et sur la peinture Partie XIII. obs. 3.

h) Vide Phil Iac. Schlotterbeccii schediasma botanicum de monstris plautarum, quo ana- logiam regno vegetabili cum animali inter- cedere docet, p. 11. sqq.

i) Sic Ioh. Iac. Waldfschmidt in diff. de causa partus monstrofi, fermentationem formationi fetus

atque conuenientes, verum ne videamur nimis verbosi in rebus esse leuissimis, eas relinquimus, atque potius addimus, nos non definire posse proprias causas, quae adulescentis Nostri partes genitales iusserunt esse monstrosas. Probabili saltem ratione atque euidenti hoc tuto possumus afferere, primariam causam haud dubie succi nutritii defectum fuisse, qui multas ob causas ad has partes non est delatus, neque ob tuborum et canarium aequa ac glandularum obstructionem deferri potuit; cui aliae alio tempore, anatomica inspectione facta, certioresque adiungendae erunt.

## MODVS NVTRITIONIS IN VTERO ABSENTE VMBILICO DECLARATVS.

Absentia autem vmbilici, qui neque vetustate obliteratur, neque eodem abesse solet modo, quo in primis vere absuit parentibus nostris k), quippe qui ex illa absentia intelligebant atque perspiciebant, se non eodem modo, ut reliqui homines, fuisse prognatos, sed a summo numine creatos; non solum nos instruit praeter naturae ordinem hunc adulescen-

non proportionatam, imaginationem matris, terrorem insignem aliasque profert.

k) Sigillatim hoc probauit pluribus argumentis Reinhardus, in libello: *Beweis, daß Adam und Eva keinen Nabel gehabt haben.*

Iescentem absque vmbilico prodiisse in lucem; cuius rei etiam prostant exempla, sed etiam nos quasi manu ducit ad obseruationes et conjecturas neque prorsus inutiles, neque penitus gratia destitutas, atque contemnendas <sup>l).</sup> Per vmbilicum enim nutritionem fetus in utero materno fieri aequa ac sanguinis circuitum, et antiqui medici affirmant, et quamplurimi recentiorum mirifice cum iis consentiant, atque confirmant antiquam medicinam cum recentiori esse coniungendam arctissime. Age quaeſo patronos ac defensores huius sententiae prodire iubeamus, atque eorum verba apponamus. Hippocrates <sup>m)</sup> enim per vmbili-

l) Fetus viuos et perfectos nonnunquam nullum habuisse vmbilicum C. Stalpart van der Wiel in obſſ. p. 327. argumentis firmauit, et Chatton, chirurgus Gallus, in Journal des Savans, a. 1673. p. 79. exempla attulit fetuum funiculo vmbilicali destitutorum, et Cl. Iastelier in Journal de Médecine T. XXXIX. p. 27. alios vt silentio praeteream.

m) Περὶ τροφῆς Sect. IV. p. 51. ἀρχὴ τροφῆς καὶ υγεῆς καὶ ξηρῆς, σόμα, σόμαχος, κοιλία. Ἡ δὲ ἀρχαιοτέρη τροφὴ, διὸ τοῦ ἐπιγαστρίου, ὁ μαζαλός. Principes partes alimento assumendo sunt os, gula, venter: verum antiquius alimentum, per abdomen umbilicus. Et περὶ δικτυμάνου Sect. III. p. 40.: ὁ δὲ ὁ μαζαλός, διὸ οὐδὲ εἰσαδός εἰσι τοῖς παιδί-

bilicu[m] vtero adhaerentem et, nutritionem, et  
aeque ac spirituum ingressum, fieri statuit.  
Aristoteles n) eamdem opinionem prodit, at-  
que modum, quo illa perficitur, describit  
vberius o). Suffragantur his duumuiris  
Stoi-

οισι μοῦνον τοῦ σώματος τῇ μήτρῃ προσέρ-  
χεται. Διὰ τούτεων καὶ κοινωνεῖ τῶν ἐστόν-  
των. At vero umbilicus, per quem ali-  
menti ac spiritus ingressus pueris contin-  
gunt, solus ex omni corpore vtero adhae-  
ret, et per hunc eorum, quae ingrediuntur,  
fit particeps.

n) Hist. animal. VII. 8. Αὐξάνεται τὰ ζῷα  
πάντα, ὅσα ἔχει ὄμφαλὸν, διὰ τοῦ ὄμ-  
φαλοῦ. Incrementa capiunt omnia ani-  
malia, quibus est umbilicus, per umbili-  
cum.

o) De gener. anim. II. 4. "Εἰ γὰρ ὁ ὄμφα-  
λος φλὲψ, τοῖς μὲν μίᾳ, τοῖς δὲ πλείους.  
Αἱ δὲ φλέβες, οἷον ἕρζα, πρὸ τὴν υγέρων  
συνάπτουσι, δι' ἣν λαμβάνεται τὸ κύημα  
τροφήν. Ή μὲν οὖν αὔξησις τῷ κυήματι  
γίνεται διὰ τοῦ ὄμφαλοῦ τὸν αὐτὸν τρό-  
πον, ὃνπερ διὰ τῶν ὕλῶν τοῖς φυτοῖς. Um-  
bilicus vena in aliis simplex, in aliis mul-  
tiplex est; quae quasi radices ad uterum  
contingunt, per quas alimentum habet fe-  
tus; nam incrementum fetui per umbilicum  
contingit, eodem, quo plantis modo, per  
radices.

Stoici p), Galenus q) cum vniuersa Galenico-  
rum Aristotelicorumque cohorte, omnibusque  
Arabum medicis. Nostris vero temporibus  
his subscripserunt atque addiderunt calculum  
magni nominis medici, quos nominaremus,  
nisi nobis otium fecissent Georgius Augustus  
Langguthius r), Iohannes Christ. Themelius s),  
Andreas Nunnius t), Iohannes Herm. Voge-  
lius u), alii, qui historiam huius sententiae  
fusius atque elegantissime tradiderunt. Veram  
etiam viam sunt prosequuti, qua sanguis nu-  
triens corpusculum embryonis solet permeare.

## C 5

Vteri

p) Plutarch. de plac. phil. V. 16. Οἱ Στωικοὶ  
διὰ τοῦ χορίου, καὶ τοῦ ὀμφαλοῦ. "Οὐεν  
τοῦτον εὐθέως ἀποδεῖν τὰς μαιουμένας,  
καὶ ἀνευρύνειν τὸ σόμα, ἵνα γένται ἡ με-  
λέτη τῆς τροφῆς ἐτέρα. Stoici fetum in  
utero per umbilicum ali aiunt, itaque hunc  
statim ab obstetricibus a partu ligari, et os  
infanti aperiri, ut de alio cogitet alimento.

q) Vide L. de form. fetus tot.

r) De nutritione fetus per solum umbilicum.

s) In comment. qua nutritionem fetus in utero  
per vasa umbilicalia solum fieri docet.

t) Diff. qua euersa vasorum rubrorum uteri  
anastomosi saniorem nutritionis fetus modum  
et mechanismum declarat.

u) In diff. quod fetus in utero non liquore  
amnii sed sanguine per venam umbilicalem  
aduecto nutriatur.

Vteri nimirum arteriolae extremæ per villosam placentæ tunicam humorem gelatinosum excipiunt, atque eum ibi carminatum ad hepar embryonis per venam ferunt umbilicalem; dein per canalem venosum et venae portarum ramos ad venam cauam inferiorem, dextram cordis auriculam atque ventriculum anteriem is transit, ex quibus per foramen ouale in sinistram cordis auriculam ac ventriculum posteriorem, aequæ ac ex arteria pulmonali per canalem arteriosum Botalli, in aortam, ac postea per huius ramos per omnes corporis partes transuehitur x). Sanguinis tandem pars, in nutritionem non conuersa ex arteriis iliacis, vel ipsa aortæ inferioris extremitate per arterias umbilicales placentæ, hiusque serum copiosum matri redditur y). Haec breuiter commemoranda erant eum potissimum in finem, ut eo melius declarari posset

a

x) Vide l'Histoire de l'Academie R. des Sciences 1753. p. 173. sur le cours du sang dans le foie du fetus humain, et Mémoires p. 487. et M. Lieutaud description des oreillettes du coeur, du trou ouale et du canal arteriel dans les Mémoires de l'Acad. R. des Scienc. 1754. p. 560.

y) Vide les Mémoires de l'Acad. R. des Sc. 1725 p. 34. et p. 371. l'Histoire de l'Acad. 1739. p. 4. Mémoires, 1739. p. 39. sur le trou ouale, et p. 128. l'Histoire 1765. p. 41. et Mémoires p. 54. et p. 159. sur la circulation du sang dans le foie du fetus.

a nobis, quam sibi natura aberrans elegerit viam in nutriendo corpore embryonis illius, qui in lucem deinceps editus reliquorum hominum more adoleuit, atque cepit incrementa. Antequam vero modum nutriendi in utero declaremus, quaestio est discutienda, an videlicet partes male conformatae, in utero degente fetu, eamdem habuerint figuram, formam atque situm; quam post exhalationem, et an in utero desuerit etiam umbilicus, eiusque cum funiculo umbilicali communio? Quam quidem quaestionem ut proponam, auctoritate Abrah. Kaw Boerhaauii z) fui excitatus, existimantis respiratione incipiente, nouas produci in corpore humano mutationes, ex quibus possit satis tuto colligi, partes quasdam male conformatas post respirationem aliam quodammodo assumere solere figuram aequa ac situm. Quod quidem concedimus eo libentius, quo magis persuasi sumus, tales mutationes fieri; sed quum eae sint propriae ac peculiares, inde non ad communes et vniuersas colligere licet. Neque possumus largiri umbilicum in nostro exemplo olim cum funiculo umbilicali in utero materno cohaesisse, et secessisse demum eo abrupto, quod interdum fit, et exemplis

com-

z) Vide Eius Historiam anatomicam' infantis, cuius pars corporis inferior monstrosa, et historiam alteram anatom. infantis, p. 87.  
sqq.

comprobari potest; quum nullum indicium et ne minima quidem cicatrix conspicatur. Itaque salua est res nostra, ideoque promissis stare debemus atque explicare, qua ratione primum nutritus fuerit embryo in utero, et deinde quomodo circuitus sanguinis fieri potuerit. Ad nutritionem quod attinet, illam absente umbilico factam esse modo prorsus singulari, ut statuamus, necesse est. Igitur Ioh. Georgii Roedereri a) sententiae accedimus proprius, qui in eiusmodi monstrosis conformatiōnibus, quibus ipsa nutritio, omnis humorum circuitus atque secretiones turbantur vniuersae, arbitratur admittendam esse quādam horum fetuum cum plantis, quas parasiticas vocant, in alia crescentibus plantas, similitudinem, indeque peculiarem censet monstorum fieri posse classem, quae quum corde careant atque ex matre sola viuant, appellat monstra parasitica, ad quae illa quoque referenda esse, neque iniuria, existimauerim absente umbilico in lucem edita, quippe qui in utero materno cordis infantis sustinet vices, atque circuitum sanguinis et humorum fieri iubet. Nondum tamen res videtur esse confecta, fingamus enim omnia sic se recte habere, atque parasitica monstra ex sola viuere matre,

a) Vide Comment. Societ. Reg. scientiarum Gottingensis Tom. IV. ad an. 1754. ibique Roedereri fetus parasitici descriptionem p. 113. seqq.

matre, tamen modus est clarius paulo expōnendus. Spem tamen concipio certissimam me excusatione magis quam reprehensione dignum fore, si in rebus praeter naturae ordinem productis etiam ad alias causas a communibus, propriis et usitatis recedentes, atque remotas confugiam, quae tamen nequamquam legis naturam ac vim habent, sed de quibus Grammaticorum excipiuntur valet. Fauere atque patrocinari meae explicationi de ratione nutritionis embryonis absente utero Democriti atque Epicuri sententia videtur, quam quidem in infantibus nulla labē et monstrosa conformatio[n]e notatis non admittendam censeo, sed tantummodo in exemplis rarioribus atque inusitatis. Fuerunt autem hi philosophi persuasi b) *fetum in utero per os ali, itaque statim, atque natus sit, ore ad mammam ferri; num et in utero esse ubera quaedam et oscula, quibus alatur.* Anatomica uteri disquisitio et menstrui sanguinis fluxus nos minime dubitare sinunt, dari eiusmodi venarum oscula, quae iubente necessitate ore appetere atque

b) Vide Plutarch. de placit. Philos. V. 16.

*Δημόκριτος, Ἐπίκουρος, τὸ ἔμβρυον ἐν τῇ μῆτρᾳ διὰ τοῦ σώματος τρέφεσθαι. Όθεν εὐθέως γενηθὲν ἐπὶ τὸν μαστὸν Φέρεται τῷ σώματι. Εἶναι γὰρ ἐν τῇ μῆτρᾳ θηλάτια καὶ σώματα, διὰ τούτων τρέφονται.*

atque sugere cogitur embryo, atque **vitae**  
**iuue corporique consulere optime.** Ut ma-  
 gis nostrae sententiae pateat veritas, con-  
 sideremus paululum substantiam vteri sinuosam  
 et cellulosam, vasis copiosissimis a spermaticis,  
 hypogastricis et haemorrhoidalibus acceden-  
 tibus, instructam, quae ramulis inter se com-  
 municant, et multiplici anastomosi coniuncta  
 sunt, et per quae tanquam per tot riuulos,  
 sanguis ad vterum confluit, ductusque illius  
 tortuosos et serpentinos permeat, sensimque  
 sinus eorum dilatat, et orificia extremitatum  
 vasculosarum in cavitate eius patentia magis  
 aperit. Ex his extremitates vasculosae exter-  
 nae ouuli, membranae chorii, sese explicando  
 et sensim insinuando, nutrimentum ex vtero  
 ad fetus ducunt. Haec ex ordine fiunt, sed  
 illa orificia, quae oblique membranam vteri in-  
 ternam pertundunt et sub ea hiant, etiam in  
 vterum ipsum humorem aliquem immittunt,  
 quem ore applicato insans excipere potest c)  
 ordinaria nutritionis via praecclusa. Igitur  
 haec conjectura veritati proxime accedere vi-  
 detur, et sic nutritum fuisse adolescentem  
 illum

c) Non adeo remotum est ab hac opinione,  
 quod de quibusdam litteris mandauit Aristoteles,  
 credentibus ali infantes in vtero su-  
 gendo carunculam quamdam, de gener.  
 anim. II. 7. Οἱ δὲ λέγοντες τρέφεσθαι  
 τὰ παιδία ἐν ταῖς υγέραις, διὰ τοῦ σαρ-  
 κιδίου τι βδαλλεῖν, οὐκ ὁρθῶς λέγουσιν.

illum in utero statuere possumus. Verum alia supersunt argumenta, causae nostrae non solum non aduersa, sed etiam conuenientia. Alcmaeonis placitum in nostras trahere liceat partes, existimantis: *fetum in utero per totum corpus ali, hocque spongiae in modum quae alendo sint idonea recipere d.*) Quod quidem hac sub conditione admittimus, ut illa ratio nutriendi tantummodo locum inueniat, si altera naturalis per umbilicum fieri nequeat. Nostrum enim corpus multis poris esse praeditum, atque per illos recipere particulas exhalatas resorbendo negari non potest; quum sudore madefacta lintea in corpore ipso siccari videamus, et praeterea corpus nostrum in usu balneorum aquosis particulis imprægnari intelligamus, ut, si libra examinetur, grauius factum esse perspiciatur, et staticæ Sanctorii medicinæ veritas firmetur. Talis autem resorptio eo melius in tenello infante fieri potest, quo magis integumenta communia porosa, atque adeo stamina et initia tantum adesse solent. Suffragatur vero etiam nobis suo calculo atque auctoritate V. Cl. Ioh. Fridr. Hen-

d) Plutarch. de plac. phil. V. 16. Ἀλκμαίων δι ὅλου τοῦ σώματος τρέφεσθαι. Αναλαμβανει γὰρ αὐτῷ, ὡσπερ σπούγγιαν, τὰ αἴπο τῆς τροφῆς θρεπτικά.

Henkel e), quippe qui fetum monstrosum ex utero parturientis extraxit, alio iam mortuo edito, qui acephalus fuit, et placenta integumentis et funiculo umbilicali penitus destitutus, quemque sola liquoris amnii resorptione nutritum fuisse prodidit. Prouocat vero simul ad exempla similia, quae a Cl. Sue et Leureto litteris fuerunt mandata, atque observationibus elegantissimis illustrata. Tandem et ex liquore amnii per os potuisse Nostrum alimenta assumere in utero materno videtur; quia haec via semper quam maxime patens in omnibus fetibus est reperta f), sed etiam ita comparati quidam fetus in utero sunt inventi, ut ex solo liquore amnii nutritos esse illos appareat g). Vnde recte colligit

Hal-

e) In den neuen medicinischen und chirurgischen Anmerkungen I Samml. p. 60. sqq.

f) Vide Halleri praelect. in Boerhaav. T. V. P. 2. p. 355. sqq.

g) Cf. Heister anatom. T. II. p. 87. N. 37. qui sic scribit: fetus per os etiam nutriti, praeter alia singularis casus, quem bis, multis studiois medicinae praesentibus Altdorfii observavi, extra dubium ponere videtur. Accepi nimirum aliquando fetus vaccinum perfectum, utero et membranis suis adhuc inclusum, tempore hiemali frigido: ubi non solum liquor amnii, qui fetus ambit, conglaciatus erat; verum idem liquor conglaciatus poros, totum oesophagum, et ventriculum,

tan-

Hallerus h) fieri non posse, quin ope huius liquoris alatur infans, qui praeter haec omnibus

tanquam vnum continuum corpus, dorsi citer crassitudine, in oesophago reperiebatur: quod ipsum deinde alia hieme iterum mihi videre contigit: ita, ut liquoris huius, fetum ambientis, cum eo, qui in ventriculo eius reperitur, communicatio inde sit manifesta. Neque verisimile est, tantam illius liquoris copiam, quanta in ventriculo fetus perfecti plerumque reperitur, in hoc omnem secerni, sicut nonnulli existimant; sed aliunde potius eum prouenire credo: praesertim quum omnibus illis qualitatibus donatus sit, quas ille habet extra fetus, cui innatae. Sic quoque se res habuit cum fetus Petiti, nodulo in medio vmbilici praedito v. Histoire acad. Reg. 1718. p. 40. et in Exemplo Bellingeri Angli, quod nutritum fuit ex glandula thymo per os, v. Tract. eius de fetus nutritio. p. 6. Et Pol. Schacherus in diff. de deglut. p. 14. Vidi in cane grauida, utero inciso, chorioque blanditer dissecto, amnio tamen cum inclusio humore integro manente, in tribus quatuorue fetibus, eos non tantum os modo aperire, modo claudere, verum etiam nunc linguam retrahere, nunc vero eamdem rursus palato firmiter applicare, eodem tempore circumfluum amnii liquorē ore aperito, et lingua depressa, sese in faucium isthmmum insinuare, eundemque, lingua, palatum versus eleuata, per gulam ad ventriculum vrgeri, hinc faucibus et abdomine leniter compressso, eiusdem cum liquore consociali, naturae humorē, ex ore tenelli profluere.

h) loc. cit. p. 356. Si ergo os apertum est in fetus, et in liquore natat, et liquor copio-

bus qualitatibus gaudet, quae vlo modo  
nutriendo corpori inseruiunt. Boerhaauium i)  
super hac re audiamus: *Liquor amnii num-  
quam deficit, ergo perpetuo suppeditatur;  
numquam foetet, ergo semper recens aduenit;  
estque verus nutritius humor, qui a maternis  
arteriis, per earum propriam fabricam elabo-  
ratus, recipitur in bibulas fistulas chorii, amnii,  
in cauum oui, vt in eo ipso humore fetus na-  
tet. Sapor eius blandus, dulcis, subsalsus est;  
in cochleare igni expositus concrescit: lentius  
tamen, quam albumen oui, aut sanguinis se-  
rum, cui proxime accedit, aut albumini cum  
aqua concusso. Duplex ipsi vtilitas est, con-  
tinere fetus et alere. Licet qnidem non in  
vniuersum subscribamus his verbis, nam cre-  
dimus fetus nutritionem legitime fieri per  
ymbilicum, tamen exinde hoc colligimus;  
necessitate sic iubente etiam liquorem amnii  
alere. Sed ogganiunt nobis quidam, liquo-  
rem amnii, qui sua ceteroquin non est de-  
fraudandus vtilitate, ob multas impuritates,  
quibus scatet, nutritioni prorsus esse inep-  
tum; sed haec nos non feriunt, quum scia-  
inus multos humores esse impuros, et nihilo  
tamen secius etiam particulis nutrientibus re-  
fertos, quidni et tales etiam inesse liquori*

am-

sus et liquor copiosus similisque in ventriculo  
reperitur et demonstratum est, pressu subire,  
quidni is liquor sit ex amnio? Et si ventricu-  
lum subit, quid aliud facit, nisi nutrit?

i) In prael. acad. I. c. p. 345.

amnii statuamus, quas sigillatim, selectum  
quasi faciendo, in succum et sanguinem em-  
bryo studeat conuertere? Nunc accedimus  
ad circuitum sanguinis, qui deficiente vmbi-  
lico in fetu etiam alio fieri debuit modo.  
Neque negamus arteriarum venarumque di-  
rectionem aliam in monstris esse posse, quam  
in naturali fetu, eamque re ipsa esse, multae  
monstrorum sectiones declararunt; atque  
quamplurima huius aberrationis existant ex-  
empla k); sed de hac re tantummodo anato-  
mica sectio nos reddit certiores. Igitur pa-  
rum hanc curamus, potius de modo circui-  
tus sanguinis declarando solliciti, libere et  
ingenue proponemus, quid de hoc nobis  
videatur. Illum nimirum a triplici causa  
factum esse arbitramur, primum quidem a cor-  
dis contractione et distensione, ita producta,  
vti in natis infantibus fieri consuevit, in qui-  
bus vena vmbilicalis, canalis venosus et  
maxima arteriarum vmbilicalium pars, quo-  
niam earum cessat usus, ligamenti naturam  
assumunt. Deinde vero vi vasorum ipsi ali-  
quid tribuendum est, quippe quae maior in  
Nostro fuisse, censenda est, atque quasi con-  
centrata ob vmbilici vasorumque vmbilicalium  
defectum. Siquidem in rebus physicis  
sic rem se habere constat, vt, si unius partis  
virtus sit imminuta vel nulla, alterius partis

D 2

vir-

k) Diuersitatem talem arteriarum et venarum  
suppeditauit Abr. Kaav. Boerhaue in historia  
anatomica infantis, p. 73. sqq.

virtus intendatur; hunc fere in modum v. c. coecus sensibus reliquis acutioribus ut plurimum pollet quam alii. Tandemque forte calor symbolam aliquam contulit ad sanguinis motum eo melius perficiendum: neminem enim nostrum ignorare arbitror per calorem expandi liquores, praecipue sulphureos et spirituosos, quo de effectu nos instruunt thermometra, atque per eundem calorem motum augeri intestinum. Quae tres causae coniunctim circuitum nisi produxerunt, auxerunt illum tamen haud dubie. Verum umbilicum nondum deferere possum, nisi ante monuerim, in Nostro fortasse alio in loco <sup>1)</sup> insertum fuisse illum, et, ut mihi videtur, in parte illa fungosa supra penem; et tunc per illum nutritio et circuitus sanguinis utique essent peracti; quod tamen ita accipiendum cupio, ut quidem non strenue defendendum putem, sed tantummodo conjecturae loco esse velim.

### EXCRESCENTIAE CARNOSAE VBERIOR DESCRIPTIO.

Regionem et structuram huius excrescentiae si perlustro, eam esse intelligo, in qua

glan-

1) Huic conjecturae fauet Cl. Iuveti obs. de infante monstroso inserta Journal de Medicine, Chirurgie &c. par M. van der Monde T. XIV. p. 244. qui loco partium ossicularum verticis ligamento cutaneo, membranoso, carnosso, vasculosoque fuit instructus, quod tanquam funiculus umbilicalis, qui defecit, in centrum placenta fuit insertum.

glandula prostata collocata esse solet, ideoque hoc corpusculum, mutata forma ex abdome prominens atque protrusum, glandulam ipsam fuisse, his potissimum rationibus certior factus credo. Structura siquidem eius glandulosa atque spongiosa erat, et tantum robusta illa membrana orbata conspiciebatur, quae proprie prostatam solet cingere, atque ob luxuriem m) siue succi nutritii abundantiam, in hanc regionem delata, non solum maiorem excreuerat in molem, quam in statu naturali; sed etiam ob virtutis plasticae errorrem extra locum suum consuetum, et integumenta communia, erat non solum propulsa, sed etiam denudata. In utroque versus inguina latere erat paululum depressa, atque sulco in longitudinem deorsum interstincta atque notata, qui haud dubie eius cohaesione ac concretionem cum vesica vrinaria, cuius portiuncula quoque ex abdome protracta erat, indicare videbatur, atque ante oculos ponere. Foraminula duo in lateribus illis conspicua me praeterea dubitare non sinunt, hanc excrescentiam arcte cum vesica vrinaria cohaesisse; atque in unum cum illa

D 3

coa-

m) Ex simili causa monstrata quoque in regno vegetabili procreantur, quorum exempla collegit Phil. Iac. Schlotterbeccius in schediasmate botanico de monstribus plantarum, inserto Actis Helueticis physico-mathematico-anatomico-botanico-medicis Vol. II. p. 3. sqq.

coaluisse corpus, quoniam non solum ex iis  
stillabat vrina guttatum, quam puer pro lu-  
bita, paruo forcipe admoto, et foraminulis  
paulisper dilatatis, prouocare, atque expri-  
mere poterat; sed etiam simul liquor extilla-  
bat prostatico liquori admodum similis, qui  
suspiciari iubet ad haec foraminula ductus  
transiisse excretorios illius glandulae, qui  
more consueto ex cauernulis in vrethram sese  
excernerent; ob defectum autem vrethrae,  
eiusque saltem obstructionem, ut paulo post  
videbimus, ad haec foraminula commearent.  
Insolitas autem vias interdum ingreditur natu-  
ra in excretionibus procurandis in vniuersum,  
et sigillatim in excretionibus vrinae n); si  
quacumque demum de causa viae ordinariae  
sunt paeclusae obturataeque.

DE

n) Cf. Th. Bartholini histor. anatomic. rarior.  
cent. I. qui de monstroso viro refert, eum lo-  
tium ex pila quadam fungosa circa locum vim-  
bilici absentis protuberante, velut per spon-  
giam stillando reddidisse, et pro lubitu, veluti  
iac ex papillis expressisse. Horstius in ep. med.  
f. 19. narrat feminam ex vulnere pudendi par-  
tes clausas habente, per triennium singu-  
lis diebus materiam aqueam per vomitum  
eiecisse. Platerus in Obs. L. II, et III, produ-  
cit exempla, apud multos vrinam pene ab-  
sumpto ex vlcere prodiisse. Beniuuenius Obs.  
c. 7. ex ano euacuatam vrinam tradit. Ruf.  
Ephes. de renum affectibus obseruauit quem-  
dam, qui duodecim annis reddiderat vrinam  
per intestinum longanonem,

## DE PENIS FORMA SINGVLARI.

Sit castis mentibus, precor, honos, dum ordinis me ad descriptionem penis ducit ratio, qui, quum inter res naturales locum sibi vindicet, mihi tritum illud prouerbium; naturalia non sunt turpia, defendendi causa proferre concedit. Anatomicis ex regulis illum examinare iam non opus est, et pusillam eius formam, qua ad nanos pumilionesque refertur, quoque perspicue tradidimus. Illustrandae tantummodo rei gratia quaedam addere placet. Primum enim et nimium et parum fecisse interdum naturam exempla comprobant. Priapos enim producere naturam, antiquitates testantur, duplicum vero penem non solum Iulius Obsequens <sup>o)</sup> produisse commemorat, sed etiam quaedam exempla laudat Bartholinus <sup>p)</sup> et testes, ut veritas constet, sicut patrem suum, qui Bononiae talem fuisse refert, et Schumacherum, qui eiusmodi Priapi vidit nepotulum. At vnde talis oriatur differentia ex causis supra iam allatis potest definiri; videlicet ex succi nutritii abundantia, aut defectu, fibrarumque minus recte positu, &c. et non opus est confugere ad illud: virorum partes genitales umbilici proportionem imitari ac referre, et inter has partes intercedere aliquam sympathiam, communionem, atque

D 4

con-

<sup>o)</sup> de prodigiis, c. 10.

<sup>p)</sup> Histor anat. rar. Cent. IV. hist. 22. p. 269. sq.

conuenientiam q), adeo ut eminentior vmbilicus, longiorem, depressior autem minorem colem indicet, quae, si vera sunt, nullus vmbilicus in Nostro, etiam absentiam penis notabit, cuius tamen contrarium sensibus percepimus oculisque vidimus. Nihilo tamen fecius hanc ob causam obstetricibus mandatum fuisse legitimus r), ut aequa eminentiae longitudine infantibus vmbilicum praecidant. Repudiamus haec merito tanquam fabulosa atque inepta commenta, nugasque aniles, potius nos obstrictos esse putamus, de pene clauso aliquam subiicere animaduersionem. Vitio hoc labrantes a natuitate vocantur, imperforati et *ἀτρητοι*, et vitium illud non solum in genitalibus inueniri partibus, sed etiam in ano, iam dudum prodidit Aristoteles s), talesque monstris adnumeravit; verum etiam sexus sequior t) interdum huic vitio obnoxius est,

Du-

q) Vide Elsholtium in Anthropometria, c. 24.

r) Vide Erotēm s. Trotulam de morb. mul. c. 18 ligetur vmbilicus tribus digitis a ventre mensuratis, quia secundum retentionem vmbilici erit virga virilis maior, vel minor.

s) Arist. de gener. anim. IV. 4. ab hac diuersa est imperforatio, ob vlcus, ob tumorem, aut relictam cicatricem, quae constituit phimoseos speciem.

t) V. Gorracus in def. med. p. 62. "Ατρητοι dicuntur tam viri quam mulieres, quibus anus aut genitalia perforata non sunt, siue id ex

natura

Duplici autem modo fieri solet hoc vitium, primum, si praeputium ipsum coaluerit, et deinde si penis glandisque vrethra sit obstructa clausaque penitus. Qui posterior lusus naturae penes Nostrum erat. Similia exempla exstant in medicorum scriptis, quorum duo tantum proponere iuuat. Beniuuenius u) etenim scriptum reliquit, se nouisse Pauli Bonini filium, glande colis clausa natum, qui paulo infra eam, itinere patefacto, vrinam reddiderit. Et Amatus Lusitanus x), de puerro quodam verba facit, cui nullum in glande foraminis vestigium apparuit; verum prope testes, ad ipsius penis radices, meatum a natura apertum fuisse tradit, per quem affatim vrinam reddiderit. Certe ouum non potest esse ouo similius quam hae historiae. Adeo diligenter natura compensat vnius rei absentiam simili quadam, et numquam magis aequa, quam quum maxime videatur esse iniqua. Nondum autem his rite perpensis putamus nos consilio nostro satisfecisse; animum enim nostrum multae res subeunt, quae hac occasione paulo clarius sunt disquirendae, et quae fortasse etiam lectoribus nostris, lecta hac hi-

D 5                                 istoria

natura sit,' siue ex morbo acciderit, carne vel membrana supercrescente, et meatum obstruente.

u) De abditis morborum causis, cap. 7.

x) In centur. I. curat. 25.

istoria, animaduersionibusque nostris, in mem-  
tem venerunt. Itaque paucis illis immorabi-  
mur. Quaeritur enim

### I. AN ADVLESCENS NOSTER SEN- TIAT VENEREOS STIMVLOS?

Grauissimis de causis affirmare tenemur, adolescentem nostrum non prorsus immunem fuisse a libidinis stimulis, quum enim quoad reliquas partes corporis integer atque sanus esset, omnesque corporis ipsius functiones rite succederent, et ille pubescere inceperat, statuere possumus, etiam ipsis in vasis spermaticis elaboratum esse semen. Testes vero fide dignissimos huius rei ipsos testes adolescentis sanos, integros; atque pro aetatis ratione maiores amplioresque, nominare possumus. Iam vero, si vera sunt quae dicuntur, testes grandiores, et ampliora vasa spermatica libidinis excessum declarare, quia videlicet prolifici sunt capaciores humoris, atque etiam sanguinem melius subigunt, spiritusque alacriores et semen vberius generant, omnino res confusa esse videtur. Accedit aliud argumentum ex Ioh. Bened. Sinibaldo y) depromtum, scribente: atretas omnium esse salacissimas, quia sanguis ad vterum confluens, et nunquam emissus, pruritum auget, et cupidinem inflamat, quam quidem rationem et ad sexum

y) In Geneantropiae L. IV. Tract. c. 12 p. 440.

sexum potiorem applicandam esse quilibet videt, quum seminis et sanguinis copia ad partes genitales confluens idem efficere debeat. Quam quidem rationem eo lubentius admittimus, quo magis eam ad rem nostram probandam aptam accommodatamque inuenimus, et consentientem nobiscum habemus Th. Bartholinum <sup>z)</sup> de viro sine pene et podice differentem, eum cetera sanum, nec feminas fuisse auerſatum. Certiores autem nos reddidit aliud phaenomenon, quoties enim hunc vidimus et nosmet ipsi adolescentem, aliquique eum viderunt, toties erectum fuit membrum luculentissimo indicio, eum libenter fuisse appetitum, si fieri potuisset, quod natura negauerat.

## 2. AN HVIC CONFORMATIONI MEDELA ADHIBERI, ET QVA RATIONE, POTVERIT?

Quaedam quidem excrescentiae et monstrosae conformatio[n]es manu quidem et ferro curantur, sic enim labium leporinum, naeui quidam materni, glandulae cutaneae in maiorem molem excretae, digitorum excrescentiae sectione absuntur; et quaedam admittunt absque detimento extirpationem; sed in nostro talis medela neque tuta, neque salutifera fuisset, et ob vasorum directionem,

et

<sup>z)</sup> Hist. anatom. rar. Cent. I. hist. 65. p. 115.

et ob functiones his partibus concessas, et ob periculum haemorrhagiarum lethalium. Ad penem quod attinet, ille fortasse aliquam curationem admisisset, nisi eius paruitas vetaret. Nos enim non latet genitale illud mem- brum absque periculo circumcidi, atque etiam in lue venerea manu chirurgica saepenumero tractari, itaque ad eumdem modum etiam clausus et imperofatus penis potest aperiri atque perforari. Huius ipsius methodi me- minit Hieronymus Mercurialis a), eam ab Abulcasfi commendatam laudatamque affir- mans, quam operaे pretium est, hac op- portunitate oblata, paucis describere. Prae- cipit autem ignito ferro glandis perforatio- nem facere, eo praeprimis consilio, ut lar- gior sanguinis effluxus compescatur, et vul- nus ipsum adipiscatur duriorem cicatricem, ne denuo coalescat. Deinde foramini plum- peæ, vel argenteæ immittenda erit fistula, ibi- que detinenda tamdiu, donec vulnus con- straxerit callum. Caeterum tam ante quam post manum chirurgicam admotam exquisita, tenuis ac conueniens diaeta est præscribenda obseruandaque, ne propter intensum dolo- rem in partibus exquisitissimo sensu praeditis, excitatum, et ob ignem admotum, vulnus- que factum; illa pars inflammationem conci- piat, perdatur, atque simul homo in vitae incurrat discrimen. Neque hanc medendi

rationem susserim, quum anceps sit et periculosa, aequa ac inutitis, quum breuitas ipsius phalli tolli non potuerit; neque consilium Fallopii b) placet, qui iuber breuitati sic occurere, ut producatur, extendatur, atque omnia remoueantur studiosius impedimenta, iustae magnitudini opposita. Admodum tamen vereor, si etiam aliqua spes restitutionis in integrum fuerit, ne admissurus sit medelam adulescens, quum illa monstrosa conformatio ipsi sit proficia, et de illo, bono tamen senti, dici possit, se corporis facere quaecumque, opes enim corradere solet atque reponere, ut habeat, de quibus in posterum viuat, quod nec nos improbamus.

### 3. AN MORBI EX HAC MONSTROSA CONFORMATIONE METVENDI?

Ambabus amplectimur manibus, quae Pitsch, de Gorter et Gottlob. Henr. Troeschel c) statuunt, morbos ex alieno situ partium abdominis oriri; constat enim vario modo errores in situ partium fieri; etenim solida

b) In L. de decoratione, c. 17. in quo de membrorum breuitate, et primo de colis longitudine docte tractat, atque fusius ea recenset, quae hanc curtam rei domesticae supellectionem possunt pretendere.

c) Vide dissert. de morbis ex alieno situ partium abdominis, Trajecti ad Viadrum 1754.

Iida corporis humani situ peccant, aequa ac  
fluida, quae haud raro locum alias insoliti-  
tum occupant, vel tandem peregrina corpo-  
ra in nostro corpore reperta, animalem turbant  
oeconomiam atque peruerunt. Suffragamur  
quoque Troschelio, adiicienti de monstroso  
situ distinctiones hasce, illum videlicet esse  
absolute lethalem omnemque curam respuen-  
tem, et non absolute lethalem, in quo natu-  
rae aliquatenus succurri potest, et in hypo-  
thetice lethalem, vbi accuratissima prophy-  
laxis est necessaria, ne imposterum symptomata  
nimis fiant molesta, sed potius mitigentur,  
aut si fieri possit, prorsus tollantur. Apud No-  
strum tantummodo extrema morborum clas-  
sis in censum potest venire; nam situs partium  
temporis progressu admittere locumque con-  
cedere potest ischuria, dysuria, stranguria,  
calculis, herniis, ulceribus, inflammationi-  
bus, quae tandem gangraena aut sphacelo  
finiuntur. Per id tempus, quo inter nos ado-  
lescentulus est commoratus, et quoties eum  
vidimus, studiosissimum illum in diaeta fuisse  
cognouimus, atque adeo seuerum, vt in iti-  
nere faciendo, ne hernias et inflammations  
sibi contraheret, se neque rheda neque  
equis vti, sed pedibus incedere solere, inge-  
nue professus sit, addendo hanc curam suae  
sanitatis ab ipso exigere rationem, ne morbi  
ingruant eumque lacescent, quos ob con-  
stitutionem corporis debeat metuere.

**4. AN MONSTRA ET ADVLESCENS  
NOSTER DIV VIVERE QVEANT?**

Quam plurimi cum Aristotele d) crediderunt, monstra non posse diu viuere, quia experientia duce cognoverunt vitam breuiorrem in monstribus esse concessam, et deinde quia signa longaevis hominibus propria penes illa non reperiantur, tandemque quia illa conformatio monstrosa praedisponat ea ad morbos varii generis, atque adeo mortem ipsam propterea accelerare iubeat. Quantum equidem scio, ne ullum quidem exemplum longaeui cuiusdam monstri ullibi litteris est configiatum, neque memini me aliquid de eo ullibi legere; igitur argumentis omnem fidem habendam esse censeo de breuitate vitae monstorum, quod fatum Nostro quoque suo tempore filum abrumpet vitae.

**EPILOGVS.**

Addi possent plures quaestiones v. c. an monstra sint exponenda, quem morem apud Spartanos obtinuisse legitimus, penes quos Lycurgi lege fuit sancitum, ut puer mancus, deformis, aliaque monstra, in loca vasta et

praec-

d) In Historia anim. VIII. 12. Zacchias, L. 7.  
tit. 1. qu. 2. n. 19. quamuis autem monstra plurima citius intereant, tamen sunt exempla in promptu monstroforum hominum, qui per plures vixerunt annos. v. Bartholin. cent. 1. obs. 66.

praerupta exponerentur, vel in ultimas terrarum ablegarentur oras; vel, quod Legibus Romuli ab Urbe Roma condita constitutum fuisse ferunt, ut fetus monstri formam praesae ferens, mox a partu in flumen, aut mare proiiceretur, pro cuius expiatione, a ter Noveenis Virginibus carmen per urbem canebatur e), deinde Iunoni donum ferebatur, vel an ipsa monstra sacra lauacro sint initianda; quas quidem et similes quaestiones eo libenter omittimus, quia ad nostram historiam illustrandam nihil conferunt, et postrema in primis theologis discutienda relinqui possit acdebeat, quaedam autem de illa legere cupidos ablegamus ad Michaelem Boudewyns f) qui accuratius in hanc inquisuit quaestionem.

---

e) Vide Alexandr. ab. Alejandro Genial. Dier. L. II. c. 15. et L. V. c. 27. Quaeritur tamen an monstra interficere liceat? Affirmant Menochius de arbitrariis iudicium qu. L. II. n. 28. sqq. Weinrich de ortu monstrorum c. 41. Zacchias l. 7. tit. 1. qu. 1. n. 12. Weber de iure monstrorum §. 10. Sed Mich. Alberti in system. Iprud. med. c. 5. §. 19. p. 117. distinctionem hanc admittit, si de homine aut ex imaginatione genitum fuerit, tunc non esse occidendum et si pars tantummodo laborat.

f) In ventilabro medico-theologico Part. II. Qu. 21. p. 427. sqq. Zacchias, l. c. n. 10. et qu. 4. n. 3. Boehmer in Iure eccl. I. 3. tit. 42. n. 10. aliique.

CONRADI GESNERI  
LIBELLVS  
DE LACTE  
ET  
OPERIBVS LACTARIIS  
PHILOLOGVS PARITER AC MEDICVS  
CVM EPISTOLA  
AD  
IACOBVM AVIENVM  
DE  
MONTIVM ADMIRATIONE  
ITERVM EDIDIT  
PRAEFATIONEM INDICEMQVE  
ADIECIT.  
IOHANNES GEORGIVS FRIDERICVS FRANZIVS

---

LIPSIAE

SVMPTV IOHANNIS GABRIELIS BVESCHELI,  
A. C. 

---

CXXXXCLXXVII.

480 1912  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480

---

---

---

## P R A E F A T I O.

**L**aetea ubertate refertum CONRADI  
GESNERI de lacte operibusque  
lactariis libellum, perplurimos hucus-  
que latenter annos, primum enim Tiguri  
A. R. S. MDXLI apud Christophorum Fro-  
schouerum prodierat, ex puluere et tenebris  
quasi eruere ac protrahere, in aprico ponere ac  
iterum euulgare voluimus, eum maxime in-  
finem, ut amicos ipsi conciliemus quamplurimos,  
comparemusque beniuolos lectores, cognoscentes  
ac intelligentes ex veteribus auctoribus aequa ac  
medicis, viuis illis limpidisque omnis verae eru-  
ditionis fontibus, atque magnis doctrinae cuius-  
cunque inexhaustisque thesauris, rigandos esse  
animos eorum ditandosque, qui in literarum  
studiiis

studiis cum laude utilitateque versari cupiant. Sane nos quam felicissimos censemus, si libello hoc euulgando commendandoque, quamuis nostra non indigere videatur commendatione, cum elegantia pariter sua aequa ac copia rerum alliciat ad se ultro, trahat, rapiatque animos, in multis literarum elegantiorum, quarum fine ope ne ulla quidem doctrina perfici potest, accenderemus amorem, in quamplurimis autem illum iam pridem accensum alendo augendoque integrum atque constantem conseruaremus. Quilibet ex paulo curatori scriptiunculae **G E S - N E R I** lectione intelleget atque perspiciet, literarum elegantiorum, quarum tanta, ut maior ne cogitari quidem possit, est praestantia, medico praeprimis, ultra vulgarem artis salutaris cognitionem qui cupiat sapere, notitiam esse utillem, proficiam atque necessariam, cum manu quasi liberali ac fida indefessos sui ducat amicos ad maximas delicias et voluptates mulcentes in amplissimo hoc literarum undequaque fusas campo, quarum decerpendarum ac fruendarum copia non animus solum humanus oblectari, ali atque exsatiari potest penitus; sed ita quoque de veritate reddi certus confirmatusque, nulli ut prorsus relinquatur amplius dubitationi locus.

Sed

Sed et alia ultro sese nobis offert utilitas ex hoc libello procul dubio non protinus exspectanda, sed certissime speranda; haec videlicet, maiorum nostrorum, qui quoque sensum veri bonique, (ex Aesthetica uti recentiorum quidam scriptorum opinantur optime hodie capiendum,) perceperunt, scripta non alto esse spernenda supercilie, prouti a multis fieri afolet, qui sibi ipsis solum sapere videntur, et recentiorum tantum libros, quam maxime etiam utiles, legendos censent; sed quoque diligenter consulenda atque accurate perlustranda. Re enim edocemur ipsa eos quoque veritatis sensisse dulcedinem, aequa ac argumentorum ipsam obfirmantium grauitatem, quibus nihil gratius iucundiusque homini doctrinae cupido obuenire, atque nihil magis ad assensum extorquendum cogere queat. Tunc enim manibus, GESNERI libellum nostris tenentibus, sese nobis forte obtulit commentatio WALTHERI de butyro cum praefatione MATTH. GEORGII PFANNI de lactis vsu Erlangae An. MDCCL<sup>I</sup> typis expressa, ex qua conferendo eam cum scripto Gesneriano apparebat, veritatem unam eamdemque semper fuisse, et viros nostrorum temporum eruditos ea paene dixisse, quae

a maioribus quoque prodita essent, literisque mandata. Neque aliter sensisse feminam illam genere et literarum doctrina nobilitatam, Florentiis degentem, ARGENTINAM BARDIAM de CÖNTI de VERNIO, natam BVONIAM, quippe quae commentarios edidit perelegantes, de columbis, oliuis, lactucis, butyro, caseo, &c. augurari possumus, quum vir Celeber. atque Excellent. BERNOVLLIVS, cuius fidendum tuto est iudicio acerrimo, non sine laude in Additamentis ad viri Celeb. et Consult. VOLCKMANNI Italiae descriptionem nuper recusis, auctis ac emendatis, meminerit. Multa quidem, quod equidem non negauerim, apud GESNERVM sunt, quae temporibus minus apta nostris videantur atque accommodata, nihil tamen secius ea reicienda aut exterminanda esse censem, quum, qua via, quaque ratione veteres pro temporum personarum, aetatum, terrae tractuum, regionum, in persanandis corporis humani morbis, aequae ac in conficiendis ad usum humani generis operibus lactariis ingressi sint, doceant; unde has hic inueniendi opportunitas diligentia atque attento Antiquitatum scrutatori non nisi gratissima esse poterit: quare et hac ratione neque utili-

utilitate sua destituetur prorsus omni, neque a  
lectoribus absque fructuum perceptione uberrimo-  
rum erit seponendus; siquidem exinde intellectu  
sit facillimum, qualia incrementa Hygiea nostris  
ceperit temporibus, et quam insigniter sit aucta  
emendata, curaque medica politior reddita ab  
iis, qui pluribus instructi praesidiis elegantissi-  
mis ad maiorem latiusque patentem perue-  
nere notitiam. Verum et philologis usum  
haud contemmendum libellus iste affert, quare  
non immerito GESNERVS Philologum  
quoque dixisse arbitramur, et certo confidi-  
mus; quamplurimis enim veterum auctorum  
locis rite intelligendis, belle explicandis, atque  
egregie illustrandis inseruit, quo non solum  
fastidium ex minus recte intellectis verbis,  
aut paulo obscuriori modo propositis senten-  
tiis, obortum ac perceptum propellitur, sed  
etiam mirifice lectio eorum adiuuatur. Iusto  
sane longiorem huic scripto praefigerem praefationem, si in commemorandis utilitatibus  
omnibus, quibus animus recreandus est lecto-  
rum, multus esse vellem; sed pro instituti mei  
ratione satis me dixisse arbitror.

Claudite iam riuos, sat prata biberunt.

Hoc tantummodo addendum existimo,  
me hoc opusculo edendo non operis solum  
praeesse, sed pauca quaedam etiam de meo  
addere voluisse, ne nullo libellus additamento  
auditus prodiret. Vnde et Indicem Sectionum  
et Rerum Verborumque adieci, ut maiorem  
forsitan ei conciliarem gratiam, et quibusdam  
prodessem, qui Indices consulturi de toto ar-  
gumento libri differere audeant. Gratissimum  
autem mihi ipsi hoc fore confirmo, si meum  
consilium meaque opera qualiscunque quamplu-  
rimis non displicuerit lectoribus. Scr. Lips.  
d. XIV. Iulii A. R. S. MDCCLXXVII.

CLARISSIMO VIRO

D. IACOBO AVIENO

CONRADVS GESNERVS, MEDICVS

S. D. P.

**C**onstitui posthac, Auiene doctissime,  
quam diu mihi vita diuinitus con-  
cessa fuerit, quotannis montes ali-  
quos, aut saltem vnum conscendere, cum  
in suo vigore plantae sunt, partim earum  
cognitionis, partim honesti corporis exer-  
tii, animique delectationis, gratia. Quan-  
ta enim voluptas, quantae sunt putas animi,  
ut par est affecti, deliciae, montium moles  
immensa spectando admirari, et caput tam-  
quam inter nubes attollere? Nescio quo  
pacto altitudine stupenda mens percellitur,  
rapiturque in summi illius architecti consi-  
derationem. Quibus vero socors est ani-  
mus, nihil mirantur, domi torpent, non  
prodeunt in mundi theatrum, latitant in  
angulo ut glires per hiemem, non cogi-  
tant hominum genus in mundo constitu-  
tum esse, ut ex eius miraculis maius quid-  
piam, summum ipsum colligeret numen.

Tanta laborant ignauia, vt tamquam sues  
semper in terram aspiciant, numquam ore  
sublimi coelum intueantur, *erectos numquam*  
*tollant ad sidera vultus.* Volutentur igitur  
illi in luto, lucro et illiberabilibus studiis  
attoniti iaceant. Sapientiae studiosi per-  
gent terrestris huius paradisi spectacula cor-  
poreis animique oculis contemplari: inter  
quae minime postrema sunt, edita praeru-  
ptaque montium fastigia, inaccessa praeci-  
pitia, ad coelum tendens laterum immani-  
tas, rupes arduae, opacae syluae. Quaeso  
te, quae res est, vt sapientissimi viri Gry-  
naei nostri verbis vtar, quo minus cumula-  
tum saxetum tantum, tantae vastitatis pon-  
dus, cedente semper soli mollitia, in ima  
(quo etiam suapte natura vergit) assidue  
subsidendo non condatur? praesertim nus-  
quam, quam ad illorum radices, teneriore  
aut paludosiore terra: vt vel immensae  
profunditatis fundamenta esse oporteat: vel  
sic, quemadmodum radices arborum, latif-  
sime spargi. Quid quod saepe, veluti in-  
dustria, sic pendent scopuli, vt nulla vi pro-  
hiberi, minans tot frustra seculis ruina, pos-  
se videatur? Et quem in usum ista se-  
tanta fastigia tollunt? In his nempe forni-  
cibus:

cibus, illa mox tanto cum agmine erumpens aquae perennitas concipitur, dum inclusus intra laterum caua spiritus, repercus-  
su gelido in guttas assidue destillat: quae mox corriuatae, fontes iam assiduitate fiunt, lacubus, stagnis, fluminibus abunde tantam aquarum vim suppeditantes. Ecce tantum beneficium molibus istis debe-  
mus, abdito intus tam stupendo naturae miraculo. Caeteri vero minores iam, vel spacia, tumore collium apricorum, terrae planis in alios usus absumptis, largiora praebent: vel mundi latus infestum, tamquam vallum oppositum arcent: plerumque cursus huminum in proximos cam-  
pos auertunt, riuantque: haud raro etiam ferramenta suppeditant: supellecilem non solum colendis agris, moenibusque condendis, ligna, faxa, ferrum; sed tractan-  
dis negotiis, argentum, aurum. Haec Grynaeus in suis annotationibus in Aristote-  
telis librum de mundo: cuius ego viri iudicium, ac orationem cum faciam maximi, et ut maxime philosophica in primis amplectar, apud te recitare malui, quam meis verbis ineptius agere, quibus si iterum ad montes paucis redeant, veniam dabis.

Inquam igitur inimicum esse naturae, quisquis non magna contemplatione dignissimos esse montes excelsos iudicauerit. Certe altitudo montium editiorum iam inferiorem sortem superasse videtur, nostrasque tempestates effugisse, tamquam in alio mundo sita. Non eadem illic potentissimi solis, non aëris et ventorum vis. Durant perpetuum niues, res mollissima vel digitorum tactu diffluens, nulos ardoris, aestusque solaris impetus curat: neque tempus fugit, sed potius in durissimam glaciem, perpetuamque crystallum gelatur. Olympi vertex inscriptas cineri literas post annum quoque repraesentat. Quis animalium varietates, et pabula alta ferarum in montibus, satis recenseat? Quicquid aliis in locis sparsim et parce natura profert, id in montibus affatim ac vniuersim tamquam in cumulo quodam monstrat, porrigit, explicat, et ob oculos omnem thesaurum, omnia sua κειμήλια ponit. Itaque omnium elementorum, naturaeque varietatis admiratio summa continetur montibus. In his est videre πελώριον ἄχθος ἀρουρης, velut ostentante natura, et virium suarum periculum faciente, tantum pondus tam altum

altum elevando, quod tamen vltro semper grauissimoque nixu deorsum labascit. Hinc scaturigines aquarum largissimae, quae satis orbi sunt irrigando. Saepe lacus in cacuminibus sunt, tamquam ludat gestiatis natura e profundissimis specuum puteis liquorem procul sursum attrahere. Aerem vero longe lateque fusum est circumspicere, eumdem montanis aquarum attenuatis vaporibus ali et augeri. Est quando cauis inclusus antris terraemotus ciet eosque nonnullis in locis perpetuos. Inest etiam ignis, cuius opera intus metalla tamquam artificis, fabricantur. Alibi salubrium thermarum fontes igneam praesentiam testantur, quod plurimis Heluetiae nostrae locis fit. Et ubi flammae prorumpunt, ut in Aetna, Vesuuio, et monte iuxta Gratianopolim. In aliis autem licet indicium sui nullum faciat, latet tamen in penetralibus ignis. Nam cur montes non longa seculorum serie subsidunt, nullis tempestatibus, quibus obnoxii sunt perpetuo, non aquis imbrium torrentibus absununtur? Nimirum ignis causa, quae tum generationis montium, tum perdurationis eadem est, quod Philonis philosophi testi-

monio probatur. Quum etenim natura  
ignita in terra condita sursum versus rapi-  
tur vi naturali, ad proprium locum tendit,  
ac si quantulum sit cunque spiraculum na-  
cta, sublime rapit secum multum terrenae  
substantiae, (quod in Aetnae crateribus  
apparet) et quam potest plurimum. Si-  
mul ac vero terra ipsa eruperit, fertur com-  
pendiosa via. Ea porro terrena natura  
ignem subsequi erumpentem coacta, ad  
altitudinem multam assurgens, in arctum  
contrahitur, ac tandem in verticem desinit  
muceonatum, igneam naturam imitando.  
Siquidem tunc necesse est, vt leuissima  
natura et grauissima, quae sunt aduersa-  
riae, inter se conflictentur, cum vtraque  
in locum suum suopte nutu vrgeatur,  
contraque alterius violentiam altrinsecus  
distrahatur. Proinde natura ignea terram  
sublimem secum rapiens, deorsum ver-  
gere cogitur terreno degrauante: terra  
vero in infimum libramento suo depres-  
sa, contraque ab igne suspensa, qui sua-  
met ipse sponte sublime attollitur, vix  
tandem ipsa a praeualente potentia atque  
subleuatrice euicta, sursum in sedes ignis  
protruditur, atque ibi consistit. Hoc pacto  
ignis

ignis habitus est montium, ut loquebantur Stoici, hoc est, vinculum quo cohibentur, quod usque quaque intentum, a medio incipiens ad extrema usque pertinet. Itaque cum omnium elementorum et totius naturae vis his se se cumulatissime prodat, non mirum veteres diuinitatem quandam in montibus admiratos esse, ac proinde monticolas multos deos sibi finxisse, ut Faunos, Satyros, Pana, quibus caprinos pedes addiderunt, semicapros, *άγεπόδας* et *τραγοσκελεῖς* appellantes, ob hirtam montium asperitatem, et quod haec animalia montanis pascuis delectentur. Eosdem terrores authorum habuerunt, quod ex huiusmodi sylvestriu[m] ac editissimorum locorum contemplatione, nescio quis maior, quam qualem incutiunt res humanae, stupor animis oboriatur. Praecipue vero Pan montium incola vniuersi significacionem habet: cuius, ut dixi, primariae partes montium insunt, oriuntur inde, ibi vim suam exserunt copiosissime. Quare pineo quoque fert redimitus est Pan, quod pinus montanum quidpiam, sylvestre, magnificumque polliceatur. Eius filium Bucolionem faciunt, qui boum pascua pri-

primus docuerit. Omnia nympharum antiquitus existimata numina in diuersis montium recessibus est inuenire, ὄρεάδας, ἀλσιήτιδας, ἐλευονόμους, ὑδριάδας, κρηνίδας, ἐπιποταμίδας, λιμνάδας, ναιάδας, λειμωνίδας, ἐπιμηλίδας, δρυάδας, αμαδρυάδας. Montes amat Diana venatrix. Bicipitem Parnassum et Heliconis amoenitates, Aonumque et Pieriae cacumina sequuntur Musae. Haec quamquam fabulosa sint, veri tamen nucleus suis inuolucris tegunt. Porro (vt redeam vnde digressus sum) quam ob causam nullum aeui damnum montes decrescendo experiantur, et quae sit enascentium ratio plane ignorant, qui dicere non verentur, ipsorum naturam nihil quidquam ab arborum differre. Nam vt illae temporum vicibus amitiunt folia, alternisque repubescent, eodem modo etiam montium partes quasdam abrumpi, et quasdam vicissim adnasci, tametsi non nisi longinquitate temporis agnatio haec innotescat, idcirco quod arbores natura celeriore praeditae, incrementum suum citius capiant, montes vero tardiore. Inde fieri ut enatae eorum partes vix sensu hominum percipientur, nec nisi longo tempore

Isto:

Istos igitur cum sua sententia relinquo.  
Sed quid est quod montes tantis speluncarum  
atriis, tamquam domiciliis quibusdam, quæ  
non sine operosa industria videntur ex-  
structa, cauari apparent? An torrentes aqua-  
rum olim sibi illac viam vi fecerunt, ter-  
ra secum et rupibus raptis? An ab initio,  
ignis motu tellure inæqualiter sursum iacta-  
ta, forte lateribus conuexis medius inanis  
relictus est locus? An deinceps suprema  
petens ignis, quod obstabat, id rarefecit?  
An vero terraemotibus, quibus toties in-  
festantur, partes ictae fatiscunt hiantque?  
Illud quoque non caret miraculo, quod  
montium fundamenta sint mollia, et leuia,  
si cacuminibus conferantur, quorum fere  
siliceum ingens pondus est. Nimirum aqua  
defluens molliores efficit pedes, qui neque  
solis neque ventorum vim admodum sen-  
tiunt. Vertex soli ventisque obnoxius ex-  
siccatur, quidquid humidum est defluit,  
ipsum relinquens aridum: percolatis igitur  
leuioribus et aqueis partibus, quidquid du-  
rum est, crassum, et maxime terrestre, id  
solum superest, quod deinde siue frigorum  
vi, siue caloris vehementia (quae in du-  
ris solidisque maior est) nimirum ab in-


sito igne lapidescitur: qui perparum in partes inferiores et circumiacentes, plurimum in caput agit per suam pyramidis figuram. Cur igitur niues in fastigiis durant, liquantur circum latera et radices? Infimus aer radiis phoebi refractis calfit, soluitque niues, non autem ad caput usque pertingit reciprocatio illa geminatis in se radiis. At cur non a natu illo igne liquefiunt, qui potissimum in verticem agit? Terminatur vis ignis paulo infra summitatem (aliter emerget ut in ardentibus montium) habetque sibi terram, et saxa densissima velut operculum, quod non penetrat conus ignis iam velut in summum attenuatus, ac imbecillus, terra autem grauiori solidiorique opprimente. Ita finem suum citra summum habet: niues autem aere frigido, humidis gelidisque vaporibus velut aluntur et permanent.

Vnde fit quod montosa loca syluarum sint feracia? Quoniam alimenti copiam habent, scilicet aquarum scaturiginem, frequentiam imbrium, et niuis multitudinem, quae quidem magnopere prodest, cum paulatim colliquescens subeat solum, nec

vniuersus humor influxu corruens vnico dilabatur. Ita enim et terra fermentari optime potest, calore circumobcluso atque coercito. Quippe forinseco constipatu, compressuque frigoris calor internus augetur (quod in puteis hieme calidioribus patet) is radicibus attractus toti plantae distribuitur. Accedit quod fere steriles sint, aut saltem non ita fructificando ut urbanae luxurientur, quod multum ad vitae breuitatem facit. Neque morbis, Theophrasto teste, ut reliquae tentantur. Vnde tantam vim aquarum montes subministrant? Insitus ignis multos ciet vapores, qui cauis specubus concepti, cum exitum quaerunt, a frigore deprehensi densantur. Id quod in nostris etiam corporibus usu venit, quae calfacta exercitiis halitus emittunt, mox ab acre frigidiusculo in sudoris guttas vertendos. Idem contingit in vasis illis chymistarum inuentis, quibus ignis vi exhalantes liquores eliciuntur. Per multa sunt alia, quorum gratia spectaculis montium supra modum capior, qui cum apud vos altissimi sint, ac praeter caetera, plantis, ut audio, foecundissimi, incessit me cupido eos inuisiendi, ad quod simul amicitia tua me inui-

tat. Ne tamen absque munere aliquo tantum amicum accederem, volui, quidquid ex tempore se mihi offerret de lacte et operibus lactariis a veteribus proditum, in tuam gratiam vtcumque conscribere. Videbatur enim non ineptuin genti vestræ hoc argumentum, quorum magna pars lactarii sunt, variis lac cibariis accommodantes: e quorum numero habetur nobilis ille caseus rasilis, qui conditus aromaticis herbis, magnam gratiam apud externos meretur, ad quoscunque deferrri solet. Condonabis autem si nullo ordine multa fuerint congesta, memor plerumque talem varietatem sine taedio legi. Vale Tiguri, mense Iunio, anno salutis huinanae, 1541.






## INDEX SECTIONVM.

De lacte in vniuersum, eius generatione, opere lactario, variisque lactis generibus	1
Oxygala quomodo fiat, ex Columella	13
De eodem et butyro, ex Plinio	15
Differentia lactis ab anni temporibus	17
Ab ætatum differentiis	17
Differentia lactis ab animalibus	17
Lactis differentia ab habitu animalium	18
A pascuis	18
Quibus competit lac	19
De modo, mensura, ac tempore utendi	21
Quibus lac obfit, Ex Galeno	22
De lactis decoctione	22
De lacte in genere	24
De his quæ cum lacte cibi gratia coquuntur	24
De lactis fero, ex Galeno	25
De butyro, ex Galeno	28
De caseo, ex Galeno	29
Medicamentum Galeni ex caseo antiquo ad callosos nodos podagraru[m]	30
De vi recentis casei, ex Galeno	30
Plura de butyro	31
De butyro, ex Dioscoride	31
Fuligo ex butyro, quomodo colligatur, ex Dio- scoride	32
Ex Plinio de lactis vsu adversus venena	33
Ex Dioscoride quædam de lacte, in superioribus mi- nus explicata	34
De humano lacte	36

Aetius de cura tenesmi	38
Quomodo aluum fluxione laborantem curare oporteat	38
De lacte in grumos coacto	39
De coagulo	42
Galenus de coagulo	43
Iterum de caseo, e Dioscoride	44
Ex Varrone de re rustica	46
Palladius de caseo faciendo	48
Casei faciendi ratio, authore Columella	49
Berytius de caseo faciendo apud Constantimum Caesarum, quem doctissimus vir Janus Cornarius nuper latinitate donauit, l. 18. c. 19	51
Probatio lactis, an aquam contineat. Ex eodem	
Melcae praeparatio compendiaria. Paxami	53
Quid aphrogala.	58
De variis operibus lactariis	60
De his quae lactis vberatem faciunt	61
De genitrice facultate lactis, ex Galeno.	77
	79



# LIBELLVS DE LACTE, OPERIBVSQVE LACTARIIS.

**L**ac succus maternus est, quo animalia  
nutriuntur, ut Grammatici definiunt.  
Medici vero excrementum benigni ac  
utilis nutrimenti: vel alimentum exacte elabo-  
ratum esse dicunt. Alii, primum animalis nu-  
trimentum, ex sanguinis alteratione factum. Alii,  
lac sanguis est concoctus, non corruptus, albo-  
rem in destinatis & frigidioribus animalis parti-  
bus assumens. Alimenti concoctio prima in  
ventriculo, secunda in hepate, tertia peragitur  
in venis. Venarum maxima est, quam cauam  
vocant, quae a gibba iecinoris exorta parte, suc-  
sum deorsumque dorsi vertebrae perrepat. Ab  
hac ceu trunko caeteris membris ramuli vena-  
rum distribuuntur. Quamuis autem potuisse  
natura ab eodem hoc stipite, ubi prope mammili-  
as est recta & proxima via, ramos in ipsas propa-

A

gare,

gare, maluit diuerticulis vti. Primum enim dextrae cordis auriculae truncum illum insinuat, & per omnem thoracem eleuat, deinde iuxta iugulum & claviculas bina satis magna vasa e vena caua, totidemque ex aorta arteria deorsum in mammillas remittit, quae illic anfractuosis multis ambagibus vt vitium capreoli circumaguntur, quod etiam in testibus, & cerebello in retiformi textu fit. Quorsum hi circuitus, immo labyrinthi? Voluit natura benignissima parens, vt longa ambitu (praesertim per pectus quod perpetuo motu calescit) sanguis diu in vasis moratus quam fieri posset elaboraretur absolutissime. Porro cum omne membrum quod attrahit naturali facultate alimentum suae substantiae quam simillimum reddere conetur, idem studium est mamilis, quarum essentia cum glandulosa sit albaque, concolor sibi lac efficit. Haud secus accidit in feminis genitalis elaboratione. Non autem solum vasa superne mammillis communicantur, sed alia etiam inferne ab utero sub cute ascendunt, quae menstrui sanguinis partem, vt copiosum habeatur, illuc deriuant. Videtur sane mihi natura ascensum vasis imperasse, ne crassus etiam et impurus sanguis sursum ferri posset, sed leuior duntaxat ac subtilior. Itaque quicquid feculentum est, subsidit in utero a partu expellendum. Prius enim menstruus fluxus cohibetur, ne, quod utile purissimumque foetus alimentum futurum est, simul cum corrupto effluat. Quod autem mediocriter se habet, ad mammillas fertur, ubi coctum

coquum si quid labis inerat, exuit. Itaque Hipp. dixit γάλακτας εἶναι αὐδελφὸς ἐπιμηνίων, id est, lac cognatum esse mensibus. Haec de lacte, eius essentia, et generatione praefari libuit.

Lactarium opus, cibarium est quod ex lacte conficitur. Nam qui lacticinia id genus hodie appellant, barbara et vulgari voce utuntur. Nec quod nomen id in quodam Hieronymi libello legatur, argumento sit, receptum id a doctis fuisse: alioqui non constat Hieronymi sit nec ne opus illud. Lactarius est, qui cibos ex lacte parat. Spartianus in Heliogabali vita: Dulcarios (inquit) et lactarios tales habuit, ut quae- cunque coqui de diuersis eduliis exhibuissent, vel structores vel pomarii, illi modo de dulcibus, modo de lactariis exhiberent. Idem, Coenas, inquit, Heliogabalum exhibuisse alia die de oleribus, alia de pomis, alia de dulciariis, alia de opere lactario. Lactes siue mesenterium Graecis dictum, siue gracilia pinguaue intestina, siue peritonaeum et omentum interpreteris, certane enim Grammatici, nomen habent quod mollicie candoreque lac aemulentur. Plinius lib. 15. Ab hoc ventriculo lactes in ove et homine per quas labitur cibus. Lactaria herba, id est tithymallus, lactuca, et lactoris, liquore lacteo tur- gent, vnde nomina. Conciliat tamen lactuca in cibo quoque lactis vberatem, cum sanguinem prae aliis holeribus plurimum optimumque gi- gnat, nisi, quam par sit, frigidior esset. Lacte- scere diciatur quod in lac transit. Cicero libro 3.

## DE LACTE ET

de natura: Omnis fere cibus matrum lactescere incipit. Plinius eodem verbo significauit lacte impleri. lib. 2. Asinae praegnantes continuo lactescunt. Lactucinorum familia apud Romanos a lactucis appellata fuit. Lactat nutrix, lactatur et lactet infans, dum lac sugit. Idem ablactatur cum a lactis usu ad solidiores cibos remouetur. *Lactentia frumenta* Virg. lib. 1. Georg dixit, id est, lacte plena. Lactare per translationem significat aliquem inescare, blanditiis illicere decipiendum. Terent. in And. *Nisi me lactasses amantem spe producens.* Idem Eorum animos lactas. Lacteum vocatur quod ex lacte est. Quandoque candidum, suave, succulentumque, ut colla lactea: et lacteus qui lacte alitur: Γαλαθηόν id Graeci nominat, et ὑπομάζιον: Lactarium pistorem, γαλακτοῦργον. Lacteus circulus Graecis γαλαξήας a colore nominatus est, de quo Naso cecinit:

*Est via sublimis coelo manifesta sereno,  
Lactea nomen babes candore notabilis ipso.*

Galaxiam praeterea Graeci vocant pullem hordeaceam cum lacte, eodemque nomine festum, in quo id genus edulii parabant. Γαλακτᾶν est turgere lacte, ut mammillae solent gravidis. οὐ Θατα σΦεργῶντα Pollux vocauit. Nam cum sine lacte turgent, fratrare vocatur, quod si circa decimumquartum annum. Galactophagi, populi Scythiae sunt lacte vicitantes. Columella lib. 13. Lac quibusdam nationibus fragmenti expertibus viuum commodat, ex qua

Nomadum Getarumque plurimi Galactopotae dicuntur. Γαλακτοπότεν est lac potare. Γαλακτουχέν, et γαλακτοφόρεν lacte nutrire. Γάλα, id est, lac, dictum apud Graecos videtur, παρά τὸ καλὸν εἰς αὐτοφήν εἶναι, id est, quod pulchrum et gratum sit nutrimentum. Lac autem apud Latinos, a liciendo, quia admotis mammis infantis alliciuntur: aut quod ipsi sugendo id eliciant. Γαλακτοκόμος pastor est, qui lactis curam habet. Lac subducitur agnis apud Virgilium, hoc est emulgetur. Pressi copia lactis, apud eundem pro caseo. Galatea fuit nympha, Polyphemi Cyclopis amores: cui nomen a lacteo candore inditum, ut etiam Galaxaerae. Sunt qui similiter Gallos a lactis colore nuncupatos velint. Nam montes & rigor coeli ab ea parte solis ardorem excludent, ut eorum corpora non colorentur. Γαλακτώδες appellatur, quod neque calidum neque frigidum est, sed tepidum ut lac. Latini videntur etiam egelidum appellare, ut docuit Cornarius, qui pro Graeca voce Latinis lactosum reddidit apud Galenum; qui saepe alibi tepidae caliditatis meminit, et aquosae tepiditatis, ut in atriplice, et cytiso.

Galaclites lapis, quasi lactarium dixeris, succum ex se lacteum remittit, cinereus ei color, sapor dulcis. Morochthum quoque lapidem nonnulli a candore galaxiam, aut leucographida nominant. In Aegypto nascitur. Utuntur eo linctoriorum officinae ad candorem vestium, quo-

niam mollis est, et facilime diluitur. A verbo lacto, aliqui etiam delecto et oblecto deducunt.

Lactaria columnna erat in foro boario, dicta quod ad eam infantes lacte alendos deferebant. Γαληνόν Graecia tranquillum et serenum indiget, quod nimis instar lactis lene et aequabile sit. Lacteum eloquentiae flumen in Liuio commendatur, quod eius oratio candida, pura nitidaque sit. Ορνιθῶν γάλα, hoc est gallinaceum lac, inter paroemias numeratur, in opulentos, et quibus omnium rerum copia suppetit. Aut de rebus inuentu raris, ideoque preciosis. Anaxagoras in physicis lac gallinaceum, album in ouis liquorem esse scriptum reliquit, quod Athenaeus secundo diplosophistarum libro testatur. Lili flos coronarius, emaculatissimi omnium candoris, ob nobilitatem regius a quibusdam dictus, et Iunonis rosa natas enim ex eius lacte dicitur, cum dormiente dea admoto vberibus eius Hercule, vago pueri et incerto suetu diuinum lac in terram decidisset. Nos hoc tetrasticho figmentum comprehendimus.

### L I L I A,

*Dum puer Alcides diuae fagus ubera suxit  
Iunonis, dulci pressa sopore fuit:  
Ambrosiumque alto lac destillauit Olympos  
In terras fusum, Lilia nata sumus.*

Mart.

*Mete lactis, est caseus ad formam mete factus,*  
Fert

*Fert ille ceris cana cum suis mella,  
Metamque lactis Sassinatē de sylua.*

Camelinum ab hominis lacte dulcissimum, praecipue si ad unam mensuram tres aquae addantur. Bos ante partum non lactescit, a finē protinus. Pullo eius, ubi pingue pabulum est, biduo a partu maternum lac pressisse mortiferum: genusque morbi vocatur colostratio, et infantes colostrati, densato lacte in casei speciem. Ex proximo semper a partu colostrae fiunt: quae nisi admisceatur aqua, durescant in pumicem. Est autem colostra, sive ut Plinius, colostrum, prima a partu spongiosa densitas lactis. Martialis:

*Surripuit pastor, quae non astantibus hoedis,  
De primo matrum lacte colostra damus.*

Theodorus Gaza pro coitu lactis quocumque, colostrum plerumque accipit: itemque pro eo, quod ab Aristotele trophalides appellantur. De colostro et Martialis poëta meminit, et Lucilius, et Plautus in Paenulo: Mea (inquit) colostra, meum cor, meus molliculus caseus. Inter opera vero geneae pretiosissimum ex lacte caput vocatum: quod Britanni atque Belgae tremorem lactis hodieque nominant. Conficitur et quae spuma lactis dicitur Insubriae, supra memorati tremoris aemula, quam Graeci aphrogala, ut inquit Aëtius, appellant.

Vtrinque dentatorum lac non coit. Tenuissimum Camelis, mox Equahus, crassissimum Asinae, ut coaguli vicem impleteat. Omne lac

igne spissatur, frigore serescit. Spissatus igni  
pyriathes et pyrihephthon vocari a Graecis, au-  
thor est Aëtius. Meminit et Iulius Pollux. Sic-  
ut spissatum coagulo pyctes, quod rustici nostri  
(scribit Hermolaus Barbarus) lac iuncatum a  
iunco et carice, aut quibus aliis segestribus in-  
voluitur, appellant. Athenaeus vero primum  
lac pyrihephthen et pyrihephthon tradit vocari.  
Photion primum lac a Graecis etiam pyos et  
pyon dici voluit: alioqui pyos et sanguis con-  
cretus est, quod et pus dicitur. Pulteni ex ouo  
et lacte oogala medici cognominant. Mulgere,  
lac est e mammis exprimere. Virg. lib. 3.  
Georg.

*Quod surgente die mulgere, borisque diurnis,  
Nocte premunt.*

\*Αμέλγειν idem Graecis innuit, et βδάλ-  
λεσν. Vsurpatur etiam emulgeo. Colum.  
libro 8. Sed priusquam hoc fiat exiguum  
emulgendum est. Terentius in Phormione per  
translationem dixit: Emulsi argento senem,  
quod est, sine labore sustuli. Immulgeo Plinius  
vsus est: Fabulosum, inquit, arbitror de strigi-  
bus vbera eas infantium labris immulgere. Mul-  
gra ipsum lac mulctrum, vel ipsam lactis extra-  
ctionem, vel vas in quod mulgetur, significat.  
Sed pro vase mulctrum quoque et mulctrale re-  
peritur, apud Graecos πέλλα & αμελγυς.  
Virg. libro 3. Georg.

*Hinc largi copia lactis.*

*Quam magis exhausto spumauerit ubere  
mulctra,*

*Laeta magis pressis manabunt ubera mammis.*  
*Idem.*

*Bis venit ad mulctram, binos alit ubere foetus.*

*Idem in Georg. implebunt mulctralea vascae.*

*Horat in Epop.*

*Illic iniussae veniunt ad mulctra capellae.*

Idem a mulgeo caprimulgī dicti, quos Aristoteles αἴγοθλάς vocat. Aves sunt grandiores merulae aspecū, fures nocturni, interdiu enim visu carent. Intrant pastorum stabula, caprariumque uberibus aduolant, ob factum lactis: qua iniuria uber emoritur, caprisque ita mulctis oboritur caecitas. πελλαντής, is dicitur qui mulget, aut ipsa mulctra, nempe vas pastorale, scaphiforme, latiorem habens fundum, in quod emulgetur lac a verbo πελεκῶ, id est cultro quidpiam fabrico, unde et πέλεκυς, id est securis instrumentum fabrile ad secandum. A pella voce Graeca diminutium habetur πελλίς, a quo fieri potest latinos suam peluum mutuatos esse. Nuptὸς αἱμολγὸν apud Homerum diuersimode exponunt: sunt qui tempus quo mulgentur oves, ut vespertinum aut matutinum crepusculum accipiunt: sunt qui noctem intempestam, cum nullae pecudes mulgentur: alii denique aliter. Αἱμολγοὶ etiam per translationem nominantur, qui Rempublicam emulgent, et compilant. Coagulare lac, Graeci dicunt παργυρύνει

γάλα, καὶ τρέφειν, καὶ συνισάναι. Occupari circa lac, ediliaque de lacte γαλουργεῖν εἰ γαλακτουργεῖν; ut circa caseum τυρόνειν; τυρόνην vero et τυρόνητις, instrumentum est coquinarium, quo foraminato caseus disteritur minutatim. Γαῦλος aut γαυλός idem est quod πέλλα, et σκαψίς, scilicet vasa ad mulgendum destinata. Epigrammata γαυλούς γλαγόπηγας cognominant, quod lac in ipsis coëat. Siquidem γλαγης pro γάλα poëticum est. Hinc γλαγερὸς et γλαγοεις, hoc est, lacteus; τυρανομεῖον, fiscella est in qua caseus seruatur; τάλαρος, calathus, in quo coagulatur. Τάρσος et ταρσός, et κρεμάσρα, fiscillae sunt in quibus suspensus exiccatur. Namque τέρσειν est siccare. Interpres Odysseae Homericæ docet etiam ψυγὸν vel ψυκτῆρα idem esse quod καλαθίσκος, scilicet instrumentum in quo casei formantur, διότι ἐν αὐτοῖς ψύγεται τὸ γάλα. Μάζαν ἀμολγαίνην Hesiodus postoralem et crassam manzam nuncupauit. Calathum Seruius interpretatur vas aeneum in quo lac, vel recens caseus distrahitur. Sed Quid. 4. Fastorum canit:

*Haec implet calathos lento de vimine nexos,  
Hinc diminutiuum calathiscus extat.*

Fiscella, vas vimineum, aut ex iuncis, quo lac coagulatur, dum caseus exprimitur, vel in quo casei feruntur. Pollux τυροφορεῖον appellat. Tib.

*Tunc fiscella leui detexta est vimine iunci,  
Raraque per nexus est via facta sero.*

Huius

Huius aliud diminutum fiscinula. Nam fiscina maior est, qua feruntur paleae, foenum, frondes, et id genus reliqua. Licebit qualum et quassillum eodem sensu accipere. Festus: Calathos Graeci nos dicimus quasillos. Fiscelli vocitati sunt mollis casei appetitores, quemadmodum catillorum liguritores. Gallion herba nomen tulit, quod pro coagulo laeti sit, habet enim quandam acrimoniam, Galli musquetum minus indigent, Germani **Megerkraut**, alii, unser **Frauenbettstroh**. Aparine pastores vice coli utuntur, pilos ex lacte auferentes, nimirum circumactis per lac foliis, quorum asperitas adeo tenax est, ut facile quicquid tetigerit apprehendat, nam et vestibus haeret praeter-euntium, ea causa Κιλάριθρωπον appellant, Vernacula lingua **Bleberkraut**, Gallice grateron dicitur.

**Collactus, ὄμογάλακτος**, qui uno et eodem lacte nutritus est. Iquenalis:

*Quid dicat notae collactea Maurae*

Naturae lac imitatur amygdalatum, quod tum ad delicias, tum ad sanitatis beneficium aetas nostra frequentissime parat. Amygdalae circiter librae pondus calida resoluuntur, ut faciliter cortice spolientur, deinde cum pane excauato rinduntur. Tunsae ac dissolutae recenti aqua in cacabum per setaceum funduntur, et procul flamma in carbonibus agitatae cochleari propter fumum, coquuntur. Sacharis adiicitur felibra. Parum cocturae amant. Liquidum enim hoc  
fercu-

serculum magis quam spissum placet. Sunt qui et aquam rosaceam addant. Anseris lac vocamus lingua vernacula, anserinum pingue laeti incoustum, sacharo vuisque passis adiectis: hoc inter lautelas recensetur. Libet huc ascribere versus aliquot ex 9. lib. Odysseae de Cyclopis antro:

Καρπαλίμως δ' εἰς ἄντρον αὐχικόμεθ', οὐδέ μιτ  
τίδοι

εὔρομεν, αὐτὸν ἐνόμευε νομόν κατὰ πίουσα μῆλα.  
Ελθόντος δ' εἰς ἄντρον ἀθηέυμενθα ἔκαστα.  
Ταρσοὶ μὲν Τυρῶν Βρίθον. σείνοντο δὲ σηκοὶ<sup>Αργάνων</sup> τῆς ἑρίφων, διασκεκριμέναι δὲ ἔκασται  
Ἐρχαστο. Χωρὶς μὲν πρόγονος, χωρὶς δὲ μέ-  
τασσαι,

Χωρὶς δὲ αὐτῷ ἔρσαι. Νᾶον δὲ ὁρῷ ἄγγες  
πασύται,

Γαυλοίτε, σκεψίδες τε τετυγμένα. τοῖς δική-  
μελγεγ.

Ego vecunque ita reddidi:

Mox antrum sumus ingressi, non incola nobis  
Inuentus, pecudes aberat per pascha dicens.  
Singula nos soli contemplabantur in antro.  
Cafeus in calathis multus, stabula omnia plena  
Agnis atque boedis. Distabant ordine certo,  
Priuae maiores, mediaque aetate seorsim,  
Priuatimque recens nati. Multitralia cuncta  
Plena sero stabant, quibus immulgere solebat.

Et paulo post:

ἔζομενος δὲ μελγεν ὅτε, τῷ μηκάδαις αἴγας.  
Πάγ-

Πάντα κατὰ μοῖραν, καὶ ὑπ' ἐμβρυού τὴν  
ἐκάστη.

Αὐτίκας ὁ ἡμίσυ μὲν θρέψας λευκοῖο γάλακτος  
Πλεκτοῖς ἐν ταλαρέροισιν αἱμησάμενος κατ-  
θηκε.

ἡμίσυ δ' αὖτ' ἔνησεν ἐν σύγγεστιν, ὁ Φρός ὁι τῇ  
Πίνειν δαινυμένω, οὗτοι ποτὶ δόρυπιον εἶη.

Latine verti sic potest:

*Ille sedens mulgebat oves, simusque capellas  
Rite sciens operis, subrumos matribus inde  
Subiecit foetus. Tum pulchra coagula lactis  
Dimidii imposuit fiscis de vimine lento.*

*Quicquid erat reliqui vasis bene condidit am-  
plis,*

*Vt biberet, coenaeque sibi seruaret in usum.*

Oogala, id est lac ouis permixtum, cibus  
est dysentericis commodus, tum ab Aëtio lib. 9.  
cap. 45. tum Paulo lib. 3. cap. 42. proditus,  
ad acredinem humorum contemperandam, su-  
pra nutrimentum quod abunde inde corpori  
accedit: quare etiam ut refocillandis viribus de-  
fectis congruens, ab Aëtio lib. 11. cap. 18.  
praescribitur.

Oxygala quomodo fiat.

Verba sunt Columellae lib. 12. cap. 8.

**O**xygala sic facito, oilain nouam sumito, eam-  
que iuxta fundum terebrato: deinde cauum,  
quem feceris, surculo obturato, et lacte ouillo  
quam

quam recentissimo vas repleto; eique adiicito viridium condimentorum fasciculos, origani, mentae, cepae, coriandri. Has herbas ita in lacte demittito, ut ligamina earum extent. Post diem quintum, surculum, quo cauum obturaueras, eximito, et serum emittito. Cum deinde lac cooperit manare, eodem surculo cauum obturato, intermissaque triduo, ita ut supra dictum est, serum emittito, et fasciculos condimentorum exemptos abiicito, deinde exiguum aridi thymi, et cunilae aridae super lac distingito, concisque sectiui porri quantum videbitur, adiicito, et permisceto. Mox intermissio biduo rursus serum emittito, cauumque obturato, et salis triti, quantum satis erit, adiicito, et misceto. Deinde operculo imposito, et oblinito, non ante aperueris ollam quam usus exegerit. Sunt qui satiui vel etiam sylvestris lepidii herbam cum collegerunt, in umbra siccent: deinde folia eius, abiesto caule, die et nocte muraria macerata expressaque lacti misceant sine condimentis, et salis quantum satis arbitrantur, adiiciant, tum caetera, quae supra praecepimus, faciant. Nonnulli recentia folia lepidii cum dulci lacte in olla miscent, et post diem tertium, quemadmodum praecepimus, serum emittunt, deinde compertam saturiam viridem, tum etiam arida semina coriandri, atque anethi, et thymi, et apii in unum bene trita adiiciunt, salemque bene tostum cibratum permiscent. Caetera eadem quae supra faciunt. Haec tenus Columella.

Qui

Qui etiam alibi carmine cecinit: Ponitur ex lactis gustus quae condiat herba: lepidum intelligens, quam Paulus Aegineta in coxendicis curatione lib. 3. cap. 77. fruticosam esse herbam docet, laurinis foliis multo maioribus. Hanc esse iudico, cuius foliis nostri loco sinapis vtuntur, imposito inde nomine.

De eodem et butyro Plin. lib. 28. cap. 9.

**E** Lacte fit et butyrum barbararum gentium laudatissimus cibus, et qui diuites a plebe discernat. Plurimum e bubulo, et inde nomen: pinguissimum ex ouibus. Fit et ex caprino, sed hyeme calefacto lacte, aestate expresso tantum, crebro iactatu in longis vasis, angusto foramine spiritum accipientibus sub ipso ore, alias praeligato. Additur paulum aquae ut acescat. Quod est maxime coactum, in summo fluit: At id exemptum addito sale, oxygala appellant. Reliqua decoquunt in ollis; ibi quod supernatur, butyrum est, oleosum natura. Quod magis virus respuit, hoc praestantius iudicatur. Pluribus compositionibus miscetur inueteratum. Natura eius astringere, mollire, replere, purgare \*). Oxygala fit et alio modo, acido lacte addito in recens, quod dum acescit, utilissimum est stomacho. Ad calidam ventriculi intemperiem salubriter propinatur. Oxygalactinus caseus,

\*) Vide libri finem.

seus, id est ex acido lacte paratus a Galeno probatur. Oxygala non laedit dentes, ut lac purum, nisi frigidiores fuerint, quibus aliquando stuporem infert. Sic et in frigido ventre non probe coquitur. In temperato, difficulter quidem, non tamen prorsus incoquile est. Ceterum calidus ventriculus praeter id quod nihil offenditur eius vsu, etiam iuuatur: Quinetiam si prius niue refrigeratum fuerint, sine molestia ipsum ferunt. Adeo plurimorum alimentorum facultates non debent absoluta ac simplici oratione tradi, sed pro diuersis vtentium affectibus distingui. Est autem in genere oxygala frigidum, crassique succi, qualia cuncta crudum generant humorem, et calculos in renibus, si iusto calidores fuerint, neque satis amplos habuerint meatus. Habet autem oxygala non amplius acrem calidamque seri qualitatem, neque calidam ac pinguem butyri, sed solam casei naturam. Hoc Constantinus oleo iniectum, aut terebinthi foliis inuolutum tenerum permanere scripsit.

Lac etiam sine coagulo cnici semine et floribus albae spinae coit. Item si calefacto frigidum acetum mulsum, vinumue mulsum inspergamus: vel si in ipsum vas frigidissimam aquam continens demittamus: hanc lactis partium disgregationem Graeci  $\sigma\chi\iota\sigma\iota\omega$  nominant. Colostrum vero siue protogala, vel parum in calido cinere feruefactum sponte sua citra aliorum opem coagulatur. Vbi mel et coagulum ei miscetur, tenuis et aquosa pars separatur: vtun-

tus:

tur autem aliqui in cibo, tantum coagulata parte, quae caseosa, et coaguli facultate calida igneaque, et melle constat. Alii simul et serum bibunt, siue ex aequo, siue alterum altero abundantius. Quamobrem venter magis minusue cietur, pro seri portione. Euidens et hoc est, plus ali corpus eorum qui tantum quod crassius est, sumpserunt: minus qui pariter serum commiscent. Eadem ratio in colostro discriminem efficit, etenim sine melle aegrius coquitur, sucii crassioris est, tardius descendit. Vtrisque mixtis et illorum contraria contingunt, et corpus vniuersum copiosius nutritur.

### Differentia lactis ab anni temporibus.

**L**actis ab anni partibus non exigua habetur differentia. Vernum, ut proximum a partu, liquidissimum, progressu temporis crassescit. Aestate media ipsum quoque mediocre fit. Probatur maxime aestuum veluti concoctu facile, et odoratum.

### Ab aetatum differentiis.

**V**igentium animalium lac optimum, iuniorum liquidius, seniorum aridius est.

### Differentia lactis ab animalibus.

**B**ubulum quidem pinguissimum, crassissimum, que nutriendo et moderate penetrando ido-

neum. Camelinum liquidissimum, tenuissimum ac minime pingue, licetque plurimo sero abundet, tardius tamen secedere longa experientia compertum est. Equinum vero ocyus descendit, similique modo asinum; quod et paucissimae pinguedinis particeps est, propterea raro in alicuius ventriculo transit in caseum. Caprinum substantia temperatum, purgando quidem bubulo imbecillius: ad reliqua vero satis idoneum, et nutriendo non parum efficax. Crassius isto ouinum est, sed eius frequens usus cuti vitiligines albas inducit. Suillum pinguisimum omnium, ut ad concretionem coagulo non indigeat, ac perquam modicum seri excretat, decoctumque ocyssime coaguletur. Ideo neque facile secedit, neque ventriculo congruit, sed nauseam gustantibus excitat.

### Lactis differentia ab habitu animalium.

**A** saniori animali salubrius semper lac emulgetur. Pecorum autem morbi deprehenduntur cutis gracilitate, glabrie, panis, impetiginibus, scabie, macilentia. Nigriora pecora robustiora fere sunt, quod etiam carnium suarum sapiditate dignoscitur. Candidiora magna ex parte imbecilliora deprehendimus.

### A pascuis.

**P**ascuorum varietate lac plurimum differt. Diversa enim animalia diuersas herbas depascunt.

Virens

Virens igitur herba, ac prope aquas nascens, liquidius pauciusque lac suggerit. Solidior vero ac montana, ad lactis probitatem copiamque parandam commodissima est. Pabula astringentia lac gignunt, quod astringit, sicut acria et praeципue cathartica, ut scammonia, veratrum, et lactariae herbae, quod aluum euertit: a cytiso vero dulce ac pingue producitur.

### Quibus competit lac.

**P**lurimi succi, plurimique alimenti omnium prope quae cibo assumuntur, lac esse iudicatur, quod optimum sit. Quoniam vero aduersis sibi partibus atque viribus componitur, deiicientibus, inquam, et sistentibus, obstruentibus & attenuantibus, debent eius qualitates ab utentis natura non alienae esse. Itaque lacte usurpatus, aperitos viscerum meatus, venasque latas et amplas habere oportet, ut integrum utilitatem percipiat. Lactis quidem commoditates a priscis quoque medicis recensentur: moderata inquam alui deiectione, bonique succi generatio: et quod per venas digestum bonam quidem carnem meliorem facit: mordaces autem humores expurgat, quoscunque inuenierit: qua de causa vrinæ difficultate, et acri fluore ventris laborantibus non tantum bibitum, sed inferius quoque per clysterem iniectum confert. Ad acres et erodentes defluxus utilissimum est; haud solum quod eos a membris affectis abluat, humiditate

abstergente, quam in parte serosa continet, sed etiam quod membris illitum crassitie et pinguedine sua non sinat nudis humores acres influentes occurrere. Ergo ad pulmonis, intestinorum, renum, vesicae, vterique vlcera, ad exanthemata, dothienas, caeterasque cutis asperitates, efficacissimum medicamentum est. Ad cantharides etiam et buprestim epotam: denique aduersus quaecunque putrefaciunt et exulcerant. Contra hyoscyamum peculiare praesidium est, illico enim prudentiores affectos reddit. Ad faucium quoque vlcera, a quacunque causa euenient, sed praecipue ab angina, aut ab ephemeri sumptione ore collutum confert. Potum his qui non aluntur, arefactis, et qui post morbum non reficiuntur, summopere opitulatur. Ad acres oculorum fluxiones, et hyposphagmata vtiliter adhibetur: extra vero genis illitum hora somni, cum ouo et rosaceo, inflammations ipsarum mitigat. Idem facit et in sedis, pudendorumque viceribus, prorsusque ad omnia quae mitigatione indigerint, ob inflammationem aut erosionem, aut quampiam corruptionem, efficacissime adhibetur: ideo et medicamentis, quae anodyna appellantur, admixtum, cancris illinitur. Quale illud est quod diapompholygos dicitur. Omnino enim lac sedandi virtute pollet, praecipue si decoctione, aut alio artificio copia serosi humoris exhausta sit.

De modo, mensura, ac tempore utendi.

**Q**ui lac ebiberit, summe cauere debet, vt interim a reliquis cibis abstineat, donec illud exacte concoctum sit, atque alio secesserit. Nam si eo nondum confecto nouum alimentum ingefseris, praeter quod ipsum putresceret, etiam quicquid adieceris, simul ad putredinem trahet. Mane vero bibendum nuperime mulctum, atque interim magno labore parcendum, sensimque deambulandum, interiectis quietibus, quae tamen circa somnum sint. His enim conditionibus potum facile secedit, educens secum quae superuacula fuerint. Illud enim prae caeteris maxime obseruari oportet, vt primum semper secedat: quod vbi secesserit, nouum bibendum est. In principio igitur secedit quidem com mode, purgans non quae in tota corporis mole sunt, sed quae in ventriculo, intestinis, proximisque membris continentur. Postea vero iam per venas distribuitur, atque optime nutrit, neque amplius deiicit aluum, sed potius sistit. Mensura autem sumendi omnibus communis praesigi nequit: sicut et reliquis aliamentis non alius modus imponitur, nisi quatenus facile tollentur. Idem contra erodentes humores, et praesertim qui impacti sint, simul cum modico melle utiliter exhibetur. Ita enim felicius sumitur, magisque et abstergit, et aluum deiicit: potest et sapae, aut passi quidpiam admisceri, vt stomacho magis conferat. Addito sale magis aluum citat, sed iniucundius est.

Quibus lac obsit. Ex Galeno.

**Q**uod quidem plurimo sero abundauerit tutissimum, licet temere quis vtatur. Cui vero modicum seri, casei plurimum inest, eius frequens usus non omnibus tutus est. Renibus enim officit ad calculum generandum paratis, obstrukionesque et morbos hepatis illis adfert, quos aptos inuenerit. Tales sunt qui vasorum ab simis ad gibba hepatis alimentum distribuentium fines angustos habent: sed neque capiti commodum est, nisi cui valde robustum fuerit: sicut neque hypochondriis, quae facile intumescent: plurimis vero inflatur, et perpauci sunt, qui hoc vitium euadant. Eiusdem usus assiduus dentes laedit, et gingiuas flaccidas marcentesque reddit, ac dentes ipsos putredini erosionique exponit, praesertim crassius lac. Nam asinum obtenuitatem nedum dentibus nocet, sed etiam abstergendo prodest. Igitur post reliqui lactis usum dentes colluendi sunt vino diluto, quod potius cum melle fuerit: aut si caput non offendatur, etiam meraco vino. Quicquid enim dentibus inhaesit, ita abstergitur. Inutile lienosis et iocinorosis lac est, vertiginosis, comitalibus, neruorum vitiis, febribus et capititis doloribus. Nisi quis purgationis causa, quod scissile vocant, biberit, inferius exponendum, quo pacto fiat.

De lactis decoctione.

**L**ac decoctum absympto sero, nullatenus aluum dicit: exhibetur quibus venter ab scribus excrementis eroditur, et his qui dysente-

ria,

ria, aut biliosa fluxione a iejuno intestino erumpente infestantur. Modus conficiendi duplex: aut enim lac decoquitur, quoisque pars ferosa exhalauerit: aut feruidi lapilli iniiciuntur. Sed quod per lapillos paratur, crassius est, ideo inutilius. Sunt qui crematorum lapillorum cinerem in lac coniiciant, quod ad putrescentia vlcera efficacius medicamentum est: his ergo omnino offerendum, quod per lapillos conficitur, reliquis quod decoquitur. Rectius decoquetur assiduo agitatu, ne secernatur. At si quid ori lebetis infederit, spongia pura extergendum est: saepe enim reliquo decocto commiscetur, ac totum corrumpit. Ita vero per lapillos conficitur. Lac prius excoquito, donec plurimum humoris exhalet. Inde tot durissimos lapillos incensos in lac coniicito, quod serum prorsus absument. Nec segnius lapillis, imo et potentius, laminae ferreae ignitae in lac coniectae idem efficiunt: inest enim ferro vis astringendi, ideo quam plures ferreas rotulas mucrone virgulae infixas praeparamus, ut commode veluti capulo ferrum candens tollatur, haud secus quam in cauteriis facere consueuimus.

Lac tamen ita confectum in stomacho ad casei formam facile permutatur: propterea tutius quidpiam aquae admiscetur, quod plures medici facit, totum prius serum absumendo, mox sinceram aquam infundendo; neque seri humiditatem, sed acrimoniam vitant, qua stimulatur aliuus.

## De lacte in genere.

**L**ac nobis et cibi et medicinæ pariter vsum præstat. Salubre quod sincerum purumque est, nullius omnino amaritudinis, vel aciditatis, vel falsedinis, vel acrimoniae, vel foetoris particeps. Sed, vt ita dixerim, bene olens, vel saltem odore carens: quod si ei quipiam iucundi odoris inherit, constat et idem nonnihil dulcedinis habiturum. Sit sibi ipsi continuum optimum lac, vngui instillatum non defluat, et prout lacti conuenit, splendens. Super omnia, quoad eius fieri potest, similes habeto partes. Non enim exacte hanc dotem, vt mel optimum, recipit. Quo vero tale lac fiat, et idoneis nutrimentis alendum animal est, et exercitationibus mediocribus admouendum: et pullus, si quem lactat, auferendus.

## De his quae cum lacte cibi gratia coquuntur.

**L**ac cum aliquo crassioris succi edulio quam maxime decoctum, abiicit quidquid ei flatuosum inerat, ac magis nutrit, aluique fluxionibus, et tenuibus a capite ad pectus destillationibus congruit. Aduertendum tamen ne quodpiam viscerum latenter offendat: diuersa enim multorum natura est. Neque satis tuta huiusmodi alimenta sunt, nam hepar facilime obstruunt et renum calculos gignunt. In lacte coquuntur amyrum, simila, chondrus, tragus, oryza, olera quaedam, panes, qui et ipsi crassi sunt succi

succi, si non probe cocti, neque rite parati sint, neque salis et fermenti, quantum sufficit, habeant.

De lactis sero, ex Galeno.

Serum ob suas abstergendi vires ad alui deiectiones, tum potum, tum per clysterem iniectum assumitur: absque erosione enim abluit, extergitque ab intestinis acrimonias, ut optime quispiam sero, vice aquae, vlcera acri sanie manantia lauare possit. Imo et medicinae quarum vis est discutiendi enchymomata et melasmatata, id est sanguinem sub cute concretum, et liuores, sero rectius quam aqua e cute abluitur. Eodem ad liuores oculorum et hypophagmata, id est fugillationes, idoneis medicamentis commixto utimur, quod ita praeparatur. Lac (excepto suillo aut ouino, utrumque enim sero reddendo ineptum) vegetiori igne decoquito, assidue aequaliterque versando: quo effervescente, tantisper cessato, et si adhuc magis effervuerit, in profundum vas ad hos usus paratum frigidae plenum, repente ollam imponito, illico enim considerbit: quiescente fero re rursus decoquito: cumque satis bullierit, bis aut ter oxymelite aut posca conspergito, namque ita statim ab caseo serum secernitur. Secretum cribro setaceo excolabis, atque ubi crassa et pituitosa excrementsa redundare opinaberis, oxymeliti admiscebis: ubi vero acria et bibliosa, tum poscam potius adiicies. Seri usus ad imbecillos est, et inedia

grauiter affectos, primoque serum cum sale exhiberi oportet: ubi vero purgatio incooperit, tunc sal remoueri, idemque per interualla alternatim repeti debet, donec satis materiae purgatum sit: copia pro virium ratione expendenda est. Ac licet non multum peccaueris, si plus etiam exhibueris, certa tamen mensura ad heminas quinque accedit. Talis igitur sit praeparationis modus, tametsi Cares secus confiant, trito enim cnici semine lac coagulantes, postea excolantes, adiecto sale aut marina aqua, rursus decoquunt, atque ita propinan. Quod quidem sicuti efficacius, ita longe insuauius est, omninoque prolixae decoctiones medicamento-sius serum efficiunt. Si vero quispiam vehementiori euacuatione indiguerit, thymi triti admisceto tres aut quatuor drachmas: quam si adhuc augeri velis, pro thymo epithymi tantundem adiicies. Medicamenta tamen vitari oportet, nisi magna necessitas vrgeat. Serum simplissimum mollioribus corporibus praecipue conuenit, quorum ventres tantum et intestina abluere purgareque cogitamus. Idem his quorum intestinum a quacunque medicina facillime ulceratur: et quorum ventres biliosa intemperies vexat: et quos angunt inania egerendi desideria quae tinesimi vocantur? et quorum renes, vesica, et vterus viceris periculum subeunt: et gracilibus qui non aluntur purgatione nihilominus indigentes, his omnibus serum exhibendum, nec sale, nec quopiam medicamento adiecto.

Pueris, mulieribus, senibus tutissime datur haec medicina vel sub ipso canis feroore, quo praecipue tempore reliqua omnia medicamenta suspecta sunt. Efficaciori sero vtetur aliquis ad corpora et morbos, quae validioribus praesidiis indiguerint, praesertim ad diurna exanthemata, liuentesque varos, ad omnesque humorum depravationes in cutim tendentes, ut lepram et consimilia, ad antiqua ferinaque vlcera, ad capitis achores, et huiusmodi. Idem ad oculos assidue fluentes, ad palpebrarum scabiem, ad faciei maculas, imo et ad diurnas febrium periodos, et ad hos qui ab aduersa valetudine in hydrope in pergunt. Haec fere Galenus.

Serum vulgus medicorum aquam lactis aut casei vocant, tenuior enim lactis et aquosa pars est, et tanquam sanies diluta. Non laudo qui lac corruptum, aut lactis fecem definierunt. Virg. Acremque Molossum pasce sero pingui. ὄγρεψ Graeci cum duplii aut simplici ἔω proferrunt. Videtur a masculino articulo et ἔοσι compositum, quae vox fluidum liquorem indicat. Aut a solo ἔοσι per metathesim ὄγρεψ factum esse. Vtrouis modo scriptum syllabam ultimam acuit. ὄγρεψ enim paroxytonum per duplex ἔω tantum inuenitur, idem quod ὄργαπύγιον, vel ὄρθοπύγιον, vel οὐροπύγιον significans, hoc est infimam spinae dorsi partem, vbi vertebrae desinunt, incipiunt nates. Phauorinus Camers Serum, inquit, alias τυρόγαλας vocatur. Οργοῦσθαι est serescere, id est in serum abiare. Plinius,

nius, Omne autem lac ab igne spissatur, frigore serescit. Lucilius tamen Latino vocabulo proferenescere et siccari usus videtur, cum canit:

*Denique fluctuago suspensae littore vestes  
Vuescunt, tandem candenti sole serescunt.*

Fortassis et serum appellatum fuerit, quod serenior haec pars lactis, nimurum magis clara, tenuis, limpida instar aquae, minusque crassa sit. Sereum et serosum, Graecis ὄγχωδες, non aliud quam aquosum, fluxum et tenue signat. Serum iam multo potentissimum quidam ad tertias decoquunt, et sub dio refrigerant. In Erythea iuxta Gades insula unius stadii patente freto, lac sine sero premi tradunt, ut Strabo retulit, tanta pinguitudine, ut in caseo confiendo, aqua diluatur. Bubulum ante omnia orthopnoicis prodest cum nasturcio serum. Afininum potum podagra chiragraue multos prorsus liberauit.

### De butyro, ex Galeno.

**B**utyrum ex lactis praesertim bubuli pinguissima parte fit maturandi viribus, cum aliqua simul discutiendi facultate, quae tantum facere potest adhibitum mediis inter duritiem mollietatemque corporibus: horum enim inflammaciones maturat, ac facile discutit, ut parotidas, inguina, oris inflammations, aliosque, non paucos affectus in pueris et mulieribus saepe hoc solo praesidio sanauerimus. Nam duriorum corporum tumores praeter naturam butyrum

nunquam discutiet: screatibus vero thoracis ac pulmonis, et laterum morbis cum melle mirifice confert: ac si solum quidem lambatur, efficacius maturat: sin cum melle et amaris amygdalis, minus quidem maturat, sed magis screatus euocat.

De caseo, ex Galeno.

**C**aseum quem probem nullum habeo, praeter qui oxygalactinus dicitur, quoniam ex accido lacte fiat. Omnes enim concoctu difficiles sunt, ructus acidos excitantes, ventriculumque flatu replentes. Pro conditurae vero ratione ab coagulo acrimoniam comparant, humoremque penitus, praesertim veterascentes amittunt: quando etiam seipsis acriores, calidores, siticulosiores, concoctu difficiliores, peiorisque succi fiunt: ut ne id quidem ad noxam tollendam sufficiat, quod alioqui conferre solet, miscere inquam cum crassioris succi cibariis, quod attenuare possit acrimonia sua. In caseo enim antiquo longe maius a succi prauitate, et ab incendente humiditate nocumentum acquiritur, quam quod attenuandi vis corrigere valeat. Fugiens igitur huiuscemodi caseus, nullius omnino particeps boni. Recentiorem vero omnibus preferendum censeo, quem oxygalactinum vocari diximus. Cibo enim iucundus, et stomacho prae reliquis cunctis innoxius, neque ita difficulter concoquitur, difficulterue distribuitur, neque adeo crasso succo constat, quae omnium

omnium caseorum communis infamia est. Et caeteris recens semper antiquo praestat: molles duro: rarus laxusque valde denso et compacto: quique dulcissimus est, ei qui plurima salsedine offendit: sicut moderate salis, ei qui aut nimiuni, aut nihil salis habuerit: gustu iucundus, ingratu: assatus crudo praeferitur. Caseus vero elixatus, longe solidior est, omnes tamen reprobandi.

Medicamentum Galeni ex caseo antiquo  
ad callosos nodos podagrarum.

Cum arthriticus quidam callosos in articulis nodos habens ad me in curru delatus esset, occurit animo crus suis sale maceratum ac peruetustum decoquere, et eius decocto vetustissimum caseum madefacere, quem deinde in mortario exquisite subactum callosis nodis applicare. Re ita peracta cum sine incisione effracta esset cutis vltro, quotidie nodorum partes replebantur: quam utilitatem vir ille expertus, similem caseum secum detulit, non alio in posterum medicamento vsus. Cunque exacte profecisset, amicos hoc ipso morbo laborantes ad idem peragendum hortatus est.

De vi recentis casei, ex Galeno.

Caseus recentissimus humescensque adhuc creditur maximo his esse adiumento, qui spumam argenti biberint, si assidue pro cibo offeratur. Potest et illitus sanguinolenta simpliciaque vulnera glutinare, additis vitis, aut lactu-

lactucae, aut betae foliis, aut lapathi, aut platanii. Repellit enim et mediocriter refrigerat. Caseus vero oxygalactus ampla etiam vulnera glutinat et discutiendi vim habet.

Plura de butyro.

**B**utyrum vim suam in mollibus praecipue corporibus ostendit. Dentientibus pueris continue illitum, nihilo segnius melle gingiuas attenuat, unde dentes emergunt. Idem oris omnes inflammatorios affectus, postquam humor influens repressus est, discutit et concoquit. Itaque cataplasmatis miscetur forinsecus imponendis ad parotides, hypochondria, et bubones.

**B**œutugos aut **βούτυρον** siue maris siue neutro genere pronuncietur, nihil refert. E pinguissima et oleosa lactis parte fit, interdum una cum caseis relinquitur, seiuncto solum sero: unde casei quandoque tam optimi, ut adiposum humor rem destillent. Butyrum spuma lactis est, concretius quam serum. Hippocrates alicubi vocavit picerion, interprete Galeno in glossis Hippocraticis. Butyrum a bove nominatur, e cuius lacte copiosissimum confit, ut miretur Dioscoridem Galenus, quod ex caprino et ouillo confici lacte dixerit. Ex caprino tamen fieri solere, testis est Plinius.

De butyro, ex Dioscoride.

**C**ommendatur in primis e pinguissimo lacte butyrum, tale autem ouillum est, Paratur etiam

etiam de caprino, in vasis lacte concusso: quidquid enim inest pingue, iactatu a reliquo secedit. Natura ei oleosa, lactis fere vim sequitur, eoque ciet ventrem affatim haustum. Absentis olei vice, contra venena, substituitur. Cum melle gingivis affricatum dentitionem promouet. Pruritus quoque ginguarum ante dentitionem mitigat. Aphthas, id est oris ulcera, puerorum sanat. Foris illitum, pingue corpus et nitidum seruat. Pustulas, quas Graeci psydracia vocant, arcet. Vteri inflammationes duritasque butyrum sanat, quod virus non resipit, neque vetustum est. Intestinis iniicitur ad sua termina, quae dysenteriam vocant: et ad Colon exulceratum. Utile fuerit mixtum his quae suppurationem accelerant. In primis neuorum, membranarum cerebri, vesicaeque colli vulneribus applicatur. Replet, expurgat, carnem producit. Aspidis morsus alexicacum est. Olei loco in obsonia, adipisque vice in dulciaria coniicitur.

Fuligo ex butyro quo modo colligatur,  
ex Dioscoride.

**B**utyrum in lucernam nouam ingestum accenditur, fictilique operculato, quod superne in siphunculi speciem desinat, et infima parte cuniculus clibani modo habeat, crematur. Subinde aliud in absumpti locum sufficitur, dum coaceruetur fuliginis modus, quem facere instauris. Penna post deraditur ad usum. Eius effectus est in medicamentis oculorum exicare,

et astringere. Fluxiones cohibet, et vlcera ad cicatricem perducit.

Plinius lib. 11. cap. 54. Quaedam rursus exiguo gustu famem ac sitim sedant, conservantque vires, vt butyrum, vt hippace, glycyrrhizon.

Ex Plinio de lactis usu aduersus venena.

**A**finino lacte poto venena restinguuntur. Peculiariter si hyoscyamum potum sit, aut viscum, aut cicuta, aut lepus marinus, aut oportunum, aut pharicon, aut dorycnium: et si coagulum alicui nocuerit: nam id quoque venenum est in prima lactis coagulatione. Sed meminitse oportebit recenti utendum, aut non multo postea tepefacto. Nullum enim celerius euaneat. Lacte equino venena leporis marini, et toxica expurgantur. Sic quoque lacte bubulo cuncta venena expugnari tradunt, maxime supra dicta, et si ephemerum impactum sit, aut si cantharides datae, vomitione omnia egeri. Sic et caprino iure cantharides. Contra sanguisugas potas butyrum remedio est, cum aceto ferro calefacto, quod et per se prodest contra venena. Nam si oleum non sit, vicem eius representat. Multipedum morsus cum melle sanat. Caprinus caseus recens, his qui viscum biberunt: lac vero contra cantharidas remedio est, et contra ephemerum potum cum taminia sua. Haec Plinius.

Lac muliebre temperatissimum est, mox caprillum, hinc asininum, ouillumque, postremo vaccinum. Aegineta.

Asininum conferre aliquid candori in mulierum cute existimatur. Poppea certe Domitii Neronis coniunx, quingentas per omnia secum foetas trahens, balnearum etiam solio totum corpus illo lacte macerabat, extendi quoque cutem credens.

Ex Dioscoride quaedam de lacte, in superioribus minus explicata.

**L**ac intestinorum et stomachi inflationes facit. Aluum minus mouet caprinum, propterea quod caprae multo astringente pabulo vtratur, quercu, lentisco, olea et terebintho: - quam ob causam stomacho etiam utile est. Bubulum, asininum, equinumque magis aluum soluunt. Aluum stomachumque euertit lac, ubi pabulum fuerit scammonia, veratrum, mercurialis herba, aut clematis. In Iustinis montibus caprae veratri albi tenera folia depascentes tum ipsae vomunt, tum lac vomitorium reddunt. Datur lac recens cum crudo melle, admixta aqua et exiguo sale contra summae cutis prurigines, papularum eruptiones, et cacochemiam, id est prauos humores. Semel decoctum minus inflat. Alui fluoribus, et exulceratis interaneis medetur ignitis calculis ad dimidias decoctum.

Serum lactis his datur, quos siue acrimonia purgare voluerimus, quales erunt, atra bile labo-

laborantes, comitiales, leprae, elephantiases, et toto corpore papularum eruptiones. Secernitur autem omne lac, et sit quod Graeci  $\sigma\chi\rho\sigma\delta\omega\nu$ , id est scissile nominant, in novo fictili feruens, recenti ficalnea rude agitatum, vbi bisterue inferbuerit, totidem aceti mulsi cyathi superinfunduntur, quot lactis heminae sunt, sic enim discedet a lacte serum. Oportet tamen, ne dum coquitur feruore redundet lac, spongia ex frigida aqua continue fictilis labra perficere, argenteumque sextarium frigida aqua plenum in lac demittere. Datur bibendum hoc serum heminis per interualla temporis vsque ad quinas. Verum a potu eius spatiari bibentes per interualla illa temporis oportet. Facit praeter supra dicta recens lac ad letalium venenorum erosiones incensionesque, quales in cantharidibus fiunt, picearum erueis, salamandra, buprestide, et aconito. Contra colchicum siue ephemerum priuatim suam laudem habet bubulum. Colluntur lacte salubriter oris et tonsillarum exultationes. Asinimum praecipue gingiuas et dentes gargarissatum confirmat. Tinesmis, aluique fluoribus ulceratis calculis littoralibus ignitis decoctum lac prodest. Idem infunditur clyster per se, aut cum ptisana, aut halicae succo, mirifice leniens intestinorum erosiones. Infunditur et uteri ulceribus. Lac schiston vocatur quasi scissile ac diuiduum, quoties videlicet concretam eius partem, quae casealis dici potest, ab serosa, ut Galeno placet, separamus. Impro-

prie tamen schiston, inquit, lac nonnulli appellant id, in quo aut littorales calculi, aut ferrum ardens restinctum sit.

De humano lacte.

**D**ulcissimum est hominis lac, idem maxime nutrit. Prodest stomachi, id est oris ventriculi erosionibus, et tabi ex ipso vbere suatum. Bibitur contra potum marinum leporem utiliter. Instillatur cum thure cruentis ex iectu oculis. Contra podagras cum cera et opio utiliter inungitur. Nutricis lac probandum gustu et visu: illo sit dulce: hoc album et aequale. Inter subtilitatem et crassitatem medium. Vitiosum enim aut crassum est caseo plenum aut liquidum et serosum: aut pallidum, aut spumosum, aut virosum, aut tetri odoris, aut quod velociter acefcat, aut quod gustanti amaritudinis, vel falsedinis, vel alicuius diuersae qualitatis speciem inferat. Sint hae tibi vitiosi et inutilis lactis notiones, quibus coniiciens mulierem morbosam esse, ad aliam vertaris: diuitibus vero praestat plures habere nutrices. Utilessimum lac est cum ex ipsis mammilis quis hauserit: veluti Euryphon, et Herodotus, et Prodicus censent, qui tantam in eo ad corpora reficienda fiduciam habuerunt, ut etiam qui phthoe contabuerant, ex ipsa mulieris papilla lac sugere iuberent. Verum cum hoc plurimis non placeat, melius est calens adhuc ex mammillis id in aegri ventriculum quam oxyssime transferre. Ac optimum

mum quidem, utpote cognatum, muliebre lac est. Sed quoniam id exhiberi sibi ceu pueris plerique recusant, utique asininum ipsis dari conueniet. Ad vehementes oculorum dolores, ac inflammationes lac iuuenculae, simulque boni succi foeminae, ut dolores mitiget, humorumque leniat acrimoniam ex vberibus exprimitur in cotem, in qua collyrium teritur, quo calidum adhuc oculis infundatur.

Lac mulieris ante septimum mensem inutile insalubreque. In omni usu praefertur eius, quae geminos enixa fuerit: tum eius quae matrem fere. Inefficax eius quae sequiorem sexum edidit. Eius quae marem peperit lacte gustato, canes rabiosos fieri negant. Archigenes omne lac incommodum esse calculosis pronunciauit praeter asininum, quod substantia tenuissimum est et facultatis facilime dissoluentis. Igitur mirabiliter articulorum tumores et nodos (quos ad callosae duritiei modum ex vitiisi lactis usu pueri sustinere coguntur) leuigat et delet: unde admonendum duxi, ut ipsum calculosis assidue heminae mensura exhibeat, post matutinas deambulationes, atque id adseruandi a lapidis generatione gratia, prae omnibus aliis fiat. Meminit horum Aëtius in curatione lapidis vesicae. Idem scriptor alibi de suppuratis renibus tractans, his verbis utitur: Lac itaque cum melle post puris eruptionem eis praebendum: et primum quidem asininum aut equinum, ad ulcera enim repurganda conductum:

quum vero repurgatione amplius opus non habent, et morsus fiunt obtusiores, indigetque aeger nutrimento, tunc etiam bubulum lac eis exhibendum II. aut III. heminarum mensura. Amplius autem omne lac recens multum calidum praebendum est, animali in domum ubi aeger decumbit deducto: hoc et aliorum interiorum ulcerum optimum est pharmacum, et graui puri maxime amicum, et corpus probe nutrit.

Aetius de cura tenesmi.

**P**ost clysteris usum, si quidem stercorum multitudo in caeco intestino sit: sin minus, post fomenta pectini inguinibusque admota, exhibendum est lac caprinum recens multum heminae mensura, nequaquam minus: verum non aceruatim, sed sigillatim partitum. Sequenti deinde die lac ipsum ad dimidium decoquatur, ablato eo quod in decoctione concretum superstet, atque ita exhibetur.

Quomodo aluum fluxione laborantem curare oporteat.

**I**n biliosis fluxionibus lac bubulum aut caprimum tepidum recens multum auxiliatur in potu: aut ad ignem decoctum assidueque agitatum, donec ad tertias sit reductum: quod ipsum et per fluiales silices (κάχληκας Graeci vocant) ferrique laminas igni candefactas ac in lacte extintas, fieri potest. Caeterum in decoquen-

quendo superstantem concretionem siue spumam mystro aut pinna auferre oportet. Hoc enim nullum compendiosius remedium ad fluxiones biliosas reperire possis. Quandoquidem autem febricitantibus lac ipsum in nidorem aut etiam acorem conuerti consuevit, maiusque nocumentum quam commoditatem inferre: tunc sane in praesens, ipsum exhibere vitabimus: aquae vero quarta parte ad lac ipsum affusa, decoctionem faciemus, donec dimidium eius consumatur, atque hoc modo exhibebimus. Haec eadem fere alibi tradit in coeliacorum diaeta, ita exhibitum simul sistere ac temperare fluxiones inquiens.

### De lacte in grumos coacto.

**L**ac cogulatum multum aut aceruatim hau-  
stum, suffocationem aliquando frequentem infert in grumos coalescens. Auxiliatur autem his coagulum omne, maxime vero leporinum, quod ex aceto bibere saepius cogimus. Siquidem coagulum recens quidem lac cogit et inspissat, quod vero iam coactum est, ex natura sua dissoluit. Dantur eis et calamintiae viridis aut aridae folia, aut succus. Item baccae iuniperi, laserpitii radix, laser cum posca, thymum ex vino, lixiua figulorum, et quaecunque sanguinem in grumos densatum sunt prodita. Sed nulla falsilago obiciatur, quoniam magis lac coiret, et in caseum densaretur. Neque illos vomere conuenit, siquidem concretum lac sese

in gulæ angustias insinuans, strangulat. Caeterum non simpliciter lac coagulatum veneni maleficium habet, alioqui nullus esset in cibo eius usus: sed quod antequam concreuerit, admixto illi coagulo, aliquis biberit. Coit enim in ventriculo, et coaguli vi, quod admixtum habet, concrescit in grumos, concretioneque illa interiores obstruit meatus, obstrusisque his strangulations facit. Haec Marcelli Vergilii sententia est in suis annotationibus in Diotcoridem, a qua cum nulla autoritate defendatur ipse dissentio, et simpliciter lac in ventre coagulari accipio, quamvis nullo ei mixto coagulo, sed ob aliud quodpiam ventriculi aut lactis vitium. Iubent enim medici lac statim multum bibere, et in phthisi ex ipsis si fieri posset vberibus fugi. Si minus animal in domum aegri ducendum, ut statim adhuc calidum bibatur. Tale lac nimis nondum sibi mixtum habet coagulum, neque enim caseis faciendis destinatum est, periculum tamen ne in ventre aliquibus concrescat, nisi sal et mel addatur. Solum asininum huius periculi expers est. Caprinum vero præ caeteris facilius in casei speciem coit. Sed quoniam hoc periculum sale ac melle mixtis cauetur, operae pretium fuerit optimi quoque mellis notas calluisse, sunt autem haec: Mel substantia et qualitate sit optimum, sibi vndique cohaerens et similare; digito etiam glutinis more, dum eleuatur peitinaciter firmatum, in terram non defluat. Non crassius sit, nam ita cerosum

rosum: nec liquidius quoniam excrementosum foret: verum utriusque excessus medium sit oportet. Colore praeterea esto flavo, odore suavi, non admodum thymum, et nihil omnino externum redolens. Gustu denique acuto, iucundoque. Huiusmodi mel tepidum lacti permixtum, ipsum in ventre coalescere non sinet, quinimo distributionem per corpus quoquo versus accelerabit. Afininum ita cum melle mixtum Galenus iuueni, qui fere contabuerat a balneo, statim exhibuit. Nicandri Colophonii versus, quoniam grauiter eleganterque lactis in ventre coagulati remedia proponunt, visum est ascribere, quae in Alexipharmacis extant, ut sequuntur:

"Ην δὲ ἐπιθρομβωθῆ νεαλέσ γάλα τέυχες  
γαστρὸς,

Δήποτε τὸν δέτε πνιγμὸς αὐθροιζομένοια δε-  
μάζει.

Τῷ δήτοι τρισσὰς πόσιας πόρες μέσοις μὲν  
οἶξεν

Δοιαὶς δὲ γλυκέος, σεγανὴν δὲ υποσύρεο ηδύν.

"Η εἴτε καὶ λιθύηθε ποτῷ ἐγκυνήθεο ρίζας

Σιλφίου ἄλλοτ' ὀποῖο, νέμοις δὲ βάμματι  
τήξας.

Πολλάκις δὲ Θρύπτειραν ἐπεγκεράσαιο ιενίλην.

"Ηὲ νέον βρυσέντας θύμον τάχυν, ἄλλοτ' ἀμύνει

Βότρυος ἐυκινήμοιο μίγα βρεχθείτος ἐν σίῃ,

"Ἐν καὶ που ταμίσσιο ποτὸν διεχένατα Θρόμ-  
βους.

*Kai χλοεραὶ μίνθης αἱ ποφυλάδες, οὐ μελισσης,  
Ἡ ἡ καὶ ἐν σύφοντι ποτῷ μεμονυγμέναι ὥξευς.*

Haec nos ita conati sumus Latina facere:

*In grumos fuerit si lac in ventre coactum,  
Ingens discrimin fit suffocatio praesens.  
Tu miscebis alexicacum, quod habebit acetii  
Partem unam, passique duas, hoc bauriet  
aeger:*

*Radicesue bibet Libycae telluris alumnas  
Laseris, aut succum quem vis dissoluit acetii.  
Ast alias cunilae mollis medicamina potu,  
Aut thymi flores feliciter experietur.  
Et botrus potuit mixtus prodesse Lyaeo.  
Quinetiam grumos potata coagula delent.  
Et virides menthae frondes, quas melle Napæo  
Iungis, opem sperare iubent, acidoue liquore.*

### De coagulo,

**C**oagulum a cogendo, id est coagmentando, dicitur ea pars viscerum, qua ad densandum lac utimur. Tibullus,

*Et miscere nouo docuisse coagula lacte.*

Quicquid densat et coniungit coagulum dicitur. Gellius, Vinculum illud coagulum animi atque amoris. Est et herba coagulum, seu potius spongia aquarum dulcium, quam alii conferuam a vulneribus ferruminandis appellarent. Graeci coagulum πιτύαν et πιτύαν vocant: inde πιτύη, id est cnicus, vulgo car-

tamus;

tamus quod eius semine lac coaguletur. Τάμυσον poëtae vocant, forte ob secernendi vim, nam τάμυνω Dores pro τέμνω, quod est scindo et separo. Plinius ex hoedo laudat, Aristoteles ex hinnulo, praecipuum tamen dasypodis, hoc est leporinum, vnius utrinque dentatorum, quod et profluuo alii medetur. A pitynam vulgo dici (inquit Hermolaus) concretum igni serum, et quod in caseum coire non potuit, existimo. Πιτύα forte dici πηττύα debuerat, a verbo πήσων et Attice πήττω, id est coagulo. In quibusdam exemplaribus πυτία legitur. Επιπυτία δὲ γάλα, lac est in ventre coagulatum. Coagulare verbum habet alia quoque significata. Gellius, Semen in utero mulieris primis septem diebus congregatur, coagulatur, fitque ad capiendum figuram idoneum.

### Galenus de coagulo.

**O**mne coagulum acriis est et discussoriae facultatis, et proinde siccantis etiam, quod ad superiora necessario consequitur. Caeterum leporis quidem comitiales sanare proditur cum aceto bibitum, et mulierum fluxiones sistere, lac in ventriculo coagulatum soluere, cuius nos quoque periculum fecimus, non in leporino tantum, sed et aliorum animalium coagulo. Quamuis illud praestantissimum sit. Dissoluere praeterea sanguinem in ventre congregatum similiter potum, leporinum forte prae caeteris, non tamen solum ut quidam tradidere, sed hoc etiam

etiam omni coagulo commune est. Sunt qui sanguinis e pectore sputa in potu leporis coagulum cohibere scripserunt, sed cum acre hoc pharmacum sit, neque ego ausus sum vti, neque alium vtentem vidi in huiusmodi affectu, qui astrictoria eget opera. Nonnulli equinum ad intestinorum tormina et coeliacos priuatim conferre literis mandarunt. Dioscorides addit venenatorum morsibus obfistere cum vino trioboli sumptum pondere: quo modo ad superiores quoque affectus, iam e Galeno relatos, usurpare iubet. Pares leporino vires habent hoedi, agni, hinnuli, dorcadis, capreae, quam a latitudine cornuum platycerota dicunt, dorci, cervi, vituli, et bubuli coagula. Omnia contra aconitum e vino, ut ad sanguinem concretum ex aceto pota, faciunt. Aristoteles coagulo lactis substantiam esse scribit.

### Iterum de caseo, e Dioscoride.

**R**ecens caseus sine sale multum alit, facilius digeritur, corpus auget, aluum leniter molit. Differt pro lactis varietate ex quo conficitur. Elixus, expressusque, mox assus, retinet aluum, prodest oculis inflammatis illitus, sugillatisque. Minus nutrit recens et nuper sale aspersus, quinimo corpus minuit, stomacho inutilis, aluum et intestina tentans. Vetustior ventrem fistit. Casci serum canibus plurimum alimentum praestat. Hippace caseus equinus est, viroso odore, multum tamen nutrit, et bulo

bulo quodammodo similis est. Sunt qui equinum coagulum hippacen nominauerunt.

Hippocrates maximus medicinae author, et totius naturae peritissimus, Scytharum inuentum hippacen esse scripsit, esseque quod in equino lacte in alveolis subaeto in fundo subsederit, quo gens illa quotidie vescatur. Glycyrrhiza, id est dulcis radix, sitim restinguat, si teneatur in ore. Qua de causa Scythæ hac contenti, decem, duodecimque dies degunt, et vitam non aliter quam hippacæ esu prorogant. Quod Plinius undecimi voluminis calce confirmat. Quaedam enim exiguo victu famem ac sitim sedant, conseruantque vires ut butyrum, hippace, glycyrrhizon. Hippaceu apud Theophrastum Theodorus equestrem vertit, quasi radix esset dulci radici par ingenio ad abigendam sitim famemque. Sed Diotcoridis Pliniique testimonio constat hippacen equinum esse caseum, non radicem aut herbam. Nec id prodiosum videbitur, qui Plinium audiuerit referentem Zoroastrem in desertis caseo vixisse annis viginti, ita temperato ut vetustatem non sentiret. Plutarchus Symposiacorum quarto, memoriae prodidit consimile nonnihil, Sosastrum nullo alio potu ciboue quam lacte totius vitae curriculo vicitasse. Quapropter in alterutro mendi vix facesset suspicio, nisi utrolibet eadem vox legitetur: sed aliorum sit hoc iudicium, sat nobis fuerit huius diuersitatis obiter hoc in loco commonuisse. Hermolaus tamen una litera discernit,

**cernit, sic ut** hippice herbam, hippace caseum designet.

Caseus a coacto lacte dictus videtur: nam fit lacte coagulato, hoedino in primis vitulorum-ue coagulo. Primus id coagulare, et caseum, ut volunt, conficere monstrauit Aristaeus Atheniensis. Τυρὸν Graeci vocitant, a verbo τυρέω vel τυρέυω, id est conficio, paro, et aliquando perturbo. Eadem in voce passiuia, ut τυρεύσθαι, in caseum densari notant. Τυρῶδες caseosum indicat, quod plurimum substantiae casei, minimum seri obtinet. Τυρόκνητος instrumentum iam dictum est. Idem vero ciuitatis cuiusdam nomen a muliere quadam appellatae, quae prima lac in caseos spissauit. Σημαῖνει δὲ καὶ σχῆμα τοιούτων. Caseale apud Columellam lib. 2. cap. 15. videtur locum significare, in quo aut sit, aut seruatur caseus.

Ex Varrone de re rustica.

**E**st lac omnium rerum, quas cibi causa sumimus, liquentium maxime alibile, et id ouillum, inde caprinum. Quod autem maxime perpurget, est equinum, tum asininum, deinde bubulum, tum caprinum. Sed horum sunt discrimina quaedam, et a pastionibus, et a pecudum natura, et a mulctu. A pastionibus, quod sit ab ordeo et stipula, et omnino arido, et firmo cibo pecude pasta, id alibile: ad perpurgandum, id quod a viridi pascuo, et eo magis fluxe ex herba, quae eadem ipsa sumpta perpurgare

gare corpora nostra solet. A pecudum natura,  
quod lac melius est a valentibus, et ab iis, quae  
nondum veteres sunt, quam si est contra. A  
mulgendo, atque ortu optimum est id, quod ne-  
que emundum longe abest a mulso, neque a  
partu continuo est sumptum. Ex hoc lacte ca-  
sei qui fiunt, maximi cibi sunt bubuli, et qui  
difficillime transeant sumpti. Secundo ouilli:  
minimi cibi et qui facillime deiiciantur, caprini.  
Est etiam discrimen utrum casei molles ac re-  
centes sint, an aridi et veteres. Cum molles  
sunt, magis alibiles, in corpore, non resides,  
veteres et aridi contra. Caseum facere inci-  
piunt a vergiliis vernis exortis ad aestiuas ver-  
gilias. Mulgent vere ad caseum faciendum  
mane, aliis temporibus meridianis horis, tametsi  
propter loca et pabulum disparile, non usque-  
quaque idem fit. Lactis duobus congiis ad-  
dunt, coagulum magnitudine oleae, ut coeat:  
quod melius leporinum et hoedinum quam  
agninum. (Capit autem congius olei libras no-  
uem, vini decem, mellis tredecim, et dimi-  
diem. Sextario nomen quod eum sexies congius  
capiat. Videtur et a congio nomen nostræ men-  
suræ natum, quam indigetamus **ein Schopff**,  
Graece **χεῦς** dicitur, idem fere pondus, sicut  
et cum quartario nostro choenici veterum. Por-  
to libram 12. unciarum accipies. Nostra enim  
cui nomen **ein Pfund** a voce pondo Romana  
mina potius dicenda est quam libra, uncias ca-  
pit 18. media inter minam Romanam quae 20.

constat vnciis, et Atticam Aegyptiamque vñciarum sedecim, qualis fere hodie in Germania usurpatum, nos tantum duabus vnciis excedimus \*).

Alii pro coagulo addunt de fici ramo lac, et acetum, et aspergunt item aliis aliquot rebus, quod Graeci appellant alii *κπὸν*, alii *δρακόντιον*. Non negarim, inquam, ideo apud diuae Rumanie facellum a pastoribus satam sicum. Ibi enim solent sacrificare lacte pro vino, et pro lactentibus. Mammam enim tumim siue rumam ante dicebant, et inde dicuntur subrumi agni lactentes. Quin aspergi solent sales, melior fossilis quam marinus.

Palladius de caseo faciendo.

**M** aio mense caseum coagulabimus sincero lacte, coagulis vel agni, vel hoedi, vel pellicula, quae solet pullorum ventribus adhaerere, vel agrestis cardui floribus: vel lacte ficulno, cui serum debet omne deduci, ut et ponderibus vrgeatur. Vbi solidari cooperit, loco opaco ponatur, aut frigido, et pressus subinde adiectis pro acquirenda soliditate ponderibus, trito, ac torrefacto sale debet aspergi, et iam durior vehementius premi. Post aliquot dies solidatae iam formulae per crates ita statuantur ne inuicem se contingant. Sic autem loco clauso, et a ventis remoto, ut teneritudinem serueret

\*} Parenthesi inclusa verbis Varronis interseruimus.

seruet atque pinguedinem. Vitia casei sunt, si aut siccus sit, aut fistulosus: quod eueniet, aut si parum prematur, aut sales inimicos accipiat, aut calore solis vratur. In recenti caseo confiendo aliqui nucleos virides pineos terunt, atque ita misto lacte gelant. Aliqui thymum tritum, et frequenter colatum congelant. Qualemcunque etiam saporem velis, efficere poteris, adiecto, quod elegeris, condimento, seu piperis, seu cuiuscunque pigmenti.

Casei faciendi ratio, authore Columella.

**C**asei quoque faciendi non erit omittenda cura vtique longinquis regionibus, vbi mulctram deuehere non expedit. Is porro si tenui liquore conficitur, quam celerrime vendendus est, dum adhuc viridis succum retinet: Si pingui et opimo, longiorem patitur custodiā, sed lacte fieri debet sincero, et quam recentissimo. Nam requietum, vel mistum celeriter acorem concipit. Id plerumque cogitur agni, aut hoedi coagulo, quamuis possit et agrestis cardui flore conduci, et seminibus cne- ni, nec minus ficalneo lacte, quod emittit arbor, si eius virentem saicies corticem. Verum optimus caseus est, qui exiguum medicaminis habet. Minimum autem coagulum recipit sinum \*) lactis argentei pondus dena-

rii.

\*) Sinus, vel sinum, genus est vasis sinuosi, sicut et galeola. Virg. Sinum laetis, et haec tibi liba Priape quotannis expectare sat est.

rii \*) Nec dubium quin fici ramulis glaciatus caseus iucundissime sapiat. Sed multa cum est repleta lacte, non sine tempore aliquo debet esse. Nec tamen admouenda est flammis, ut quibusdam placet, sed haud procul igne constituenda, et confessim cum concreuit, liquor in fiscellas, aut in calathos, vel formas transferendus est. Nam maxime refert primo quoque tempore serum percolari et a concreta materia separari. Quam ob causam rustici nec patiuntur quidem sua sponte pigro humore defluere, sed cum paulo solidior caseus factus est, pondera superponunt, quibus exprimatur serum. Deinde ut formis, aut calathis exemptus est, opaco, ac frigido loco, ne possit vitiari, quamuis mundissimis tabulis componitur, aspergitur tritis salibus, ut exudet acidum liquorem. Atque ubi duratus est, vehementius premitur, ut consipescatur: et rursus torrido sale contingitur, rursusque ponderibus condensatur. Hoc cum per dies nouem factum est, aqua dulci eluitur, et sub umbra cratibus in hoc factis, ita ordinatur, ne alter alterum caseus contingat, et ut modice siccetur: deinde quo tenuior permaneat, clauso neque ventis obnoxio loco stipatur per complura tabulata. Sic neque fistulosus, neque salbus, neque aridus prouenit. Quorum vitiorum primum solet accidere, si parum pressus: secundum, si nimio sale imbutus: tertium, si sole ex-

\*) Denarius idem quod drachma ein Quentchen oder Settet.

exustus est. Hoc genus casei potest etiam trans maria permitti. Nam is, qui recens intra paucos dies absumi debet, leuiore cura conficitur, quippe fiscellis exemptus, in salem muriamque demittitur, et mox in sole paulum siccatur. Nonnulli antequam pecus numellis \*) inducant, virides pineas nuces in mulctram demittunt, et mox super eas emulgent, nec separant, nisi cum transmiserint in formas coactam materiam. Ipsos quidam virides conterunt nucleos, et jacti permiscent, atque ita congelant. Sunt qui thymum contritum, cribroque colatum cum lacte cogant. Similiter, qualiscunque velis, saporis efficere possis, adiecio quod elegeris, condimento. Illa vero notissima est ratio faciundi casei, quem dicimus manu pressum. Namque is paulum gelatus in mulcta, dum est tepefactus, rescinditur, et feruente aqua perfusus, vel manu figuratur, vel buxeis formis exprimitur. Est etiam non ingratii saporis muria perdu-ratus, atque ita maligni ligni, vel culmi fumo coloratus.

Berytius de caseo faciendo apud Constantimum Caesarem de re rustica, quem doctissimus vir Ianus Cornarius nuper Latinitate donauit.

libro 18. cap. 19.

**P**lerique caseos conglutinant, eo quod aliqui succum siue opon, plurimi autem ex agri-

D 2

colis

\*) Numellae sunt vincula, quibus inserto capite ceruix tenetur.

colis pityan, id est coagulum nominant: prae-  
stat hoc ex hoedis: quamquam et sal torrefactus  
lac coagulet, et fici succus, et teneri ipsius ra-  
muli aut folia, et pili qui in verticulis cinarae  
herbae enascuntur, qui alias inepti sunt ad  
cibum, et piper, et domesticae gallinae pelli-  
cula, quae intra ventriculum stercore destinata  
est, echinus, id est \*) erinaceus ab aspritudine  
Graecis appellata, ceterū cortex quidam pecora  
cum acerbo pabulo vtuntur, praestantius lac  
reddunt, et multo magis a cytiso. Durat lac  
ad triduum, si pridie quam reponas in vas  
effusum ac feruefactum rursus in aliud transfu-  
deris, et ferula aut harundine moueris, donec  
frigefiat, modicumque salem insperseris. Tener  
et mollis diutius manet caseus, cnicis semine ex  
aqua tepida exceptus, aut eodem cum melle  
tepidō adiecto. Perdurat integer aqua potabili  
lotus, et in sole siccatus, si in sicilibus compo-  
natur cum thymbra aut thymo, separatis inui-  
cem quantum fieri potest caseis, qui sic compo-  
nuntur, deinde aceto dulci, aut aceto mulso  
assuso, donec liquor per omnes progressus su-  
peremineat. Quidam caseos in aquam marinam  
coniectos asseruant. Albus manet caseus in  
muriā iniectus. Solidior vero et acrior super-  
fumum positus. Videtur autem omnis caseus,  
si in legumen et maxime cicerculam aut pisum  
coniiciatur, durabilior fieri. Si vero ob vetu-  
statem

\*) Aliter hæc reddita sunt quam apud Cornarium.

statem durus aut amarus sit, in omelysi permanescat. Est autem omelysis farina ex hordeo non torrefacto, deinde in aquam caseus mittatur, et postea quod in superficie haeret admatur.

Probatio lactis, an aquam contineat.  
Ex eodem.

**L**ac probabis an aquam habeat, iunco acuto immiso et extracto, lacteque ad vnguem instillato. Si enim cito ab ipso defluxerit, aquam ammixtam habet; si vero permanserit in vngue, integrum existit.

Caseus non sit ex utrinque dentatis. Bululum caseo fertilius quam caprinum lac, ex eadem mensura, ut Aristoteles tradit, pene altero tanto. Quae plures quaternis mammas habent, caseo inutilia: et meliora quae binas. Caseus infumatus laudabatur a veteribus: nec hodie contemnitur. Omnis porto caseus senectute sit salsus, sed in museum redit saporem acetum e thymo maceratus. Barbaros caseo non usos tradunt, sed in incundum tamen acorem lac solitos cogere, quod et oxygala vocatum sit, cuius mentionem supra fecimus. Casei genus saprum, quasi putrem dicas, faciunt utilem coeliacis. In Plinio legendum sit epityrum, an caprarum in mentione casei libro II. controversum diu fuit: Ipse non epityrum (verba sunt Hermolai Barbari) sed caprarum

lego: non quia epityrum oliuae fractae genus sit, ut quidam putant, quandoquidem oliuae genus illud pityrum et pityrida, non epityrum vocari constat: Sed illa ratione potius, quod nisi caprarum gregibus sua laus est, in recenti maxime eam augente fumo gratiam: et reliqua si legamus, vix stabit sensus, nisi plane quis extorqueat. Praeterea cum de bubulo et ouillo caseo differuissest author, maxime sequens erat, ut de caprino quoque loqueretur: ne quia sit omnium fere deterrimus, improbari omnino iudicaretur. Adde quod infumari non aliis magnopore caseus quam caprinus assulet. Nec fere placet nisi musteus atque recens.

Quamvis autem Hermolaus refragari videatur epityrum oliuae genus ponentibus, euidens tamen fiet, qui Marcum Catonem legerit, epityrum ex oleis cuiuscunque coloris condimentum esse, cum aceto, oleo, coriandro, cymino, foeniculo, ruta, menta. Hoc Varro scripsit edulium Siciliae, quam Italiae frequentius esitari. Mentionem quoque Plautus epityri fecit. Errant igitur etiam illi qui cibum caseatum interpretantur. Diuersum ab hoc xeriam tyron Pollux videtur vocasse, Siculum edulium id esse affirmans. Dubitat Hermolaus an placentaे genus hypotyris idem sit cum epityro: Sed longe diuersa esse, constat ex Athenaei verbis hypotyridas hunc in modum parantis. Mel et lac coniectum expressumqne in fictile mittitur, et cogi

cogi coalescereque sinitur, et in tenuia, si ad-  
sint, incernicula subiecto vase mixta coniiciun-  
tur, ut serum profluat: sin desint, vtendum fla-  
bellis, quibus ignis ventilatur, nam eorum sup-  
plent inopiam. Cum satis videbitur concre-  
visse, in argenteum vas transferenda. Haud  
scio an haec etiam argyrotryphemata liceret ap-  
pellari, quae constat esse lactarium opus.  
Trans maria caseus Bithynus fere in gloria erat,  
Salonites ab oppido appellatus. Gallici sapor  
medicamenti vim obtinet: nunc a Cisalpina Gal-  
lia commendantur Placentini maxime. Forma-  
ginem \*) Theodorus pro caseo cur dixerit, aut  
quem authorem secutus ita verterit, quod Aristoteles trophalida scripsit, nisi quod in Columella  
forte legit concretum lac in fiscellas aut in cala-  
thos, vel formas transferri solitum, non video.  
Aliubi Theodorus idem trophalida colostrum  
interpretatur, neutrum satis probat, Hermolaus  
ait. Casei discrimina pulcherrime Antiphanes  
poëta reddidit. Χλωρόν, id est recentem atque  
mollem Latini musteum vocant, qualis in fiscella  
fertur, ob id fiscellis vocatis, quia inde caseum  
abliguriunt: ξηρόν, id est aridum, atque ut Iu-  
lius Pollux interpretatur, macilentum: κοπτόν,  
id est praedurum: nam et copta Rhodia, et  
copta ficus hinc nomen tulere: ξυσόν, id est  
tonfilem atque rasilem: nam et horti sic dicun-  
tur: τμητόν, id est scissilem: πηκτόν, id est

D 4

coagu-

\*) Formago Gallis caseus est.

coagulatum colostratumque. Eum qui acescere incipiat, et lacte ferculneo coierit, opian vocant. In Creta caseos quibus lata forma est, sed gracilis, Θηλείας, hoc est, quasi foeminas appellant. Athenaeus Latina voce usus fumosos caseos appellat. Laus caseo Nemausensi, Lesurae, Gallicique pagis. Alpino duobus generibus, Docleati ex Dalmatia, Vatusico ex Centronia, Cebano e Liguria, & Apennino maxime lactis ouium. Auximati ex Umbria. Item Lunensi magnitudine conspicuo singulis quandoque milibus pondo. Idem Vestino Crustuminoque Acceditio campo. Siculum Iulius Pollux meminit et Aristoteles ex ouillo et caprino mixtum lacte. Quod hodieque fit ubi utriusque copia habetur. Hunc Athenaeus praeferri putat omnibus, utique post Achaicum ex oppido Tromilia, unde Tromiliscus dicatur, et a Simonide Stromilius ex caprino lacte. Extat et Phrigius apud Aristotelem ex equino asininoque fieri solitus. Velabrenses casei dicti caprini, quod fumo apud Romanos in Velabro conditentur. Prima nobilitas in Italia caseo datur Parmensi his temporibus, cum olim secunda Ianis daretur. Si cerebrum mustelae coagulo additum fuerit, neque a muribus, neque a vespustate caseos corrupti in Plinii commentariis legitur. Audio etiam Ari folia imposita caseos a vermibus defendere, eius herbae nomen integrum lingua nostra seruatur. Fit quoque caseus, quem Secundarium vocant, ex sero primi casei

casei, lento igne, siue potius tenui flammula, modico tamen lactis addito, tam diu ebulliente, donec ad summum natauerit, Recoctam Itali passim vocant, candida est, et quasi spongiosa, nec gustu*ſi* insquauis, multisque herbaceis pulmentis adhibetur. Salita etiamnum vice casei vtuntur rustici, semipagani, et tenuioris census, paupertinaeque conditionis homines in cibariis.

Allium sylvestre retinet odoris sui virus adeo pertinax, ut pecudum lac, quae comam eius depauerint, alia suboleat. Et licet in butterum et caseos coaluerit, non exuit illam odoris grauitatem, praesertim in eo quod vesperi mulgetur. Sed cum in plura genera allium sylvestre diuidatur, in primis virosum est quod in opacis syluis exilit, folio fere liliaceo, minori, vnico ut plurimum, interdum bino, cum caulescit ut florem et semina matureret, quod vernacula lingua Rampseren appellat, flores albi sunt, eodemque colore radix, bulbo tenui oblongo, caule dorstantali, semine nigro. Fortassis hoc ophioscorodon fuerit. Ut aliud quod in aruis sponte nascitur, caninum a nostra gente dictum, ampeloprasum videtur. Quinetiam hominis allio in cibis vſi, maxime crudo, vrina foetet. Ξενοκράτους τυρίον, hoc est Xenocratis caseolus in proverbium de cibo qui diutissime durat, antequam consumatur.

Tradunt enim frugalissimum philosophum Xenocratem saepenumero obsonia iam rancida

abiecisse, neque rarerter euenisse, vt cum cadum aliquem relinere vellet, iam vinum reperiret in acorem versum. Iustinus libro 13. Aristaeum in Arcadia late regnasse scribit, eumque primum et apum et mellis usum, et laetis et coaguli hominibus tradidisse.

Melcae praeparatio compendiaria  
Paxami.

**P**raeparatio Melcae extemporalis et praestantior fiet hoc modo. Nimirum si in fictilia vasa noua acetum acre immiseris, posuerisque ipsa in calidum cinerem, aut ad lento ignem, id est, ad prunas, et ubi paululum effleruerit acetum, vt a vasis combibatur, vasa de prunis detraxeseris, et in eadem vascula lac miseris, atque ipsa in arculam aut cistam, aut ubi immota maneant deposueris. Sequenti enim die melcas multo praestantiores habebis, quam sunt quae multa arte parantur. Vascula tamen, postquam semel aut iterum ipsis usus fueris, permutabis. Haec apud Constantinum Caesarem leguntur in fine lib. 18. de re rustica. Mentionem melcae fecit Galenus libro 7. Methodi therapeuticae ad Eugenianum his verbis: Vidisti igitur et tu quosdam uno die, vel potius hora frigida potionem leuatos, quorum aliis non aquam modo dedi fontanam recentem, sed etiam quae niue esset refrigerata, velut Romae preparare solent, præcalfacientes prius, quam ipsi de-

decocta \*) appellant. Cibos praeterea ad eundem modum refrigeratos identidem me illis permittere vidisti, in quibus est et quam melcam vocant, unus is quoque Romae laudatorum ciborum, veluti etiam aphrogala. Haec Galenus de curatione calidae ventriculi intemperiei: in qua curanda Aegineta quoque melcam exhibet, et oxygala, et poscam. Rursus Galenus in libro de cibis boni et mali succi, melcam vocem esse Romanam aperte testatur, eiusque refrigeratae cibum mediocrem aestatis tempore conuenire, quamquam non omnino usum eius probet. Apud Germanos vox melca lactis significationem habet, et ex Graeco αμελγέν facta videri potest. Hermolaus rusticos butyrum non aliter fere quam melcen appellare scribit, et esse quosdam quibus melce idem quod oxygala videatur. Sed non idem esse ex Aeginetae loco iam citato patet, quoniam simul utrumque nominatur; aliqua tamen eius species intelligi potest. Vetus interpres Galeni loco melcae Iuncatam reddit, ita enim vulgus Italorum vocat lac recens coagulatum, ut formam elegantiorem accipiat, iuncis calathisue iunceis inclusum. Calepinus iunculos hoc operis lactarii genus appellat, authore nullo citato. Prius tamen ibidem iunculos ex opere dulciario cibum interpretatur, qui ad similitudinem iuncorum

\*) Nero in extrema rerum desperatione aquam ex subiecta lacuna potatus hauriens dixit: Et haec est Neronis decocta.

rum figuratus fuerit, quales hodie in opere pistorio venales conspiciuntur.

Quid aphrogala,

**D**icendum ordo postulat aphrogala quid sit, superius in Galeni verbis pariter cum melca nominatum: sed cum neque nomen idem, neque interpretatio eius apud alios authores siue Graecos siue Latinos, quod quidem sciām, extet, agendum nobis coniectura fuerit, ut suspicari, si non certo interpretari liceat. Igitur in promptu dictante vi nominis aliud nihil accipio, quam quod idem nomen apud Germanos habet, nempe lac spumosum, quod adeo longis vasis concutitur, ut nihil iam praeter spumam appareat, quare in superiori Heluetia in primis hyeme paratur, quoniam spuma tum frigoribus densata diutius perduret, et quo libet vehere liceat, et refrigeratum stomacho sic gratus. Hoc aliqui vocant niuem, quod ipsam specie sua repraesentet et qualitate gelida. Quamquam alibi etiam alias parent. Si quis tamen solam lactis ceu spumam superstantem intelligat, nihil impedio, parum enim refert concussione an sine concussione spumam actu frigidam calido ventriculo propines: mihi vero magis arridet concussa, utpote gravior, et minus pinguitudinis continens. Porro γραῦς et ἐπιτάγος significant crustulam illam quae in lacte, aut alio pingui liquore in superficie concrescit, dum coquitur, et extantem spumam, nimirum

a colore cano. Hinc iocus extat in anum quae ollam capite ferebat in Pluto Comoedia Aristophanis:

Kαὶ μήν πολὺ τῶν ἄλλων χυτρῶν τάνατος  
Αὗται ποιεῖσθαι, ταῖς μὲν ἄλλαις γὰρ χύ-  
τραις  
Ηγραῖς ἐπεις ἀνωτάτω, ταῦτης δὲ νῦν  
Τῆς γραῖς, ἐπιπολῆς ἔνεστιν αἱ χύτραι.

Hoc est,

A caeteris quam plurimum istae differunt  
Ollis, videre in caeteris enim licet  
Anum supra ollas, hic modo contrario  
Nouoque videoas, quod sit olla super anum.

Γραῖς enim et anum mulierem, et oleofam in iusculis lacteque superficiem indicat: praeterea lineam illam in littore aut ripa, quam spuma describit. Pueri nostri floccos niuum cadentes anus esse clamitant. Omnibus occasionem metaphorae dedit canicies.

### De variis operibus lactariis.

**E**λεσμα vel ὄψος διὰ γάλακτος Graeci lactarium opus vocant. Τροφαλίδαι alii oblongum caseum exponunt, alii rotam casei Siculi: cum enim pecoribus abundet Sicilia, optimum et plurimum caseum parat. Melicratum antiqui mellis et laetis miscellam nominarunt: posteriores autem Homero ad nos usque aquam mulsam, id est mel aquae mixtum.

**Mελικακι**, dandi casu explicari inuenio pro cibario e caseo. Δια βουτύρου apud Oribasium legi, si bene memini: intelligitur pharmacum, aut eclegma, id est illinctus butyro et melle constans vtilis anaphoricis, qui difficulter excreant, maturat et coquit pituitam in pectore. Oportet autem paulatim sub lingua liquefacit, vt hypoglottides, arteriacae, et eligmata omnia. Nostri in ciborum deliciis habent. Lacti autem potius mel calaminum id est sachar admiscent, vt lautius melle, minusque fastidiosum. Quod in plerisque nostrum seculum obseruat, et meo quidem iudicio recte facit, cum mel optimum non facile sit inuenire. Sachar vero laudat Galenus quoque libro 8. Methodi medendi inter detergentia quae febribus conueniunt, medio loco inter mulsam et oxymeli, id est acetum mulsum reponens. Plinii temporibus medicinæ duntaxat usui accommodabatur, nunc tam vulgare, adeoque gratum est, vt prouerbiale sit nullum ferculum corrumpi sacharo. Sed revertor ad institutum. Lac sacharo conditum augere corporis habitum, et genituram fertur. Conditur et sachare melca siue lac nuper coagulatum una cum butyro, qui cibus variis flosculis infixis coronatus conuiuiis introfertur. Maij mensis edulium vocant, quod eo tempore maxime fiat, verna pabuli suavitate in lac et butyrum redundante.

Coqui opus quoddam tanquam ex lacte  
fingunt: Oryzam bene tritam cum amygdalino  
lacte (de quo supra) coquunt ad spissitudinem:  
effusum deinde refrigeratumque in tomos secant,  
tum recens amygdalinum lac affundunt, et  
amygdalas auro, alioue pigmento coloratas im-  
mittunt. Lautiores auri vel argenti folia aqua  
mulsa madefacta iniiciunt, et gossipio sicubi non  
bene inhaeret, comprimunt, ut superficies pla-  
na sit. Manibus tangi non debent, et si opus  
fit forficibus ligneis eleuari. Lac coeruleum si  
facere volueris, amygdalinum cum cyani \*)  
floris succo para, loco aquae. Huic deinde  
oryzam, aut far incoquere licebit. Aliud ciba-  
rium ex amygdalis lac coagulatum referens.  
Amygdala tusa per setaceum transferes cum  
aqua, deinde calfacies ad ignem semper agitan-  
do rude, miscebisque ius piscium, siue de pedi-  
bus vitulinis aut ouinis gelatum, ac vteris frige-  
facto. Caseus ex amygdalino lacte \*\*). Amyg-  
dalimum lac ouis temperato, salitum decoquito,  
et si libet crocum adiice, aut alia quaelibet aro-  
mata. Iam densatum igne cochleari diligenter  
permiscebis, et impones setaceo, ut quod  
liquidius est defluat, tandem sacharatum conui-  
uis appones. Catatyron condimenti nomen  
est e caseo apud Athenaeum,

Quae

\*) Cyanus flos, Blaue Kornbluhmen.

\*\*) De hoc et sequenti mentio fiet etiam infe-  
rius ex Platina.

Quae deinceps sequuntur edulia numero nouem, ex M. Catone descripta sunt. Libum hoc modo facito, casei pondo II. in mortario bene disterat: vbi bene detriuerit, farinae silagineae libram, aut si voles tenerius esse, selibram siliginis solum eodem indito, permiscetoque cum caseo bene, ovum I. addito, et una bene permisceto. Inde panem facito. Folia subdito, in foco calido sub testu coquito leniter. Placentam sic facito. Farinae silagineae libras II. alicam in aquam infundito: vbi bene mollis erit, in mortarium purum indito, siccatoque bene. Deinde manibus depsite: vbi bene subactum erit, farinae lib. IV. paulatim addito, id utrumque tracta facito. In qualo, vbi arescant, componito: vbi arebunt componito puriter, tum facies in singula tracta. Vbi depueris, panno oleo uncto tangito, et circumtergito, vngitoque vbi tracta erunt: focum, vbi ea coquas, calefacito bene, et testum. Postea farinae lib. II. conspergito, condepsitoque. Inde facito solum tenue casei ouilis P. XIII. ne acidum siet, et bene recens in aquam ter indito, ibi macerato, aquam ter mutato. Inde eximito, siccatoque bene paulatim manibus, siccum bene in mortarium imponito. Vbi omnem caseum bene siccaueris, in mortarium purum manibus condepsito, comminuitoque quam maxime. Deinde cribrum farinarium purum sumito, caseumque per cribrum facito transeat in mortarium. Postea indito mellis boni P. IV. S. id

vna bene commiscero cum caseo. Postea in tabula pura, quae pateat pedem I. ibi balteum ponito, foliaque laurea vncia supponito, placentam fingito. Tracta singula in totum solum primum ponito, deinde de mortario tracta linito, tracta addito singulatim, item linito usque adeo, donec omnem caseum cum melle abusus eris. In summum tracta singula indito, postea solum contrahito, ornatoque focum de iuniperō, temperatoque. Tunc placentam imponito, texto caldo operito, pruna insuper, et circumoperito. Videto, ut bene, et ociose percoquas, aperito, dum inspicias bis aut ter: ubi cocta erit, eximito, et melle vngito: haec erit placenta semodialis,

Spiram \*) sic facito: quantum voles proportione, ita uti placenta sit, eadem omnia facito, nisi sic alio modo fingito in solo tracta, cum melle oblinito bene. Inde tamquam restim tractes facito, ita imponito in solo, de implicitis completo bene arcte. Caetera omnia quasi placentam facias, facito, coquitoque. Scriblitam sic facito. In balteo tractes caseo, ad eundem modum facito, uti placentam sine melle, coquitoque. Globulos \*\*) sic facito. Caseum cum ali-

\*) Spiram funi nauticō in orbem conuoluto similem esse aiunt.

\*\*) Fortasse sunt quos Syracusani epicyclios vocabant.

alica ad eumdem modum misceto: Inde quantos voles facere facito, in ahenum caldum vnguen indito. Singulos aut binos coquito, versatoque crebro duabus rudibus, coctos eximoto. Eos melle vngito, papauere infriato, ita ponito. Enchyrum sic ad eumdem modum facito, ut globulos, nisi calicem pertusum cauum habeat: ita in vnguen caldum fundito: hoc in restim quasi spiram facito: idque duabus rudibus versato, perfrigitoque. Item vngito, coleratoque, caldum ne nimium, id cum melle, aut cum mulso apponito.

Erneum tanquam placentam facito, eadem omnia indito, quae in placentam, et permisceto in alueo. Indito in hirneam fictilem, eam demittito in aulam aeneam aquae calidae plenam. Ita coquito ad ignem: vbi coctum erit, hirneam confringito, ita ponito. Sauillum\*) hoc modo facito. Farinae selibram, casei pondo II. S. vna commisceto quasi libum, mellis P. S. et ovum. Catinum fictile oleo vngito. Vbi bene omnia commiscueris, in catinum indito. Catinum texto operito: videto ut bene percoquas medium, vbi altissimum est: vbi coctum erit, catinum eximoto, melle vngito: papauere infriato, sub textum subde paulisper, postea eximoto: ita pone cum catino, et lingulis. Pultem Punicam sic coquito. Libram alicae in aquam indito, facito ut bene madeat, Id infundito in alueum

\*) Athenaeus subityllum nominat.

alueum purum, eo casei recentis P. III. mellis P. S. ouum vnum, omnia vna bene permisceto. Insipito in aulam nouam. Huc vsque M. Cato.

Empeptas triticeus panis est cauus, crepidae non dissimilis, in cuius ventrem caseariae placentulae vt in thecam condi solebant. Nanos placentaceus panis est, caseo et oleo constans. A caseo et vsu cribi tyrocoscina dicuntur, quae sic parabis. Pressum bene caseum in vas mittito, et per aereum cibrum superpositum cernito, cum offerendi tempus aderit satis mellis superponito. Ἄρτος αἴπαλος, id est panis tener apud Athenaeum, e lacte modico, oleo, et sale fit. Oportet autem materiam esse mollem. Hic et Capadocius a loco dicitur, ubi plurimum paratur. Syri Lachman vocant, apud quos optimus habetur, esturque calidissimus. Streptitus panis apud eumdem lacte paucō excipitur, cum pipere, et oleo modico, vel adipe. Artolaganum quoque apud Athenaeum eisdem constat, sed additur parum vini. Cubi Athenaeo quadrati sunt panes, anetho, oleo, caseoque conditi. Idem author patem quendam τυρῶντα, quasi caseosum vocari scribit, qualis autem sit silentio praetermittit. Alibi de placenta dicit apud Graecos πλακόεσσι πλακοῦσι adiectiuam esse vocem, vt subintelligatur ἄρτος, id est panis: quemadmodum in σησαμόεσσι σησαμοῦσι, et τυρόεσσι τυροῦσι. Staetitas ex adipe, melle, sesamo, caseoque fit. Nanus est pla-

centaceus panis e caseo, ac oleo. Choria, sunt  
cum lacte melleque edulia: ut hypotyrides.  
Phthoem ita fingunt. Pressus caseus teritur, et  
aeneo cribro colatur, dein mel et filiginis hemi-  
na in vnum subacta coguntur. Praeterea fiunt  
**ex caseo** placentæ, scirbætissus, bitullus, lucolli,  
argyrotrophemata, libi, circi siue circuli, aexa-  
phæ, crustoplacentes, oryzitæ. Deinceps in  
Galliis vulgares placentas, quae quidem lacte  
caseoue constant ex Ruellio proponemus. Vul-  
gatissimum igitur apud Gallos bellarium fingitur  
**e** polline vel simila cum lacte, ouis et butyro  
subacta, conspersis veteris casei nicis: hoc in cir-  
cinatae rotunditatis pastillum colligitur, et fur-  
no mandatur excoquendum. Hoc quod ven-  
tris modo iuxta umbilicum intumescat. Gallico  
sermone gaster, vel gastellus nominatur. Ex  
eisdem omnibus iam dictis coactam offam pisto-  
res in tenuissimas lamellas digerunt, et aliquo  
pingui, vel potius butyro ne membranae coa-  
lescant, interiecto, crassiuscula omnes inuoluunt  
crustula, figura et rotunditate superioris seruata.  
Vbique in Gallia gaster foliatus dicitur, quod  
velut instratis chartarum foliis altera continuo  
super alteram insidente quandam librariam exhi-  
beat imaginem. Neutrum tamen Cretensem ga-  
strin esse constat, cum ratio parandi longe varia-  
sit. Matronae placentam cum feriantur confi-  
ciunt triangularem, **ex** simila cum ouis, lacte  
et butyro in panificium subacta, capaci intus  
ventre, quem per dehiscentem rimulam vetere

com-

complent caseo, et furno dum eliquescat, et torreatur caseus, excoquunt: rura Galliae goniarias vel goieras ab angulis fortassis appellant, Eae non multum dissidere videntur, ab iis quas empeptas supra diximus appellari, cum caua sint panificia, quorum hiantes vteros caseariis implet placentulis: empeptae forsan dictae, quod intestinam desiderent coctionem. Consimile omnino genus tenent, quae a calceari figura vulgus Gallicum calceolos vel calseones appellat, quorum ventris sinus caseo, polline ex aqua vel lacte subacto refercitur, id quod etiam placentulae genus existimatur. Ruri tamen complures ditfectis (viliore fartura contenti) frustatim pomis ex foeniculi semine complent. Sunt qui capacitatem hanc cribrato tenuiter caseo solum offerciant, quae tyrocoscina Graece dici possent, a caseo et visu cribri donato nomine.

Aliae etiam circinata rotunditate finguntur ex consimili materia interiecto vetere caseo creto: aut in taleolas dissecto: Galli vulgo ratones vocant, quod lienis farti modo tumeant. Hoc enim viscus raten nominant: quod ubi humore multo turget, in rotunditatem fere contrahitur: splenia forsitan Graecis dicta, de quibus tantum legi ea esse colore candido. Libi tamen circi genus esse creduntur, qui ex farina, aqua et caseo siebant fusso aequaliter circuitu. Sequuntur popelini in Gallia vocati, quasi popinales dicas. Fiunt ex polline, lacte, ouorum luteis

luteis subacto: quae in circulares offas conglomatae dantur furno igne flagranti, ut exterior pars in crustam occalescat, interna in rimas et cauernulas dehiscat: quae postmodum superiore crusta in orbem circuitumue adempta, butyro recenti et insulso abunde satiantur: et vbi totum exhiberunt nouo imbutae, reposita crusta, molliuscule igne coquuntur, et ita placentae butyro saturatae, vel ut potius dicam ebriae, mensis offeruntur. E consimili panificio in latiores capacioresque circulos explanate fingunt marginulis obsepientes, ne qui induntur liquores effluant, arcente ambitu. Capacitatem caseo vel recenti vel vetusto cum momento butyri complent margine tenus, interdum colostro, nonnunquam tritis nucibus amygdalis: aliquando tritis pomis, prunis, vuis quoque immaturis inferciunt, sed tam concinne, ut persaepe pars capacitatis vna caseo, altera colostro, tertia prunis aut pomis dignoscatur oppleri, semper tamen inspersa sacchari copia, ut fructuum dometur acrimonia, simul ut a lacte cita vindicetur corruptio. Galliae vulgus sua lingua gauritem et gaurulam nuncupant, quasi escharitem extritis aliquot literis, siue placentae siue potius panis genus. Pinsita recte farina veteris casei frusta conuoluunt, et carentibus igne subiecto grandibus ferramentis, in fauorum speciem interne concauatis, quae longis manubriis cancellatim cohaerentibus clavo committuntur, ut possint premi: quod inditum vbi coctum

coctum est ab igni demitur fauaceam referens  
 imaginem. Magno in vsu habentur, qui bunii  
 nomine secundis mensis Gallorum circumferun-  
 tur, quod forsitan in napi modum intumescant:  
 ii Latinis globuli mea opinione dicuntur, et Sy-  
 racusanis epicyclii. Fiunt e similagine, liquori-  
 bus ouorum et lacte resoluta, et tantisper sub-  
 acta dum concrementum retulerint, vt aliorum  
 quae indi aut inuolui libitum sit, tenax haerens-  
 que prehendat. Nam et caseus qui vetustatem  
 sentit, pomorum frusta, vuæ passae, fici et  
 plerique fructus, qui communi sunt vsu edendo,  
 hoc lentore conuoluuntur, et in sartaginem vel  
 patinam, quae feruenti oleo vel butyro axun-  
 giae recenti deflagret, demittuntur, et inibi  
 friguntur abunde, et veruculo ab igni demun-  
 tur, suspensa dum quicquid ebiberint olei vel  
 pinguis remiserint. Ea omnia taganitis referen-  
 da putauerim, quae a patellis et sartagine no-  
 menclaturam deduxerunt: ea bullis quibusdam  
 ab igne citatis extuberant. Adferendum iam  
 aliquid ex Platina Cremonensi coquo scientissi-  
 mo. Igitur EDVLIVM ROMANVM ita  
 parare docet: Farinam purissimam cum aqua  
 subactam in tabulam extendito, vt sit, cylindro.  
 Inde extractam ad latitudinem vnius digituli  
 concidito. Vitam dices, adeo longa est: in  
 iure pingui ac continuo feruenti coqui debet.  
 At si in aqua pro tempore coqui oportuerit,  
 butyrum et salem indito. Coctum in patinam  
 cum caseo, butyro, saccharo, et aromatibus dul-

cibus transferri debet. FVMENTINVM eodem fere modo fit, sed aliquanto grossius, magisque minutim conciditur: conditura eadem quae superior. Torta alba. Libram ac semissem optimi casei recentis, praesertim minutatim concisam bene tundito. Tunsae ouorum albamenta 12. aut 15. selibram sacchari, semiunciam gingiberis albi, selibram liquaminis porcini, totidem butyri recentis, lactis quantum sat erit, admisceto. Vbi crustam, subtilem admodum, in textu collocaueris, haec omnia indito, ad focum posita lento igne decoquito. Super, ut coloratior fiat, carbones in operculum ponito, coctae ac ex textu exemptae, saccharum tritum cum aqua rosacea insperges. Alit haec multum, tarde concoquitur, hepar concalefacit, obstruit, calculum generat, oculis ac neruis obest. Torta Bononiensis. Tantum pinguis casei, quantum in alba posui concides ac conteres. Trito, betas, apium, amaracum, lotum concisum, oua quatuor bene distracta, tunsum piper, parum croci, multum liquaminis, aut butyri recentis addes, miscebisque manibus, ut vnum prope corpus fiant. Hanc item in textum subcrustatum ad focum pones. Semicoctae, quo coloratior videatur, ouum cum croco distractum suffundes. Cocta putato, vbi superiorem crustulam leuauerit. Haec et superiore deterior est.

Offella. Casei Parmensis non nimium duri parum, tantumdem recentis teres. Duo ouo-

ouoruin albamenta agitabis, passulas integras, cinnami, gingiberis, croci modicum ammisceb-  
bis, inuoluesque farinae subactae, et bene exte-  
nuatae, ad eam quam voles magnitudinem, in  
furno deinde non nimium coques. Ita enim  
gratiore*s* sunt, parum tamen alunt, tarde conco-  
quuntur, obstruunt, calculos creant. Caseus  
frictus. Tessellas casei pinguis, nec plane noui,  
in patella ad id apta cum butyro aut liquamine  
suffrigito.

Vbi tenella esse incipient, voluito, ac sta-  
tim eximito, saccharo et cinnamo aspergenda*e*  
sunt, et calidae adhuc edenda*e*. ALITER,  
Buccellas panis bene utrimque tostas, in patel-  
lam per ordinem collocato tessellasque casei tan-  
quam in tabulatum extendito. Ad focum posi-  
tam, textu operito. Liquefactum caseum sac-  
charo, cinnamo, gingibere, aspergito, atque  
statim edito, si esse malam rem vis. Difficillime  
enim concoquitur, et male alit, obstructiones  
et lapidem gignit.

Rapum armatum. Voluere qui gulam  
vallatam habent, id rapum armatum dici, quod  
caseo tanquam lorica et thorace inuoluitur:  
quasi eorum barathra ingressura, nequaquam sine  
armis tuta videantur. Verum quid prodest?  
quod ad tutelam inuentum est, id totum ad per-  
niciem raporum vertitur. Eum malint gulosi,  
tanquam fortissimi in popinis athlethae, arma-  
tum hostem quam inermem deuorare. Ra-

pam vel elixam, vel sub cinere coctam, in tessellas concides. Idem etiam facies de caseo subrecenti et pingui. Subtiliores tamen hae sint, quam quae ex rapis. In patellam butyro aut liquamine vinctam, primum tabulatum ex caseo facies, secundum ex rapis, et sic deinceps, aromatum aliquid aut butyri continuo infundendo. Cito hoc plumentum coquitur, cito etiam edendum est. Sed cum sit perniciōsum, voracissimo Domitiano apponatur. Fricellae ex sambuco. Caseo trito tum veteri, tum recenti, farinae parum ouorum albamenta quaedam, lactis aliquid, sacchari plusculum addes: et simul in eodem mortario conteres. Tritis e mortario et in catinum translatis, flores sambuci integros superasperges et miscebis. Hanc conditaram, aut manu aut cochleari aut aliqua alia forma in patellam inditam, vbi optimum liquamen, vel butyrum, vel oleum ferueat, coquito. Calidae edantur necesse est. Ex compositione quid pro sit obsitue deprehendes. Fricella ex albamento ovorum, polline, et caseo recenti. Observabis ea omnia, quae paululo ante dixi, excepto lacte, et flore sambuci. Hoc et superiori insalubrius. Fricella ex concreto lacte. Lac concretum per densum setaceum transeat facito. Serum quod exprimetur cum farina, albamento ouorum, saccharo, aqua rosacea permisceto. Mixta, cochleari paulatim in patellam ex liquamine, aut butyro feruentem, indito. Laedunt hae neruos et oculos.

Esitium Siculum. Farinam albam, ac bene excretam cum albore oui, aqua rosacea, ac communi bene subigit. Subacta in pastillos in modum paleae subtile, semissemque oblongos extendito. Hinc stilo ferreo admodum tenui excauato. Inde ferrum extrahens vacuum relinquens. Desiccata ad solem huiuscemodi esitia, annos duos ac tres durabunt. Maxime vero si mensis Augusti luna fuerint pinsita. In iure pingui decocta, ac in patinas fusa, trito caseo, butyro novo ac recenti, aromatibus duicibus aspergi debent. Hoc esitium duarum horarum cocturam requirit. In vermiculos. Farinam eo modo quo superiorem subigit, subactam in frusta digitis rescindito, vermiculos dices. Ad solem deinde ponito, ut sint bene siccii, bienio et eo amplius durabunt. Coctos per horam in iure pingui, patinaeque inditos, caseo trito et aromatibus condito. At si dies ieunii fuerit, cum succo amygdalino ac lacte caprino coques: verum quia lac non tantum cocturae requirit, facito prius aliquantulum in aqua ebulliant, deinde lac ipsum addito. Coctos saccharo inspergere memento. Eadem omnium ex farina esitorum coctura est, croco coloratores fiant, nisi in lacte decocti fuerint. Concretum amygdalinum in ieunio. Amygdalas bene tunsas, sacchari vncias duas, et aquae rosaceae tantumdem addes. Infundes item ex lyco austina parum iuris: ne nimium sit salitum caueto. Transmittes haec omnia per setaceum in patinam,

nam, sinesque per noctem quiescere, mane concretum ut lac reperies. Inuolui item, si voles, carice et frondibus poterit, atque inde in patinas transferri. Saccharo suffundere, et anneso condire memento. Parum hoc alit stomachum, et pectus lenit, hepar iuuat, genituram auget, et ardorem vrinae sedat. Recocta fista. Libram amygdalarum bene tunsam, sacchari vncias quatuor, aquae rosaceae vnciam vnam, medium cyathum ex ante dictis piscibus, in vnum miscebis, mixta in formulam per setaceum transmittes. In loco frigido per noctem asleruari debet, sequenti die in patinis aut pinacibus conuiuis appones. Recoctam dices. Butyrum fistum. Libram amygdalarum tunsarum cum medio cyatho aquae rosaceae dissolues, ac per setaceum densum transmittes; ut autem melius constringatur, aut parum farinae ex amylo, aut dimidium cyathum iuris ex lyco addes. Sacchari idem vncias quatuor, et parum croci, ut coloratius fiat, requirit. Haec omnia in vas ad id aptum noctu indes, mane si in loco humido resederit, concretum inuenies. A superioribus nil differt. Hoc Germanicus noster negat esse suaue, quia non vngit. Haec tenus Platinae Cremonensis opera lactaria scripsimus. Galenus in libro de cibis boni et mali succi. Quae ex lacte et caseo placenta conficitur, crassi succi alimoniam praestat, propterea iocinoris meatus obstruit. Eadem ratione quae ex similagine et lacte, aut quae laganii vel rhyematis quicquam accipit, tum quae ex

musto

musto et similagine, vel omnino ex triticea farina conficiuntur, proui succi omnia sunt. Quintam ipsa per se lagana, rhyemataque et bellaria omnia, quae ex tritico confecta sunt, et fermentatione carent, ac tum potissimum vbi non nihil casei in se habent, succi sunt crassioris. Sed mea quidem sententia, quae a nobis modo lagana, ac rhyemata appellantur, veteres communis appellatione itria dixerunt.

De his quae lactis vertatem faciunt.

**Q**uinquefolium herba lac augmentat capris ante potum exhibita. Item dictamnus ventribus ipsarum appensa, aut lac. Cytisus in pabulo pecora laete replet. Quamplurimum igitur ipsum in agro esse maxime refert, quod gallinis, apibus, capris, bubus quoque et omni generi pecudum utilissimus est, quod ex eo cito pinguescit, et lactis plurimum praebet ouibus: tum etiam quod octo mensibus viridi eo pabulo uti, et postea arido possis. Mulieres quidem si lactis inopia premuntur, cytisum aridum in aqua macerari oportet, et cum nocte tota permaduerit, postero die expressi succi ternas heminas permisceri modico vino, atque ita potandum dari, sic et ipsae valebunt, et pueri abundantia lactis confirmabuntur. Galenus folia cytisi discutiendi facultate praedita scribit, una cum tepida quadam humiditate, sicut et maluae. Non igitur mirum si lac augeat, nam maluae quoque cum radicibus suis decoctae ius lac foemini

minis proritat. Anemonae caules et folia cum  
ptisana cocta lactis abundantiam in cibo faciunt.  
Circaeæ semen in sorbitione sumptum lac pro-  
vocat. Vitis albae succus cum tritici decocto  
potus lactis abundantiam facit. Satiua lactuca  
lac promouet. Melanthii semen pluribus die-  
bus potum, menses, vrinam, et lac citat.  
Foeniculi herbæ cibus, et semen cum ptisana de-  
coctum copiam lactis efficiunt. Echion herba  
cum vino, aliae sorbitione lac augmentat. Ha-  
limi radix lactis parit vbertatem. Mouet lac  
siccati anethi comae, et seminis decoctum.  
Ocimum herba locupletat lac. Semen agni,  
id est viticis lacteum succum ciet, mensesque  
trahit in vino potum, quantum est denarii  
pondus. Sonchi succus in sorbitione datus  
lac exuberare praestat. Cicer copiosum lac  
gignit. Nutrici lac imminutum si fuerit, sor-  
bitionibus, et pleniori vietu sustentanda est, vi-  
num dulce potui dabitur: pectus et mamillas  
perfriicare oportet, quibusdam cucurbitula quo-  
que defixa abunde praestitit. Medicamenta  
vero et si lacti generando proficere quidem  
aliquid sciam, non tamen frequenter ipsis uti  
praeceperim, ut quae violentius consumant.  
Hic Aegineta eadem recenset ad lac augendum,  
quae nos superius ex Dioscoride, pastinaceæ  
tamen radicem atque semen addit, Locus est  
lib. I. cap. 4.

Galenus libro quinto de simplicibus medicamentis, lactis genitricem facultatem his verbis explicat.

**C**ommunio quaedam est ac similitudo facultatum effectuumque promouentium aut sustentium et menses, et lac, atque semen genitale: quibus etiam adiacent vrinas mouentia, et tussicularia medicamenta, omnia scilicet attenuandi vi donata. Efficiunt autem lac et genituram, quaedam ut medicamenta, quae pituitosum humorem ita calefaciunt ut in sanguinis naturam abeat. Quaedam ut alimenta, ex totius substantiae affinitate, praesertim si boni succi et mediocriter humida fuerint, tepidaque caliditate praedita, velut et ipsum lac est. Siquidem sanguis in animali moderatum habet calorem, nimium bilis flava, ut pituita frigiditatem nimiam. Lac autem inter sanguinem et pituitam medium caloris gradum obtinuit, non tamen ex aequo utrinque distantem, longius enim a pituita, propius est ad sanguinem. Itaque si lac in mamillis defecerit, sanguinem considerabis, qui nimirum, aut paucior, aut prauior inuenietur. Ille victus vniuersa ratione humectante, calorificaque indiget: Hic, si biliosus fuerit, purgari prius, inde victu, qualis etiam alter opus habet. At si pituitosus, medicamina quidem calida, siue primi, siue secundi ordinis, non tamen siccantia postulat. Praeserenda quae non solum pharmaca sunt, sed alimenta simul, verbi gratia: eruca, foë-

foeniculum, anethum. Accipio autem et ipsas herbas virentes adhuc humidasque, aridae enim tum siccant, tum ultra quam oportet calfaciunt. Sunt huius generis quoque smyrnium, apium, lauer, polium, nempe virides antequam arefcant. Quoniam exsiccantia omnem sanguinis humiditatem depasta, densant, pariterque minnuunt ipsum: quod si calida fuerint, etiam supercalfaciunt: si frigida, nimium refrigerant. Requiritur autem moderatus calor in sanguine absque crassitie, ut lac generare queat. Quare quæ talia sunt, ut iam diximus, citius extinguent lac, quam gignunt. At quæ ita calfaciunt, ut ab initio dictum est, neque euidenter ullo modo exsiccant, vim habere lactis genitricem non immerito assertum est. Sed haec numero pauca sunt, cum non facile sit, quallem desideramus inuenire temperiem: infinita autem ea fere, quae lacti officiunt. Nam quaecunque plus iusto caloris, aut siccitatis, aut frigoris obtinent, ea vel qualitate nocendo, vel tota substantia lac imminuendo, generationem ipsius impediunt.

Haec quidem doctissimus Galenus scripta reliquit.

Iecur anseris proceres gulæ faporis bonitate commendant. Fartilibus crescit mira amplitudine, et quod mirabilius est, exemptum quoque lacte et mulso augetur. Martialis:

*Aspice quam tumeat magno iecur ansere maius,  
Miratus dices, hos rogo creuit ubi?*

Quis

Quis primus tantum bonum inuenerit Scipio ne, an Metellus, viri consulares, an M. Sessius eadem aetate eques Romanus, in quaestione est. Auium vna vespertilio lac habet, lactatque pullos. Hinc aenigma Germanicis metris usurpatur hoc sentu.

*\*) Auis est quaedam sine lingua,  
Uberibus alit altera pullos,  
Tertia laetitiam nescit,  
Quarta caret sanguineo succo,  
Fructu vescitur ultima trimo.  
Griphum solue, et Phoebus eris mihi.*

Sunt autem hae aues Ciconia, Vespertilio, Noctua, Apis, et quae baccis iuniperi pascitur, inde nominata Germanis, quam aliqui turdorum generi adnumerant. Non mirum vero vespertilionem lac habere, cum etiam inter Graecorum grifhos auis non auis, et nostra lingua volucris mus appelletur. Haec in praesentia habui, Auiene charissime, quae ex tempore ad te darem de lactis argumento, ex authoribus antiquis et recentioribus primae notae viris magna ex parte descripta, qui sunt: Hippocrates Cous, Galenus Pergamenus, Nicander Colophonius, Dioscorides Anazarbeus, Aëtius Antiochenus, Paulus Aegineta, Athenaeus, Iulius Pollux, C. Plinius Secundus Veronensis, L. Iunius Moderatus Columella, M. Cato, M. Terentius Varro, Pal-

*\*) Sunt anapaestici dimetri.*

Palladius, Constantinus Caesar, cui Geoponiconrum libri Graeci ascribuntur, Homerus, Virgilius, Martialis. E recentioribus, Hermolaus Barbarus, Calepinus, Perottus, Janus Cornarius, Marcellus Vergilius, et forsitan alii nonnulli. Potuissem adhuc multo copiosius cum aliunde, tum ex medicis haec omnia tractare, quod fortassis alias fiet, praesertim si quid apud vos harum rerum peritisimos artifices addiscere licuerit tam in herbaria quam in lactaria disciplina. Siquidem caseus vester Glaronensis aliquot efficiacissimis herbis conditur, quod liquido color herbaceus, odor medicatus, et sapor cum acrimoniam quadam gratus, ostendunt. Quare merito eius ramenta iusculis adiiciuntur, utpote saluberrima etiam puerperarum.

Non miror, quod nuper accepi Basileae ex D. Osualdo Myconio sacrarum concionum antistite doctissimo, praceptor meo, Glaroni apud vos locum esse, cuius incolae gelidiissimam niualem aquam bibant absque omni noxa, si modo hoc xysto caseo utantur, aliter incommodum sentire. In compositionem enim ipsius calorificae herbae recipiuntur, de quarum numero est, ut audio, nobilis illa astrantia, quam alii ostrutium, imperatoriam, et magistrantium nominant, vernacula lingua *Astrenz* et *Meisterwurz*, quasi omnium radicum magistram et reginam apelles. Radix est digitali crassamento, transuersa repens, odorata, acris, ama-

ra, foris nigra, intus albicans, succo praegnans  
 quali panaces, caulis aliquando ad cubiti men-  
 suram attollitur, in quo folia smyrnii quod vul-  
 go ligisticum dicitur, tenuiora, latiora ferrata,  
 in circuitu fere tereta, supra quae umbella flori-  
 bus albis, semen anethi fere. Prouenit in sum-  
 mis montibus, et petrosis. Transplantatur etiam  
 in hortos. Siue lafer hanc Gallicum dicas, ut  
 Ruellius Angelicam, cuius haec fere species vi-  
 deri potest, ita ut sexu tantum aliqui discernant,  
 nam et laferis duo referuntur genera: siue oreo-  
 selinon, siue petroselinum Macedonicum, haud  
 multum retulerit. Mihi ad postremum animus  
 inclinat, cuius argumenta plura sunt. Primo a  
 nomine, quia veteres Estreaticum nuncupabant.  
 Secundo, a natalibus, in praeruptis enim mon-  
 tium et petrosis, quamuis et in pratis montanis  
 exilit. Tertio, a sapore, quem inter omnia  
 apiorum genera acerrimum amarissimumque ha-  
 bet: ita ut Galenus uniuersam eius amaritie in-  
 fici scribat. Et ἀντιβαλλομένων Galeno ascri-  
 ptorum author in absensis Gentianæ vicem pe-  
 troselinum coniicit, sicut et Helenium, licet id  
 acrimonia et amaritudine astrantiæ nostræ cedat.  
 Quarto, ab odore, est enim odoratum admo-  
 dum, ac idem ἀντιβαλλομένων scriptor apium  
 aromaticum, ipsum vocat. Quinto, a figura,  
 quam foliis et umbella quodammodo similem  
 apii habet. Ab effectibus, qui eidem omnes  
 quos veteres descripserunt et praeterea multo  
 plures a nostra gente ei attribuuntur. Galenus

in Theriacam iniici docet, quod hydropicos plurimum adiuuent, nostri aquam a præcordiis et vniuerso corpore amoliri pollicentur. Colitorminibus, vtero, mensibus, et vrinæ ciendis, veneni periculis, partibus et morbis quibuscumque frigidis, et humidis, febribus putridis, et in primis quartanæ, calculo renum, pulmonum et thoracis vitiis, ischiadi, mortuo foetui et secundis trahendis vtilissimam faciunt. Sunt qui aluum etiam mouere confirmant, tumores et duritas discutere. Enumeratæ facultates omnes etiam Smyrnio magna ex parte attribuuntur, et Cilices Smyrnum in Amano monte nascens petroselinon indigent. Est tamen infirmius petroselino, vt apio vehementius, teste Galeno. Hæc ideo prolixius recensui, vt caseum vestrum commendarem, qui etiam cum lasere, id est Batti silphio viribus excellentiaque certare queat. Si enim Angelica vulgo dicta laser est Gallicum, vt vult Ruellius, ab astrantia profecto superatur. Non sum ignarus Hieronymum Tragum saxifragam illam, quæ pimpinellam facie refert, petroselinum Macedonicum censere, sed cum solam acrimoniam sine amaritudine habeat, non admitti potest. Est vero montanum quoddam genus huius saxifragæ, floris fere tantum colore differens, qui in campestri albus, in montana saxifraga purpureus est per umbellam sparsus, utriusque radix acerrima alba. Montanam in montibus supra lacus Lemanni initium vocant Cettau, si recte memini, eaque lac coagulant,

acce-

accedere inde saporis quoque gratiam affirmantes. Altera herba quam caseo vestro condiendo adhibent lactarii, Germanicum nomen habet, **Tigerkraut**, id est Casealis herba, caseus enim eius odore maxime imbuitur prae caeteris, ut omnino et casei et herbae idem fere sit odor. Alii **Stundkraut**. Alii vocant **Sybengezeyt**, vel quod in omnes horas, vel quod septies in die tantum suum odorem medicatum variet, nunc amittat, nunc recipiat. Euulsa autem eundem fere constanter odorem sibi seruat, tam vehementem ut nonnullis caput offendat, qui ad foenigraci odorem mihi videtur accedere, sed non parum suauior et abundantior est. Instante pluia per omnem domum odorem spargit. Seritur in hortis apud nos. Muliercularum supersticio herbam supra mensas et lectos suspendit, ut veneni malorumque geniorum amuletum sit. Herba est annua, reliquo semine perit. Caulis catus, striatus, albicans, sesquicubitalis, aut circiter, multis alarum cauis. Folia sunt pratensis trifolii, aut loti herbæ, terna, ferrata cuspidibus in ambitu, flos canus, ex albo subcoeruleus, minor quam pratensis trifolii. Semina mucronatis folliculis singulis rufa, forma foenigraci, multo minora. Radix alba, brevis, recta, inutilis. Non posset aptior singi descriptio ad sylvestrem lotum Dioscoridis. Nihil enim impedimenti fert, quod illic agrestis, apud nos sativa tantum floreat, cum idem eveniat circa plurimas alias: scatent longi tractus Narbonensis

Galliae thymo, libanotidi coronaria, spica sylvestri, et aliis plerisque, quæ hic nisi curioso cultu non proueniunt. Neque prohibet altitudo, si paulo procerior in calidissima regione quam in niuosa visatur. Haec sit igitur lotus sylvestris\*), quae leniter astringit, vultus maculas, asperamque et discolorem ceu a sole cutem ex melle inuncta exterit. Bibitur per se etiam concisa, aut cum maluæ semine in vino passione contra vesicæ dolores vtiliter. Hæc Dioscorides. Galenus sylvestris loti semen secundo abscessu calefacere scribit, cum abstersoria quadam facultate. Evidem ipse in absentis foenigræci locum sylvestrem lotum substituere non dubitarem, cui et figuram similem, multo magis auctem effectus habere videtur, sicut et odorem, et saporem qui in utrisque amariusculus est. Nam et foenumgræcum duobus gradibus mediocre temperamentum in calore superat, siccitate duntaxat uno, abstergit, discutit, et multiplices usus in medicina præbet. Has duas tantum herbas condimentarias, quibus vestrum caseum imbutis hactenus intellexi, reliquas a nobis coram auditurus. Non est opus hoc loco Hieronymi Tragi mentionem facere, qui hanc plantam interpretatur pro trifolio asphaltite, et eo quod Scribonius Largus oxytriphylli nomine describit. Mihi neutrum esse constat. Non probo eos qui inter quatuor elementa Heluetiæ iocose ficta Glaronensem caseum pro terra connuine-  
rant

\* ) Dioscorides.

rant, ut vinum Tigurinum aquæ loco, Rhetorum seu Leopontinorum linguam aëris vice, Fryburgensium monetam pro igne recensent: nimirum quatuor hæc ceu omnium vilissima selegerrunt, elementa proportione quadam nominantes, aut quod ad vitam hæc quoque necessaria sint. Vinum ex agro Tigurino ad vicinos quoque transmittitur, huic aquæ vitium quod austерum sit, impingunt. Moneta Fryburgi, quod Aventici colonia est, ex ære fit. Non potest autem vita commode absque moneta transfigi. Rhetica lingua leuis est, ex Italica corrupta, itaque respondet aëri, ex cuius percussione vox resilit. Est vero et linguae ad commoditatem viuendi necessitas. Caseus rasilis terram refert, ut illis placet, forte quod duriusculus ac solidus sit, præsertim antiquior, unde etiam raditur cultris, aut dolabellis ad id factis. Vitam autem sine lactariis operibus non facile esset Heluetiis agere. Huiusmodi illi videntur rationibus usi, quas ego non oppugnabo, neque vinum Tigurinum, quamquam gentile mihi, in præsentia defendam. Sed in Glaronensem caseum, qui maxime huius argumenti est, iniqui mihi esse videntur, quod ipsum ut rem vilissimam omnium elementorum feci comparent, oblii quam pretiosus sit, quam salubris, quam iucundus, quantæ denique gratia cibi potusque fastidium renouer, stomacho gratus et utilis, sumpnum excitat, abundantes eius humores siccando consumit, qualitate noxios emendat, herbarum beneficio quibus optimis

lectissimisque tamquam antidotis et antipharmacis quibusdam constat, ut recte nonnullos aestimare vim eius credam, qui loco theriacae facultatis ipsum commendant. Has eius dotes referre libuit in gratiam D. Osualdi Myconii, præceptoris mei colendissimi, qui Basileae nuper in doctorum conuiuio aduersus acres accusatores, ipsum sua sententia defendit. Sed hic finem faciam. Te doctissime Auiene iterum rogo, si quae ἀπροσδιόνυσα praeter scopum et ordinem scripta deprehenderis aequo animo legas, et si non librum, syluam aut congeriem haec appellato. Plerumque aliorum authorum sententiis recitatis, integrum ipsorum orationem sequutus sum, non in diuersa loca, quod postulabat ordo, disceptam. Hoc solum adhuc monere libet, quod Plinius asinae lac crassissimum scribit, errorem esse, quandoquidem Galeno et experientia testibus, omnium habetur tenuissimum. Deinde quod idem author butyro astrigendi repurgandique vires attribuit, fateri minime possum. Si quid aliud eiuscmodi forte repertum fuerit in libello nostro, quod nullum aut rarum fore opinor, authori suo ex quo nos deprompsimus, ascribendum fuerit.

FINIS LIBELLI  
DE LACTE ET OPERIBVS LACTARIIS.

I N D E X R E R V M  
ET VERBORVM MEMORABILIVM.

<b>A</b>	
Aexaphae	68
Agni semen, eius vis	78
Αἰγαθηλαῖ, earum descriptio	9
Alimenta cum lacte cocta, cuius naturae sint	24
Allium sylvestre, vites odorque eius	57
Αἴλιον	8
Αἴλιον	8
Αἴλιον, 9 νυκτὸς ἄμολυδες	9
Anenome, vires	78
Anethi comae quid efficiant	78
Aparine, vsus apud Pastores	11
Aphrogala, quid	7. 60
Archigenis de lactis vsu sententia	37
Argyrothryphemata	55. 68
Ari folia caseos aduersus vermes defendunt	56
Aristeus primus apum, mellis, lactis et coaguli usum tradidit	58
Artolaganum	67
Ἄρτος ἀπαλής, confectio eius	67
Astrantia, eius descriptio 32. virtus	84
<b>B</b>	
Βάλανον, quid	8
Bellarium apud Gallos vulgatissimum	68
Bitullus	68
Bunii, quid 71. eorum paratio	71
Butyrum, unde nomen 15. 31. eius natura 15 vires 15. ex Galeno 28. aliae vires 28. 31. quid sit 31	15
quod commendandum maxime, 31. virtutes a Diocoride commemoratae, 32. remedium est contra sanguisugas potas, 33. contra multipedes 33	
Butyrum fictum, quomodo parandum	76

# INDEX RERUM

<b>C</b> alathus	10. 11
Calceolus	69
Caseo	69
Caprimulgi, quid	9
Caseale	46
Caseus, qui optimus, 29. eius proprietates 29. qualis in usu praferendus 30. medicamentum ex caseo antiquo 30. de vi recentis 30. caprinus eos iuuat qui viscum biberunt 33. facultates et differentiae, ex Dioscoride 44. aliud discrimen, et quando paratur 47. de caseo faciendo, ex Palladii sententia, 48 virtus casei et signa boni 49 ratio faciendi ex Columella 49. ex Berytto, 51. quomodo ad asseruationem parandus 52. de eius differentiis 53. praestantiora quaedam genera, 56 ex amygdalino lacte 63 Caseus frictus, eius confectio 73 Glaronensis laus 82	
Catatyron	63
χλωρός, variae eius species	55
Choria, eius descriptio	68
Χαῦς	47
Cibarium ex amygdalis lacte coctum	63
Circaeis feminis virtus	78
Circi	68
Circuli	68
Coagulare lac, quid, 7. variaque significatio, 42. qualis sit facultatis, 43. virtus medica, 44. unde nomen	46
Coagulum, eius explicatio	9
Collacteus	11
Colostra, quid 7. quando fiant	7
Colostratio, quale genus morbi	7
Colostrum, 7. 16. quomodo coaguletur, 16. quid in eo discrimen quoddam faciat, 17. quomodo utendum	17
Congius	46
Concretum amygdalinum, quomodo parandum	78
Crustoplacentes	68
Cremor lactis	18
Cura tenesmi secundum Aetium	38
Cubus apud Athenaeum, quid	67
Cytisus, eius vires	77

# ET VERBORVM MEMORABILIVM.

<b>D</b>	Decoctio lactis, 22. modus decoquendi	23
Denarius		50
Δραχ्मήτιον		48
<b>E</b>	Echinus	52
Echion, lac augmentat		78
Edulia nouem ex Columella		64
Edulium Romanum, 71. eius paratio		71
Ἐλέσμα		61
Empeptas		67
Emulgeo, varie accipitur		8
Enchyrum, quomodo parandum		66
Ἐπίπτηγος		60
Epityrum, 53. quomodo paretur		54
Erinaceus		52
Erneum, quomodo conficiendum		66
Esitium Siculum, quomodo parandum		75
<b>F</b>	Fiscella	10
Fiscelli		11
Fiscina		10
Fiscinula		10
Foeniculi vires		78
Fluxione alui laborans, quomodo curandus		38
Formago		55
Frichtellae ex Sambuco, earum confectio, 74. ex con-		
creto lacte, quomodo parentur		74
Fuligo ex butyro, quomodo colligatur, 32. effectus		
eius		32
Fumentinum, eius confectio		72
<b>G</b>	Γαλλ, vnde nomen	5
Galaftites lapis		5
Γαλαθηνόν, quid apud Graecos		4
Γαλακτιῶν		4
Γαλακτοκομός		5
Γαλακτουργεῖν		10
Γαλακτουργὸς		4
Galactophagi		4
Galactopotae		5
Γαλακτώδες		5
Γαλλα ορνιθῶν		6
Galatea, vnde nomen		5
		Gala

# INDEX RERVM

<b>G</b> alaxaera	5
Γαλαξίας, eius explicatio	4
Γαληνός, quid apud Graecos	5
<b>G</b> alli, vnde	5
<b>G</b> allicus caseus	55
<b>G</b> allion	11
Γαλουργεῖν	10
<b>G</b> astellus	68
<b>G</b> aister, 68 foliatus 68. eius confectio	68
Γαυλός	10
<b>G</b> aurites 70. eius confectio	70
<b>G</b> aurula, 70. eius confectio	70
<b>G</b> laro, eius laus	82
Γλαγέδες	10
Γλαγόεις	10
Γλαγός	10
<b>G</b> lobuli, quomodo conficiendi	65. 71
<b>G</b> lycyrrhiza	45
<b>G</b> rateron	11
Γραῦς 60. varia eius significatio	61
<b>H</b> alimi radicis vires	78
<b>H</b> ippace, 44. facultas eius 44 quorum inuen-tum	45
<b>H</b> ypotyris	54
<b>I</b> ecur anferis, quomodo lacte paretur	80
<b>I</b> mmulgeo, quid	8
<b>I</b> uncata,	59
<b>I</b> unculus	59
<b>K</b> αχλική	38
Καλαζιοχές	10
<b>K</b> leberkraut	11
Κρεμκάνη	10
<b>L</b> ac, quid, 1. eius generatio, 2. etymologia 5 gallinaceum quid, 6 de eo in genere 24. eius salubritas, vnde oriatur et iudicetur, 24. de his, quae cibi gratia cum lacte coquuntur, 24. vbi sine sero prematur, 28. usus aduersus venena, 33. asininī contra cantharidas et ephemeron potum virtus, 33 differentiae et usus externus, 34 virtutes 34 vomitorium caprarum quarundam 34. variorum lactis	ge-

# ET VERBORVM MEMORABILIVM.

generum differentiae, 7. iuncatum quid 8. amygdalatum, quomodo praeparetur, 11. anseris lac, 12 coagulum lactis, quomodo fiat, 16. differentia ab anni temporibus, 17. ab aetatum differentiis, 17 ab animalibus 17 ab habitu animalium 18. a paucis, 18. quibus competit, 19. commoditates 19. de modo, mensura, ac tempore utendi, 20 quibus lac obfit 22. decoctio 23. virtutes in variis morbis 35. humanum, 35. eius proprietates et vires medicae, 36. quando et quibus utilissimum 36. in oculorum doloribus 37. quando inutile 37. quae differentia attendenda, 37. cum melle quibus exhibendum, 37. caprinum tenesmo medetur, 38. idem et bubulum biliosis fluxionibus, 38. in grumos coactum, 39. suffocationem infert, 39. strangulationes facit, 40. natura et discrimina ex Varrone 46 pro vino ubi sacrificatur, 48. probatio an aquam contineat 53. ueritatem quae concilient, 77. de genitrice eius facultate

79

<b>Lachman</b>	67
Lactare, varia huius vocis explicatio	4
Lactaria herba, quid	3
Lactaria columna, unde dicta	6
Lactarium opus, quid	3
Lactarius, quis sit, 3. pistor quis	4
Laetes, quid apud graecos	3
Laetescere, quid	3 seq.
Laeteus, varia eius significatio	4
Laetum Liui flumen	6
Laeto, quid inde deducatur	6
Laetucae satiuae vires	78
Lactuca, unde nomen et quid in cibo conciliet	3
Lactucinorum familia apud Rom. unde sic dicta	4
Lepidium, usus eius	15
Libum, quomodo faciendum	64. 68
Lilii flos ex lacte lunonis natus, 6. Martialis de eo verba	6
Loti vires	86
<b>M</b> άζα ἀμολυγεῖν	10
Mel, optimi notae, 40. effectus eius cum lacte per mixti	41
Melanthii seminis vires	78

Me-

# INDEX RERVM

Melca, praeparatio eius	58
Melicratum	61
Mulætra, varia huius vocis significatio	8
Mulætrale, quid	8
Mulætrum	8
Mulgere, quid	8
Musquetum	11
<b>N</b> anus	67
Nix in lacte, quid sic appelleatur	60
Numella	51
Nutricis lac quomodo sit explorandum 36. quid faciendum, si lac imminutum ipsi fuerit	78
<b>O</b> cimum, quid producat	78
Offella, quomodo paranda	72
Omelis	53
Ομογάλακτος	11
Opia	56
Ὀπίν	48
Ὀψος διὰ γαλακτὸς	61
Oogala, 8. usus eius	13
Ὀρθοπύγιον,	27
Ὀρῆδε,	27
Ὀρῆροπύγιον	27
Ὀρῆροσθατός	27
Ὀρῆρωδες	28
Oryzitae,	68
Oxygala, quomodo fiat, 13. 15. eius natura et vires	16
Oxygalactinus caseus 15. 29. vires medicæ	31
Ὀρθοπύγιον	27
Opus ex lacte coctum cum oryza	63
<b>P</b> anis streptitus, 67. caseofus	67
Parmensis casei laus, quomodo seruandus	56
Πέλεκυς, quid	9
Πελεκῶ, quid	9
Πέλλα, quid	8. 10
Πελλαγτής quid	9
Πελλίς, quid	9
Peluis, vnde hoc nomen	9
Ψfund, vnde dictum,	47
Pthhoe, quomodo paranda	68
Φιλανθρωπος.	11

# ET VERBORVM MEMORABILIVM.

<b>Πηγνύνας γάλα, quid</b>	9
<b>Picerion</b>	31
<b>Πικτία,</b>	41. 43
<b>Πιτύχ</b>	22. 52
<b>Πιτύνη</b>	42
<b>Placenta quomodo paranda, 64. iudicium Galeni de iis,</b>	76
<b>Placentini casei</b>	55
<b>Popelini, 69. eorum praeparatio</b>	69
<b>Poppea, quomodo lacte sit vsa</b>	34
<b>Protogala</b>	16
<b>Ψυγὸς</b>	10
<b>Ψυκτὴρ</b>	10
<b>Pyctes</b>	8
<b>Pyos, et Pyon; quid</b>	8
<b>Pyriathes, quid</b>	8
<b>Pyrihephthon, v. Pyriathes</b>	
<b>Puls ex ouo et lacte, quomodo medicis nominetur</b>	8
<b>Puls punica, quomodo paranda</b>	66
<b>Q</b> uasillus	11
<b>Quinquefolii virtus</b>	77
<b>R</b> ampier	
<b>Rapum armatum, quomodo conficiatur</b>	57
<b>Rato</b>	73
<b>Recocta 57. ficta, quomodo paranda</b>	69
* <b>Poὸς</b>	76
<b>Ruma</b>	27
<b>S</b> acharum cum lacte conditum et melca	48
<b>Salita</b>	62
<b>Salonites caseus, apud quos in gloria</b>	57
<b>Sauillum quomodo parandum</b>	55
<b>Sciffile lac</b>	66
<b>Scirbatissus'</b>	35
<b>Σχισδὺ, quomodo fiat, 35. quando lac sic</b>	68
<b>Σχιστε</b>	35
<b>Scriblita, quomodo paranda</b>	16
<b>Secundarius caseus</b>	68
<b>Serum lactis 25. vires 25. quomodo parandum, 25</b>	56
<b>vſus, 25. praeparatio apud Cares, 26. quibus con-</b>	
<b>veniat, 26. quid a vulgo Medicorum sic nominetur, 27.</b>	
<b>coniectura de appellatione seri, 28. quibus dandum</b>	35
<b>Sinus</b>	49

# INDEX RERVM &c.

<b>Σκεψία</b>	10
Smyrnium, descriptio et vires	84
Sonchi succi vires	78
Spira, quomodo facienda	65
Spuma lactis, ubi conficiatur	7
Staetitas, unde fiat	67
<b>Συντάγμα γάλα</b>	10
<b>T</b> aganitae, unde ipsis nomen	71
Τάλαρος	10
Ταμισον	43
Τηρρός	10
Τάρσος	10
Tempora, diuersa mulgendi	9
Tenesmi cura	33
Τέρσειν	10
<b>Θυλεία</b>	56
Torta alba, quomodo paretur, 72. vis medica	72
Bononiensis, eius confectio	72
Tragus saxifraga, eius descriptio	84
Τρέφειν γάλα	10
Τρεφαλίς 55. varie exponitur	61
Τυρόγαλα	27
Τρύχνη	10
Τυρόκυνητε	10. 46
Τυρέκομειν	10
Τυρωκομεῖον	10
Tyroscina eius confectio	67. 69
Τυρεφορεῖον	10
Τυροῦσθα	46
Τυρῶδες	46
<b>U</b> nser Frauenbettstreh	11
Vermiculi, quomodo parandi	75
Vespertilio, lac habet	81
<b>Vita</b>	45
Vitis albae succi vires	78
<b>Ζενοχράτιος τυρίου</b>	57
Xeria tyros	54
<b>Y</b> πομάζιον	4
Ziegerkraut, ad caseum condiendum utilis eius de- scriptio et vires	85

